

Sip kapsait wantaim ol skul piknini

pes 2

Gavman bai pulim K1.6 bilien

pes 3

Luteran sios i noken bruk

pes 6

Lo na Oda hevi long Sauten Hailans

pes 7

Tok pilai

wantaim

Kanage



pes 25 na 26



Gavman bai salim PNGBC

WENCESLAUS MAGUN i raitim

TINGTING bilong Gavman long salim ol gavman bisnis olsem PNGBC beng na ol arapela (praivetaisesen) i gutpela sapos i gat ol gutpela gaidlain, nogat paul pasin, i op long olgeta pipel i ken lukim na save na i bihainim stail bilong ronim ol praivet bisnis, wangepa Dairekta bilong Institute of National Affairs, Mike Manning i tok.

Mista Manning i tok nau yet em i no save gut long 'White paper' bilong Gavman long toktok bilong praivetaisesen olsem na em i no inap tokaut stret long wanem samting em i gutpela na wanem samting em i no gutpela long praivetaisesen. Em i tok i gat planti ol eria bilong glasim na toktok long en na em bai gutpela sapos ol pipel i save long toktok bilong praivetaisesen.

Mista Manning i tok tu olsem em i no laik lukim ol pipel bilong PNG i no kisim sampela gutpela sevis taim gavman i salim ol gavman bisnis. Long wankain taim em i no laik lukim sampela maniman o meri o kamapani i baim aut ol gavman bisnis na i no wari long lukautim ol grasrut pipel.

Em i tok bai i gat wangepa woksap i kamap long Februari 28 long Granville Motel long glasim toktok bilong praivetaisesen long wanem dispela toktok em i wangepa bikipela samting long kantri. Moa yet, wangepa maus meri na olpela memba bilong Milen Be Provinsel Gavman Matilda Pilacapio i tok Nesenel Gavman i mas karim aut moa awenes na skulim ol pipel long ol gutpela samting na ol samting nogut bai kamap taim gavman i karim aut praivetaisesen program. Misis Pilacapio i tok gavman i noken pasim ai bilong ol pipel bilong PNG long ol gutpela samting we

praivetaisesen i ken kamapim na i no tokaut long ol bikipela hevi ol pipel bilong PNG bai bungim taim praivetaisesen i kamap.

Em i pret nogut planti mama i nogat wok taim praivetaisesen i kamap na dispela inap kamapim moa hevi insait long famili. Em i askim tu moa pipel bilong PNG long sapotim singaut bilong Tred Yunien Kongres Jenerel Seketeri John Paska long toktok bilong praivetaisesen. Mista Paska i bin askim gavman long kisim tingting bilong olgeta grup insait long komyniti na tu long Oposisen bipo long ol i pasim tok tok bilong praivetaisesen insait long palamen.

Mista Paska i tok gavman i gat laik long salim ol gavman bisnis tasol gavman i mas luksave olsem ol pipel i gat rait long dispela ol samting. Olsem na olgeta pipel bilong PNG i mas autim tingting bilong ol pastaim, bipo long gavman i kamapim wangepa 'White paper' na pasim long palamen. Las wik Fraide, Prais Minista Sir Mekere Morauta i tokim ol niusman olsem tingting bilong salim ol gavman bisnis em i gutpela long stretim gut na kirapim PNG.

Em i tok praivetaisesen i ken daunim ol bikipela dinau gavman i gat insait long kantri na daunim ol bikipela win mani ol dispela dinau inap kamapim. Moa yet praivetaisesen i ken daunim hevi bilong mani kantri i bungim long dispela taim na tu traim long stretim hevi bilong prais bilong ol samting we i antap tumas long ol yia i go pinis i kam inap tude. Sir Mekere i tok Praivetaisesen Komiti bai kamapim wangepa o gaidlain na polisi bilong glasim na lukim olsem i gat gutpela prais bilong ol gavman bisnis taim ol i laik salim i go long ol praivet sekta. Em i tok dispela komiti bai

lukim olsem i gat ol dispela gaidlain na polisi i stap bipo long ol i salim Finance Pacific (Papua Niugini Banking Corporation, Motor Vehicle Insurance Trust, na Nambawan Fainens), Telikom, Harbours, Water na Civil Aviation. Em i tok dispela komiti bai lukim olsem i nogat paul pasin i kamap long taim bilong salim ol gavman bisnis.

"Mipela bai kamapim wok bilong painim aut ol komyniti sevis we ol dispela gavman bisnis i save mekim we ol praivet sekta bai i no inap mekim. Dispela wok bai kamapim mining bilong komyniti sevis wok olsem wangepa kondisen bilong salim ol gavman bisnis. Dispela rot i ken lukautim interes bilong komyniti sevis," Sir Mekere i tok.

"Mipela bai mekim klia olsem i gat pasin i stap long taim bilong salim ol gavman bisnis olsem bai i gat rispek long rait bilong ol wokman na meri husat i wok nau long ol gavman bisnis," em i tok.

Sir Mekere i tok: "Mipela bai kamapim wok bilong lukim olsem i gat inap pipel bilong Papua Niugini i baim ol gavman bisnis, long pasin we planti pipel insait long komyniti i ken kisim helpim."

Em i tok gavman i gat bikipela tingting long statim wok bilong salim Finance Pacific long dispela yia na pinisim olgeta pepa wok long yia 2001 bilong salim dispela gavman bisnis. Sir Mekere i amamas tu long sapot i kam long Australia, Nu Silan na Wol Beng na ol pren bilong Papua Niugini long sapotim tingting bilong gavman long salim ol gavman bisnis. Gavman bai kisim samting olsem K1.6 bilien sapos ol i salim olgeta gavman bisnis na bekim bek K1 bilien dinau gavman i gat insait long kantri.

Fri edukesen bilong ol pikinini Morobe

YAKAM KELO i raitim

OL skul pikinini long Morobe provins i no inap baim skul fi taim Morobe provinsal gavman i kamapim K3.5 milien insait long baset long mun Mas. Dispela mani bai Morobe gavman i brukim i go long olgeta skul insait long Morobe provins long baim skul fi bilong ol pikinini.

Morobe Gavana Luther Wenge i tokim Wantok olsem gavman bilong em i gat bikipela tingting long edukesen bilong ol pikinini Morobe olsem na ol i mas kamap wantaim dispela helpim bilong sapotim ol papamama.

Mista Wenge i tok planti papamama olsem ol pasto, misinari lain, apas lain, ol turangu lain, ol pasindia lain i gat ol save pikinini. Ol pikinini bilong ol i gat bikipela save winim ol pikinini bilong ol bisnisman na ol savelain. Tasol ol i nogat inap mani long baim skul fi na dispela hevi i save daunim ol long kisim gupela edukesen.

Tru planti bilong ol dispela lain i gat graun na ol samting bilong kamapim mani, tasol olgeta taim hevi bilong mani i save bungim ol, em i tok.

Mista Wenge em i wok bilong gavman bilong em long kamapim dispela helpim long ol pikinini Morobe i ken kisim gutpela save long skul na kam bek kirapim Morobe provins na Papua Niugini olgeta.

Dispela fri edukesen bai ol pikinini long olgeta Morobe skul long fri skul, elementeri, komyniti skul, hai skul, nesene hai skul na ol vokesenel skul bai kisim. Ol pikinini bikipela koles na yuni-vesiti bai i nogat.

Gavana Wenge i tok bai olgeta bus skul o aut-stesin i kisim ful fri edukesen (100%) na long taun skul long Lae bai ol pikinini i kisim hap fri edukesen (50%).

Em i askim ol papamama long nau yet ol i mas baim skul fi long mak we skul i sasim ol. Inap long mun Mas we Morobe Gavman i brukim dispela mani bilong skul subsidi i go long olgeta skul, orait ol papamama i ken go bek na kisim skul fi mani bilong ol bek long skul.

Mista Wenge i tok olgeta pikinini bai kisim bek skul fi bilong ol bikos Morobe gavman bai baim skul bilong olgeta Morobe pikinini.

Ol Morobe pikinini husat tu i bin pinisim gret 10 long las yia na nau i skul long ol nesene hai skul long narapela provins bai Morobe gavman i helpim ol tu.

Mista Wenge i tok em i bilip taim Provinsal Gavman i pasim saplai bil long neks mun, bai ol i kamapim dispela lo bilong fri edukesen o skul subsidi. Na em i laik bai dispela lo i ken wok olgeta taim long olgeta gavman i kam bihain na lukautim Morobe provins.

Em i tok tu olsem K700,000 nesene gavman i save givim long olgeta mun long Veliu Eded Takis (VAT) bai inap long kamapim dispela fri edukesen polisi bilong Morobe provins. Tru VAT mani i mas K2.4 milien olgeta mun, tasol dispela i no save kamap. Gavman i daunim long K700,000 tasol. Sapos narapela K2 milien we Morobe gavman i bin winim tu long kot i kamap, bai dispela i givim gutpela baset bilong edukesen insait long provins, Mista Wenge i tok.

Gavana Wenge i tok gutpela sindaun na divelopmen bilong Morobe provins i stap long wok bilong gutpela edukesen na rait edukesen bilong ol pikinini. Olsem na gavman i mas strongim dispela.

PLIS RIPOT

Mpsbi, Nesenel Kapitel:

• Plis i holim pasim na sasim tupela man long paulim bikipela hap mani bilong tupela narakain kampani, Plis Komanda bilong NCD na Sentrel Provins, Raphael Huafole i tok.

Mista Huafole i tok olpela rejistra bilong Nesenel Geming Bod Paul Aisa em i kism sas long paulim K100,000 bilong Nesenel Geming Kontrol Bod. Wapela meri em Misis Maparo Isaro em i kism sas long paulim K46,900 bilong Stet, Mista Huafole i tok.

Mista Aisa i gat 45 krismas na em i bilong ples Oriropetana long Bereina eria insait long Sentrel provins.

Misis Maporo Isaro i gat 35 krismas na em i kam long ples Vailala long Ihu Distrik insait long Galp provins.

Em i tok Mista Aisa i bin stilim tupela ka we ol bin baim long salim i go long Bogenvil bilong yusim long ol restoren wok long ailan. Ol bin baim ol ka ya long Friwe Motors ka kampani. Mista Huafole i tok ol mamba bilong Nesenel Frod skwat i bin paini olsem Mista Aisa i bin wok long yusim VX stesen wagon we i kostim K76,500 bhain long ol bin pinisim em long wok taim em no bin salim narapela Toyota Daina trak i go tu long Bogenvil long 1998. Ol plis ripot i tok Mista Aisa i bin tokim Geming Bod olsem em laik baim dispela VX Turbo stesen wagon tasol em no bin baim inap long ol plis i kism bek long las ya.

Mista Huafole i tok Misis Isaro i bin paulim mani taim em i wok olsem wapela OIC long Akauns wantaim opis bilong Pablik Kureta long Mosbi.

• Sampela lain i bin kukim ka bilong Midel Flai palamen memba Biton Kuok ausait long Palamen ka pak long dispela wik.

NCD na Sentrel Provins plis bos Raphael Huafole i tok taim ol sekjurit ka husat i patrolim eria i lukim dispela samting na go klostu long hap we ka i paia long en, faivpela saspek i bin sut long sekjurit tasol sekjurit i bin rausim paia na ol raskol i bin ronawe.

Komanda i tok paia i bin kukim hap bilong sindaun tasol ol arapela hap na bodi bilong ka i stap orait tasol.

Birua i bin kamap long biknait las Fræide.

• Plis i painim pinis K78.000 kes mani we ol raskol i bin stilim long wapela pasindia long domestik terminol long Jacksons ples balus las Fræide.

Mista Huafole i amamas long gutpela wok we ol manmeri bilong em i bin wokim long kism bek mani ya.

Em i tok saspek ya i bin lusim ka, manibeg na raifel taim ol plisman i wok long ronim em na klostu ol i kism em. Dispela mani em ol royelti peimen bilong ol papagraun long Kamusi Loging kampani, Mista Huafole i tok.

Plis i mekim wok painimaut long dispela samting.

Madang:

Wapela loya bilong Gembogl eria insait long Simbu provins i bin dai long Madang las wik Fonde, Provinsel Plis Komanda B.B Simanjon i tok.

Nem bilong man ya em Aaron Apa na em i marit na i gat tripela pikinini. Em bin wok olsem wapela praivet loya long Madang long ol kampani bilong em, Joseph Aaron APA Loyas. Tasol nau em bin wok long Madang Haus sik taim em i bungim dai.

Mista Simanjon i tok plis i no painaut yet long as bilong dai tasol em bin pillim sik long wokples na em i go long haus. Taim em i go kamap long haus, em i bin askim long wara na taim wapela haus lain i wok long kism yet wara bilong en, em bin pondaun na dai.

Niu Ailan plis lukluk long birua long solwara

BARBARA MASIKE i raitim

PLIS insait long Niu Ailan bai stat long karim aut wapela wok painimaut long dispela birua i bin kamap long solwara long Namatanai long Sande apinun.

Long dispela birua, wapela bot MV Feni i karim ol pasindia bilong Anir na Tanga ailan na kapsait 10-pela kilomita ausait long nambis bilong Namatanai.

Fopela man i dai long dispela birua, narapela tupela i stap long haus sik long Nonga, Is Nu Briten provins, na planti moa inap long 200 husat i bin swim solwara i kam long sua i stap long Rasese viles klostu long Namatanai.

Provinsel Plis Komanda Sif Inspekta Paul Ari i tok long dispela wik olsem em bai go daun long Namatanai wantaim 6-pela plisman bilong em long helpim ol plis bilong Namatanai long painim aut as

bilong dispela birua.

Tupela dokta bilong Kavieng bik haus sik tu i go daun pinis long Rasese viles long lukluk long ol dispela husat i bin swim i kam sua.

Ol samting olsem kaikai, klos na ol narapela samting i wok long go nau long helpim ol tarangu lain ya.

Kodineta bilong Maritaim Ses na Reskiu Operesens Ekai Lore i tok ol i no nap long painim sevenpela moa pipel i lus yet. Em i tok, ol bai karimaut las lukluk long Trinde na bai stapim bikos ol dispela lain i mas dai pinis.

Ol dispela lain i dai wapela em i lapun, krismas bilong em i stap olsem 60, tupela skul mangi, wapela i gat 15 krismas na narapela em i liklik pikinini, krismas bilong em i tupela tasol.

Tripela long ol, bodi bilong ol i stap long Kavieng haus sik na mekim foa, em wan-

pela long tripela husat ol i bin kism igo long Nonga Bes haussik.

Dairekta jenerel bilong Nesenel disasta na imejensi sevis Ludwick Kembu i tok ol ripot i kam long Niu Ailan i bin tok bot ya i bin karim ol pasindia bilong Tanga na Anir ailan. Bot i bin karim 212 pasindia olgeta na i bin pulap tumas. Em i tok taim win na ren i painim em bot i bin kapsait.

Ol pipel bilong Tanga na Anir i nogat ol hai skul na taim ol pikinini i save pinisim praimer i skul ol i mas go skul long hai skul long bikples.

Dispela bot em ol i mekim long diwai na nau yet em i go daun insait long solwara. Ol daiva i no nap long go daun na lukluk sapos sampela bodi i stap pas insait long bot.

Lihir Maining Limited na Pacific Helikoptas i helpim long painim ol man i lus long solwara.

Wenge glasim hevi bilong ol Lae setelmen

FRANCO NEBAS i raitim

GAVANA bilong Morobe provins Luther Wenge i tok i nogat gutpela luskave i save kamap long ol hevi insait long ol setelmen insait long kantri.

Mista i tok bhain long kantri i kism 25 yia independens inap nau, i nogat gutpela luksave i save i stap long ol setelmen.


Mista Wenge i mekim dispela toktok long wapela bung wantaim sampela lain i stap long setelmen long Bundi kem long Lae.

Posisen Faiv setelmen em wapela hap graun olpela gavman bilong Morobe i bin givim long sampela lain pipel husat i bin kism bagarap long graun bruk long dispela hpa long 1992.

Samting olsem 2000 manmeri i stap long dispela hap wantaim 109 haus bilong slip wantaim tupela haus lotu. Aut long dispela ol manmeri, planti em ol wokman bilong ol kampani na gavman.

Long dispela bung presiden bilong Bundi Kem komyuniti Elson Goro i tok bhain long ol i kism bagarap long graun bruk, olpela Gavana bilong Morobe Jerry Nalau wantaim ol opisa bilong em i bin givim ol dispela hap long stap.

Em i tok taim hevi i bin kism ol long dispela taim ol i lusim olgeta samting bilong ol. Gavman i bin putim ol long bikipela Lae maket ples bhain i go long So Graun.



• Luther Wenge.

Ol i muvim ol aut long dispela tupela hap long wanem dispela hap i gat maket ples we kaunsel i laik wokim mani na tu so i save kamap.

Em i tok Gavaman bilong Jerry Nalau ibin promisis ol long stretim dispea hpa gran na givim ol sindaun tasol i kam inap

nau i nogat samting i akmap we gavmani givim notis long rausim ol long graun.

Ol i petisenim Gavana (tude) long Tunde long helpim ol long hevi bilong ol.

Gavana Wenge i tok em i luksave long hevi bilong ol tasol em i no inap long mekim samting hariap nau tasol. Dispela o hevi i mas go long rot bilong em stret we i mas gat gutpela skelim pastaim.

Em i tokim ol olsem dispela notis ol i kism long muv aut long dispela graun em bai stopim inapim long ol i toktok gut wantaim Lens Dipatmen na bai givim graun i go long ol pipel.

Lod Meya bilong Lae Siti Toffamo Mionzing husat tu i bin witness dispela bung i askim sapos dispela graun we ol pipel i tap bai i orait.

Dispela long wanem long nau yet gavman i stat long salim ol bisnis bilong ol. Dispela graun we ol pipel long Posisen Faiv i stap tu em graun bilong Laivstok Developmen Kopresen we tu em wapela bisnis bilong Gavman.

Em i askim sapos ol pipel long dispela hap bai kism dispela graun long dispela taim gavman i mekim ol muv bilong ol.

Tupela lida i tok strong long ol pipel olsem ol bai kism graun tasol wok bilong ol nau em long noken mekim trabel o kamapim raskol pasin.

Tupela i tok sapos wapela liklik hevi i kamap ol bai rausim ol tasol.

Bogenvil laikim gavman helpim U-Vistrak stretim ol pipel

VERONICA HATUTASI i raitim

NESENEL Gavman i mas kamapim sampela rot na ol pipel i ken gohetinsait long ol wok developmen bhain long hevi i bagarapim ol Bogenvil pipel 12-pela krismas pinis.

na ol i lusim olgeta samting insait long las 12-pela krismas.

Wapela man Bogenvil husat i no laik bai nem bilong em i kamaut long niuspepa i tokim Wantok Niuspepa long dispela wik. Man ya i wokim dispela toktok bhain long planti papamama long Bogenvil i bungim hevi long peim ol skul fi bikos kwik mani bisnis, U-Vistrak i no baim ol.

Bikos man Bogenvil i bin statim U-Vistrak, olgeta pipel long Bogenvil i bin putim mani bilong ol i go long dispela bisnis long las yia. Planti i bin ting olsem mani bilong ol bai go bikipela na bai helpim ol gut long stretim sindaun bilong ol bhain long ol bin sindaun nogut, nogat mani long peim ol skul fi, wokim haus na ol arapela wok moa. Na taim mani bisnis

U-Vistrak i kam insait las yia, planti i lukim olsem sans rot long putim mani bilong ol long wanem em bin promisis bikipela intres. Na dispela i no olsem ol komesel beng we i no save laik helpim tumas ol grasrut pipel bilong ples.

Man ya i tok planti papamama i wok long toktok wantaim ol hetmasta insait long ol komyuniti, praimer na hai skul bilong peim liklik mani tasol pastaim na ol i ken larim ol pikinini i go insait long skul. Na ol bai peim isi i go inap ol i kism mani long pinisim, man ya i tok.

Em i tok sapos tru tumas U-Vistrak Fainens kampani i gat we long helpim ol pipel bilong Bogenvil, gavman i mas givim sapot long en na helpim long skruim dispela helpim i go long ol pipel. Na em ken wokim peimen.

Em i tok sapos nogat, ol pipel bai singaut na presaraisim gavman long givim ol helpim. Na tu long peim kompensesen long ol pipel we i bin dai na ol samting we i bin bagarap long taim bilong bikipela hevi long ailan, man ya i tok.

Em i tok planti pipel i no amamas na

wet tasol long askim gavman long peim kompensesen long ol manmeri i bin dai, ol propeti, ol bisnis na ol arapela samting moa we i bin bagarap na lus long hai bilong ol paitman long taim bilong hevi.

Em i tok ol bin lukim ol loya pinis long ol dispela bagarap, lus na dai na ol bin kism ansa olsem gavman i no bin bhainim lo long lusim Bogenvil na ol pipel taim hevi i go bikipela bikos dispela i bin larim ol man nogut long tekova na bagarapim ol samting long 1990.

Man ya i tok sapos gavman i stapim U-Vistrak long wokim peiaut na i no larim Beng ov PNG long stretim ol samting na U-Vistrak i ken wokim peiaut, ol pipel bilong Bogenvil bai singautim gavman long peim kompensesen long ol bagarap na dai we i bin kamap long taim bilong hevi long ailan.

Ol ripot i tok nau yet, ol bikman long U-Vistrak Fainens kampani, Beng bilong PNG, ol komesel beng na gavman i skruim yet ol toktok long taim stretim ol samting na em ken wokim peiaut.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

General Manager and Group Editor in Chief:
Anna Solomon.
Acting Advertising Manager:
Jocko Oberleuter

Papers distributed by air throughout PNG. Available by air mail subscription within Papua New Guinea and overseas
Email address:
word@global.net.pg

Editor of Wantok:
Yakam Kelo.

Advertising deadlines: Display bookings: Tuesday midday, Camera ready copy: Wednesday midday. Classified Advertising: Wednesday 5am.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Bogenvil laik toktok long pawa na independens

VERONICA HATUTASI i raitim

BOGENVIL i laikim nesene gavman long wokim sampela senis long Mama Lo long oraitim ol toktok bilong moa pawa na independens long ailan i kamap, Bogenvil Pipels Kongres Presiden Joseph Kabui i tok.

Ol i laikim dispela i kamap long namba tu bung bilong ol politikel toktok bai i kamap namel long ol Bogenvil lida na nesene gavman long Februari 14 long Buka.

Mista Kabui i tok sapos ol i oraitim ol dispela samting, ol mas stretim tu taim bilong skruim dispela tupela samting bikos ol pipel i laik save gut long taim tebol bilong bihain taim bilong ol.

Em i tok tu olsem ol Bogenvil lida i laikim dispela grup we gavman i makim long gat pawa long makim maus bilong nesene gavman insait long ol politikel toktok bilong bihain taim bilong ailan we bai stat long tupela wik i kam.

Ol bikman we i stap long gavman grup em long Sir Michael Somare husat i go pas, Helt Minista Ludger Mond, Kilroy Genia husat i Jastis minista, Plening na Implimentesen Minista Moi Avei, Pablik Sevis Minista Philemon Embel na Foren Afeas Minista Sir John Kaputin.

Mista Kabui i tok gavman i mas larim dua bilong em i op long toktok bilong moa pawa na independens.

Em i tok em i amamas long Sir Michael na gavman long ol toktok ol i mekim olsem ol i redi long toktok long moa pawa na independens.

"Toktok bilong Sir Michael we em bin mekim long makim maus bilong nesene gavman olsem palamen bai lukluk long dispela tupela bikpela samting i puim nupela strong long ol wok bilong painim gutpela sindaun. Sapos gavman i bin tok nogat long toktok bilong moa pawa na independens, em bai bagarapim ol wok long kamapim gutpela sindaun," Mista Kabui i tok.

Em i tok Bogenvil i strong long kisim moa pawa na fridom na sapos rot i kamap long blokim dispela, hevi bai kamap gen.

Taim Mista Kabui i tok amamas long nesene gavman bilong kirapim interim edministrativ gavman long Bogenvil, em i tok dispela i mas noken blokim rot bilong negosiet long moa pawa na independens.

"Long lukluk bilong mipela, dispela bai i stap long sotpela taim tasol taim mipela i wet long kisim moa pawa na independens. Wanem Bogenvil i laik lukim long namba tu toktok em gutpela ansa bilong gavman long dispela samting," Mista Kabui i tok.

Em i tok sapos ol lain i makim gavman long ol toktok i nogat pawa long kamap wantaim agrimen, bai ol i gat trupela negosiesen olsem wanem?

Em i tok i tru yet olsem gavana John Momis i tok, "taim bilong glasim na skelim ol samting long Bogenvil i ova pinis. Nau em i taim bilong ol trupela ansa i mas kamap."

Mista Kabui i tok Bogenvil i laikim gutpela ansa long PNG na bihainim dispela, em ken save long rot bilong bihain taim bilong em na redim ol samting.

Gavman bai kisim K1.6 bilien long salim gavman bisnis

....Na bekim bek K1 bilien dinau

WENCESLAUS MAGUN i raitim


PRAIM Minista Sir Mekere Morauta i ting Nesene Gavman bai kamapim olsem K1.6 bilien long neks ya taim gavman i salim ol gavman bisnis. Na gavman i gat tingting long bekim K1 bilien long ol dinau gavman i kisim long ol kampani na pipel insait long PNG.

Tasol em i tok samting olsem 25 i go 30 pesen bilong ol pipel bilong Papua Niugini i gat sans bilong baim ol gavman bisnis taim gavman i salim ol gavman bisnis neks ya.

Astinging bilong Sir Mekere na Praivetaisesen Minista Vincent Auali long salim ol gavman bisnis em bilong kisim mani na bekim bek ol dinau ol gavman bipo i bin kisim long ronim kantri.

Insait long 2000 Baset we Palamen i pasim long mun Novemba las ya, Sir Mekere i tok olsem gavman bilong em i gat bikpela laik long bekim bek K100 milien (K1 bilien) long ol dinau ol gavman bilong bipo i bin kamapim.

Long dispela 2000 Baset tok-



• Sir Mekere Morauta.



• Vincent Auale.

las ya, Sir Mekere i tok bikpela mani bilong bekim dinau bai i go long baim ol kampani na ol pipel, Papua Niugini Difens Fos na Plis Fos i gat dinau long ol.

Arapela hap bilong dispela mani bai go long ol pipel na ol kampani husat i bin kotim gavman na hap bilong dispela mani bai i go long baim ol kampani na stuturi bodi we gavman i yusim wara na pawa sevis bilong ol tasol i no bin baim ol dispela sevis.

Las wik Fraide, Sir Mekere i tokim ol niusman bihain long wanpela wan wik kibung bilong ol memba bilong intanesene edvaiseri grup wantaim em yet, Mista Auali na Siaman bilong

Praivetaisesen Komisen Ben Micah long Mosbi olsem, namba wan gavman: bisnis gavman bai salim em ol kampani i kam anit long Finance Pacific Group of Companies.

Ol kampani i kam anit long Finance Pacific Group of Companies em long Papua New Guinea Banking Corporation (PNGBC), Motor Vehicle Insurance Trust (MVIT) na Namba wan Finance.

Ol arapela gavman bisnis em long Harbours Board, Water Board, Civil Aviation, Electricity Commission, Telikom na POST PNG.

Sir Mekere i tok nau yet Praivetaisesen Komisen i glasim gut ol lo bilong salim ol gavman bisnis long wanem gavman i nogat laik long lukim paul pasin i kamap long taim gavman i stat long salim ol gavman bisnis.

Em i tok i luk olsem olgeta dispela pepa wok bai pinis sampela taim long pinis bilong dispela ya, na stat long ya 2001, gavman bai stat long salim ol gavman bisnis.

Ol tisa pret long go bek long skul

PEKU PILIMBO i raitim

PLANTI tisa long wes sait bilong Sauten Hailans long ples olsem Koroba, Komo na Kopiago i no go bek long skul dispela wik bikos ol pret long dispela lo na oda hevi we i stap nau long dispela ol ples.

Ripot i kam long Mendi na Tari dispela wik i soim olsem i gat bikpela pret i stap long ol manmeri husat i laik ron i go i kam na ol tisa i no go kamap long ples bilong wok yet.

Rifom Kodineta bilong Edukesen dipatmen bilong Sauten Hailans long Mendi Robert Rami i tok long dispela wik olsem ol i stretim na putim pinis ol tisa long wanem hap bai ol i tisa long dispela ya. Em i tok planti samting tru i bin let na ol i no stretim olgeta ples bilong ol tisa yet.

Em i tok ol tisa husat i no kisim sampela toksave long wanem hap ol bai tisa dispela ya i ken i stap bek long ol skul ol i bin stap las ya. Mista Rami i tok dispela ol lain bai kisim toksave long wanem hap

bai edukesen opis i toksave long mun Mas wanem hap ol bai go.

Em i tok ol skul i stap namel long Tari na Koroba i kisim sampela liklik hevi bihainim dispela lo na oda hevi insait long provins tasol dispela em ol tisa i noken lukim olsem wanpela samting i stapim ol long mekim wok bilong ol.

Em i tok ripot long Tari, Komo, Koroba na Kopiago i no kamap long Mendi yet tasol em i bilip olsem bai gat sampela hevi i stap insait long dispela ol ples.

Mista Rami i tok skul long narapela hap bilong provins i stat dispela wik Mande na toksave i bin go aut pinis long olgeta tisa na edukesen opis i save olsem olgeta tisa i stap pinis long ples bilong wok.

Em i tok ol i wet tasol long kisim ripot i kam long wanem distrik inspekta long pinis bilong dispela wik na lukim hau ol skul insait long provins i bin i go long namba wan wik bilong ya 2000.

Juni-Top primeri skul we i stap

long Hides Gas Projek i stap long en. Dispela em i namel long Tari na Komo i gat 3-pela tisa long stat bilong dispela wik na ol i tingting sampela moa bai kamap long pinis bilong dispela wik.

Nelson Nalape, husat i save stap long hap i tok em i no klia wanem samting tru i kamap long narapela hap insait long Tari, Koroba na Komo eria tasol i luk olsem ol tisa i pret liklik long muv i go i kam long ol skul.

I luk olsem sampela skul bai nogat tisa olgeta bikos sampela tisa i painim hat long go kamap long ol skul ol bai i go tis long en.

Wantok i bin painim hat long toktok wantaim Distrik skul inspekta long Tari na sekim tasol dispela pasin i no inap kamap bihainim hevi wantaim telefon.

Long wankain taim Koroba distrik edministrata i tok samting bilong wokim nupela Koroba plis stesin inap long mak bilong K200,000 i stap yet long Mendi bihainim dispela hevi bilong lo na oda.

Maporo paulim K46,900 long Pablik Kureta Opis

NESENE Kapitel Distrik Plis i sasim pinis wanpela meri, Maporo Isaro bilong paulim K46,900 long Pablik Kureta opis, Asisten Plis Komisina na Komanda bilong Nesene Kapitel Distrik na Sentrel Provins, Raphael Huafole i tokaut long dispela long Mande.

Plis i ting Misis Isaro i paulim dispela mani taim em i bin wok olsem wanpela Officer In Charge (OIC) bilong Accounts seksen long opis bilong Pablik Kureta.

Mista Huafole i tok dispela meri i gat 35 krismas na em i kam long Vailala ples insait long Ihu Distrik bilong Gulf provins.

Ripot i kam long Pablik Kureta opis i tokaut olsem moa long K1 milion i bin lus long opis bilong Pablik Kureta long pasin bilong baim ol lain, wantok o wanblut bilong ol i bin dai na i lusim ol samting ('estate') i stap namel long

1992 na 1998.

Wanpela wok painim i go insait long opis bilong Pablik Kureta we Ram Bisnis Konsalten i mekim long ol rekot bilong mani i soim olsem planti taim ol opisa bilong Pablik Kureta i bin baim moa mani i go long ol wantok o wanblut bilong ol lain i bin dai na lusim ol samting bilong ol i stap.

Ripot bilong Ram Bisnis Konsalten i soim olsem ating moa long K1 milien i lus namel long 1992 i go long 1998 long wanem sampela rekot i lus, na wok bilong lukautim mani ripot i no pinis.

Ram Bisnis Konsalten i tok wanem rekot ol i gat i kam long ol kes buk, ledja, sek bat na ol risit buk i stap, na dispela i no inap soim stret trupela rekot bilong wan wan 'estate' o ol samting ol lain i bin dai i lusim i stap.

TORO

TORO I LUKIM PIKSA BILONG MR. BEAN NA EM LAIK BIHAINIM STAIL BILONG EM...



NA TORO GO LONG WANPELA HARDWE STUA NA BAIM OL RAGO BILONG HAUS...



NAU EM BIHAINIM STAIL BILONG MR. BEAN STRET...



EM I GO GUT TASOL LONG FRI-WEI BILONG HANUABA A, EM KISIM TAIM STRET...



AusAID katim K1.5 milien bilong ol plis haus long Manus

GUTPELA wokbung namel long komyuniti na plis long Manus i strongim gutpela sindaun insait long ol ples na provins, Manus Provinsel Plis Komanda Inspekta Joseph Morehari i tok.

Inspekta Morehari i bin holim wok olsem PPC bilong Manus na em bai lusim provins bihain long

tupela krismas.

Em bai kisim wok olsem bos bilong ol plis long Bomana ausait tasol long Mosbi siti.

Em i tok taim em i wok long Manus, wanpela gutpela samting em i lukim i kamap em dispela gutpela wok bung namel long ol viles kaunsila, komyuniti lida,

ol pipel na ol plis. Em i tok dispela gutpela wok bung i

kamapim gutpela sindaun na pablik i ken raun fri wantaim nogat pretpasin na tu daunim hevi namel long ol wan pisin long provins.

Narapela samting we em i amamas long en em bihain long planti yia, ol plis long Manus provins bai kisim helpim long stretim ol haus

bilong ol plisman na tu Provinsel Plis stesen.

Mista Morehari i tok dispela tupela hausng projek bai kostim K1.5 milien na AusAID bai givim mani long skruim dispela projek.

Aninit long projek, ol bai wokim namel long 20 na 30 haus bilong ol plisman long Manus provins.



Kimbe Talasea Haiwe bagarap long bikpela ren

BIKPELA ren na taitwara i bagarapim Kimbe-Talasea Haiwe long wiken taim ol pipia i blokim ol baret we wara i save ron long en.

Ol ripot i kam long opis bilong gavana i tok hap rot we Numondo Plantesen i stap long en i bagarap tru na i pas long ol ka bikos ol diwai kokonas i pondaun na psim dispela hap rot i stap.

Ripot i tok klostu Wara Dagi long Kimbe bai abrusim mak bilong em na kapsait i go aut. Na taim dispela i kamap, olgeta sevis i go long samting olsem 40,000 pipel long Hoskins na Mosa Lokol Level Gavman eria bai pas.

Ripot i tok Ulamona, Bialla na sentrel Nakanai eria we i save hevi long ren long

dispela taim bilong yia i stap orait. Tasol sapos ren i pundaun yet na taitwara i kamap, bai ol sevis long dispela hap i bagarap.

Provinsel Disasta na Imejensi Sevis kodineta Godfrey Balele i tok ol opisa bilong Woks Dipatmen i bin bisi long kliarim ol pipia long Kimbe-Talasea Haiwe rot long larim ol ka i yusim rot na ol sevis i ken go gut gen.

Long not kos, ol i wok long gat bikpela san tasol Mista Balele i tok ol pipel bilong Gasmata i wok long was na lului long senis i wok long kamap long solwara.

Ol i tok level bilong solwara i wok long go antap moa long dispela taim.



• Stail tumbuna bilas bilong ol Manus yet wantaim Manus basket long fran.

WANTOK
NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

**PE BILONG WANPELA
YIA 52 NIUSPEPA**

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

Dai weil drip long Manus solwara

BODI bilong wanpela weil i wok long drip long solwara namel long Baim, Rambuts na Lorengau i mekim ol man i pret na ol bin ting olsem em i wanpela kofin o keis wantaim dai man insait.

Provinsel Plis Komanda Sief Inspekta Joseph Morehari i tok ol pipel i bin lukim dispela samting antap long solwara, 300 mita longwe long Loulak Ailan. Inspekta Morehari i

tok ol i lukim tasol bodi bilong weil na het na teil bilong em i no stap.

Em i no save rot we dispela bikpela mama bilong pis i kam long en tasol em i bilip olsem weil ya i bin mas pas long fising lain bilong sampela ovasis sip i painim pis long wara bilong Manus provins.

Inspekta Morehari i tok ol pis i wok long kaikaim ol sting mit bilong dispela dai weil.

Ol raskol stilim ol skul samting

OL SKUL Bot long Manus provins i kisim toktok long Provinsel Plis Komanda bilong was gut long ol skul we ol i papa long er.

Provinsel Plis Komanda Joseph Morehari i wokim dispela toktok bihain long planti raskel pasin i kamap long Yunivesiti Senta, komyuniti na hai skul long Lorengau.

Em i tok long stat bilong skul yia, ol papamama i save peim ol skul fi bilong ol pikinini na olsem, em i laikim ol skul bod bilong manes-

men na ol papamama long lukaut gut long ol raskol lain.

Em i tok maski ol dispela bikhet pasin we ol raskol i wokim i no bikpela, em i wari bikos dispela em stat bilong nupela skul yia na em i laikim ol samting i stap gut na skul i ken go gut tasol.

Em i tok ol raskol i wok long tagetim ol skul propeti na aninit long dispela, ol i wok long bagarapim na stilim ol samting bilong skul.

Mista Morehari i tok long las wik, ol raskol i bin stilim K200 na wanpela patrol bokis bilong yunivesiti senta long Lorengau taun.

Em i tok wanpela gutpela samting we ol skul i wokim em long larim ol papamama i putim ol skul fi mani i go insait long ol beng akaun bilong ol wan wan skul na dispela i mekim isi long olgeta. Na tu ol raskol i no wokim hens ap pasin long stilim ol bikpela mani long ol man na skul.

Biabia

LONG PALAMEN HAUS WANPELA MINISTA LAIK TOKTOK TASOL BIABIA I PASIM MAUS BILONG EM...

MISTA SPIKA.. I WANT TO MAKE A POIN...

BOO! BOO!

OH, SAPOS OL I LES LONG TOKTOK LONG INGLIS, BAI MI TOKTOK LONG PIDGIN..

BOOHOO!! BOOO!

... O SAPOS OL I LES.. MI KEN TOKTOK LONG MOTU...

MISTA SPIKA.. INAI MINISTA BIABIA BE KEKENI TAHUA MOMO.. GAUMAN ENA MONI IA WEIST TAUNA?

TRANSLASEN PLIS! TRANSESEN!!

REKENI MASENA!

Haus bilong ol plis long Manus i no gutpela

HAUS bilong ol plisman long Manus provins i no gutpela tasol ol plisman i stap na karimaut wok yet long sapatim gavman bilong de, Provinsel Plis Komanda Joseph Morehari i tok.

Em i tok haus bilong ol plisman em ol lapun bilong bipo yet we ol bin wokim long taim kolonial gavman bilong Australia i lukautim kantri.

Em i tok ol dispela haus em ol no olsem L40 tasol ol i liklik tumas na em ol simen plua tu ya.

Em i tok ol anis i kaikaim planti hap bilong haus na i luk olsem sampela bai klostu pondaun.

Em i tok ol Helt inspekta i wokim inspeksen long ol haus

tupela krismas i go pinis na ol bin tokim ol opisa long lusim ol haus, tasol bikos i nogat hap long go long en, ol plis opisa i stap yet long ol haus ya.

Em i tok ol haus ya i nogat gutpela toilet na ples bilong was was long en na ol opisa wantaim ol famili i save go long nambis long was was na toilet.

Tasol em i tok em i amamas long helpim we AusAID i laik givim long wokim ol nupela haus bilong ol plisman long Lorengau taun. Na em i laikim ol atoriti long skruim gut ol toktok na plen hariap long dispela plis hausng projek bilong dispela yia.

Em i tok plis i luksave long hevi we gavman i gat long mani i sot na ol

i save stap isi tasol

Lorengau taun i gat 43 plis opisa long en na ol i stap long ol bareks haus we planti samting i no stret long ol. I gat eitpela plis haus we i gutpela liklik tasol ol tu i laikim ol wok mentenes long ol.

Na Manus provins i gat 79 plis manmeri long en.

Mista Morehari i tok Manus provins i gat namel long 35 na 45,000 pipel long en na dispela i min olsem wanpela plisman i lukautim 3,000 pipel.

Tasol em i tok Manus em i wanpela gutpela na kwait provins na i no save gat planti trabel, hevi na meknais i save kamap long en.

Kot tok Vanimo haus sik asua ... Wanpela mama i dai long operesen

FELIX RAMRAM i raitim

MOA long 50 manmeri i sindaun insait long Vanimo Kot Rum Namba 1 long Sarere 29 Januəri i harim Korona i ridim aut ripot long wanem samting kot i painim long dai bilong wanpela mama bilong 4-pela pikinini. Mama ya i bilong liklik ples Puas long Kavieng insait long Niu Ailan provins.

Mama ya Leit Misis Julis Tavatuna, 32 krismas bilong em i bin dai long mun Epril 12, 1998 bihain long ol dokta i bin operetim em long kism pikinini we em i no bin inap long karim gut.

Korona, Prinsipal Mejistret Richard Koronai i tok wanem ol samting em i painim long dispela Koronas Inkwaeri i klia olsem Leit Misis Tavatuna i bin stap long bikpela pen na i no inap karim

pikinini long bel bilong mama. Bihain long dispela operesen pikinini i stap gut na mama i bin inap long stap laip inap 9-pela de tasol na bihain i bin dai.

Long dai, Kot i painimaut olsem ol dokta husat i karimaut dispela operesen i no mekim gut wok bilong ol. Bikos ol toktok i stap long Kot i soim olsem ol i no mekim gut ol samting bilong wok ol i yusim long dispela operesen. Na ol i abrusim wanpela "gause" o hap laplap i stap insait long bel bilong mama, taim ol i samapim em gen.

Kot ya i luksave tu long ripot bilong Dokta Joseph husat i kam long Boram haus sik. Na karimaut pos motem na painim as dispela dai i bin painim Leit Misis Tavatuna. Ripot bilong dokta ya i tok dispela hap laplap i stap long bel bilong mama ya i as bilong

kamapim dispela dai. Korona i luksave long dispela.

Mista Korona i painim ol i long long dispela pasin we i kamapim pinis wanpela dai. Na i mekim oda olsem: "Stet (gavman) i mas baim kompensesen i go long famili bilong Leit Julie Tavatuna. Na PNG Medikel Rejistresen Bod bai i mas givim strongpela mekim save long Dokta John Novette, Christopher Pasmel, Danny Ore na Silitas Kapaware.

Ol i bin go pas long dispela operesen. Korona i no makim hamas mani bai Stet i baim olsem kompensesen i go long ol famili bilong Leit Julie Tavatuna.

Na long ausait long Vanimo Kot Haus, sampela mama i tokim Wantok olsem ol i pret long yusim Vanimo haus sik long kism ol kain operesen olsem. Bikos ol i pret long dispela kain pasin.

Nogut ripot long paul pasin mekim papagraun i kros

BIKPELA laik bilong ol papagraun insait long Sandaun provins nau em long lukim olgeta gutpela tingting manmeri na pikinini ol Non Gavman Oganaisesen long kamap ples klia na toktok egensim planti insait long ol bisnis na gavman opis long provins. Wanpela papagraun bilong Vanimo Is Kos i tokim ol nius lain olsem ol papagraun i save long planti paul i stap insait long wanpela bikpela kampani long Vanimo. Na maski ol i ripotim pinis planti taim i go long plis na ol narapela atoriti long gavman, ol dispela ripot das i wok long karamapim i stap long ol tebol na kabod long Vanimo na Mosbi.

Wanpela papagraun ripot i toktok long paul pasin, long mak mani moa long K6 milien ol i ripot long 1998 i go long Vanimo plis. Na inap nau ol papagraun i stap yet long tudak maski kopi bilong dispela ripot ol i salim i go tu long Plis Komisina long Mosbi.

Pas ya tu i askim sapos asua i stap long plis i no hariap long karimaut ol wok painimaut. na pipel i no inap wet moa bikos dispela pasin nogut i wok long go het yet. "Na i tru olsem opis bilong Provinsal Plis nau ol i brukim i go stap wantaim ol opis bilong Vanimo Fores Prodaks. Bikos planti taim plis ka i save sindaun i stap long ka pak bilong kampani," dispela pas i tokaut.

Wanpela NGO grup bilong provins i amamas long dispela singaut bilong ol papagraun long bung wantaim na pait egensim paul pasin insait long provins.

Boda grup ya i tok dispela ol paul pasin i wok long stap longpela taim bikos ol atoriti bilong PNG na provins i slek long wokim wok o kism eksen hariap taim ol i kism ripot.

Wantok i no bin inap kism wanpela ripot i kam long plis long taim bilong putim aut dispela ripot.

Kumbakor baim ol olupela kaunsil

MEMBA bilong Nuku Andrew Kumbakor i givim K10,000 bilong skelim long ol lapun lokal gavman kaunsila bilong bipo long Nuku distrik, Sandaun provins. Ol dispela kaunsil i bin karim wok long 1969 inap 1995 taim nupela rifom long provinsal gavman sistem i kamap. Olsem na memba i givim ol dispela pe long amamasim ol long ol hatpela taim ol i karimaut wok i kam.

Mista Kumbakor i tok Nuku distrik em maunten ples stret tasol ol dispela kaunsila i save wokabout long olgeta hap long holim ol kaunsil miting na karimaut ol wok bilong sevim pipel na komyuniti. Ol dispela kaunsila em ol bikman tru na ol i mas kism amamas long gutpela wok ol i mekim, em i tok.

Mista Kumbakor em Minista tu

bilong Provinsal na Lokol Gavman Afeas.

Mista Kumbakor i brukim pinis dispela K10,000 na makim program menesa bilong Nuku Bidd Pamaraka na ilektorel opisa Arnold Lokowai long stretim ol samting na baim ol dispela kaunsil lida.

Dispela em namba peme i go long ol dispela lapun na olupela lain kaunsil. Arapela bai kism pe tu long pinis bilong dispela ya na tu long neks ya, Mista Kumbakor i tok.

Mista Kumbakor i tok i nogat wanpela samting olsem pensen skim long baim ol olupela kaunsila. Olsem na em yet i luksave long dispela hatwok bilong ol kaunsil na i laik mekim dispela amamas long ol.



• Ples Turubu long Is Sepik provins we tait wara na win i bin bagarapim long las yia.

Aitape Disasta Opis i pasim wok

ADAM ELLIOTT i raitim

AITAPE Disasta Komiti i pasim wok bilong ol na givim olgeta wok i go long han bilong Provinsal Edministresen bilong Vanimo.

Aitape Ekting Distrik Edministreta Martin Salmartin i tok Nesene Disasta Komiti i laik pinisim wok bilong Aitape Disasta Komiti long Januəri 11 dispela yia.

Taim hevi bilong solwara i bin kamap, mipela i bin opim disasta opis we i bin mekim planti disisen we mipela i bungim. Dispela em

bikos Aitape i nogat rot tru bikos long bagarap na mipela i ronim olgeta wok.

Aitape Disasta Komiti i bin kism tok orait long was long ol wok bilong rihebiltesen na restoresen o wok bilong traim bungim ol lain i kism bagarap na stretim ol hap bilong ol i ken singaut na ol wok olsem insait long ol ples bilong bagarap. Mista Salmartin i tok dispela pasin we i givim moa pawa long ol lokal Distrik opisa abrusim ol Provinsal opisa i bin go het inap dispela taim.

Mista Salmartin husat i bin

Ekting Distrik Edministreta na ol i makim em i kamap Siaman bilong Aitape Disasta Komiti. Ol memba bilong Lokol Level Gavman diaptmen, olsem Welfea opisa, Helt na Edukesen na Fiseris na ol hetman bilong ples i stap insait tu long mekim ol bikpela wok insait long dispela komiti.

Long lukim gut, ol asples lain wantaim ol pipel i save stap insait tu long komiti miting long autim tingting bilong ol tu, Mista Salmartin i tok.

I save gat ol miting tu wantaim ol lain bilong Daiosis bilong Aitape

Rihebiltesen Komiti, Gavman na ol NGO grup long kamapim program long karimaut ol wok bilong ol. I save gat gutpela bung wantaim long senisim ol tingting bilong mekim wok, Mista Salmartin i tok.

Disisen bilong Nesene Disasta Komiti long bungim wok bilong lokal opis i go aninit long Provinsal Edministreta long Vanimo, em nau siaman bilong Disasta komiti long provins na Aitape tu., em i tok.

Dispela i bihainim rot stret bilong wok edministresen olsem na Nesene Disasta Komiti i mas oraitim trensfea bilong ol mani i go

long lukaut bilong Vanimo.

Mipela oltaim i save bungim ol plen bilong mipela i go insait bihainim ol rot we Vanimo Gavman na Provinsal Edministresen i mas go pas long olgeta wok bilong provins na distrik, em i tok.

Mista Salmartin i tok ol wok long sunami eria olsem long helt na edukesen i kamap gut bihainim ol plen na program we planti skul o haus sik sevis i kamap pinis. Ol arapela wok olsem wokim gutpela rot tasol i no pinis gut yet tasol long bikpela luksave, ol samting i wok long kamap gut tru.

HEPI BIRTHDAY!

25% MORE

5 BISKETS INSIDE-1 FREE

Toktok bilong MELPA Lutheran Sios

-Reveren Dokta Wesley Kigasung

TOK bilong Melpa grup insait long Hagen distrik bilong Evanjelikol Lutheran Sios bilong Papua Niugini (ELCPNG) em i longpela stori. Na dispela stori i gat hatwok na pen bilong em insait long wok bilong ELCPNG na tu long laip na wok bilong ol bilip man na meri long Hagen. Dispela hevi i winim planti yia.

Lutheran Sios het opis long Lae i bin kamapim planti komiti na traim planti rot na mekim planti toktok bilong stretim dispela hevi. Tasol dispela hevi i no pinis. Taim dispela sios i makim mi long stap Het Bisop bilong ELCPNG, mi bin tokaut long putim dispela hevi bilong Hagen i stap wanpela namba wan wok na traim long wok klostu wantaim tupela grup na helpim ol long ol yet i painim gutpela rot long kamapim wanbel na bung wantaim.

Dispela wok i stat pinis insait long 1998 na 1999 na mi lukim sampela dua i op long mipela i ken wok moa na toktok moa.

Tasol mi luksave olsem pen ol lain long Hagen insait long tupela grup wantaim i pilim em i bikpela tru na i stap longpela taim. Na skin bilong ol na het bilong ol i pen pinis na ol i les long dispela tok i stap long taim.

Laik na tingting bilong ELCPNG, na opis bilong Bisop em long wanbel i mas kamap na tupela grup inap bung wantaim gen na strongim wok bilong wanpela Lutheran Sios distrik long Hagen.

Ol brata na susa long Melpa grup i pilim olsem ol i wet longpela taim tru na ol i toktok pait planti taim pinis insait long ol bikpela bung bilong sios olsem sios kaunsel na sinot, tasol nogat wanpela gutpela rot i kamap long helpim ol.

Long dispela as, ol i tingting strong long bruk na lusim Hagen distrik na sanap ol yet. I gat sampela bung na toktok i kamap namel long ol Melpa grup na opis bilong tupela Bisop long Lae namel long 1998 na 1999.

Helpim Bisop, Reveren Kiage Motoro i mekim sampela wokabaut i go long ol Melpa grup na toktok wantaim ol pasto na ol lida bilong Melpa grup. Na i bin i gat tupela bung namel long ol lida bilong Melpa grup na Het Bisop Reveren Dokta Wesley Kigasung.

Insait long wanpela bilong ol dispela bung, ol lida i bin bung wantaim mitupela Helpim Bisop na ol lida i soim bel hevi, na pen bilong ol na ol i autim tu sampela tingting bilong ol long sanap ol yet.

Taim ol i toktok wantaim mipela, ol i no soim tingting bilong bruk olgeta na lusim dispela sios. Ol i soim tingting bilong ol long ol i no redi yet o ol i no amamas long bung wantaim Hagen distrik na ol i laik sanap ol yet.

Planti taim mi harim Pasto Sanagke Dole, lida bilong Melpa grup i tokaut olsem ol i nogat tingting long bruk lusim dispela sios. Bikpela tingting na laik bilong ol em blong kamapim ol yet i stap ples kliia gen na traim long rausim ol kain kain toktok arapela i mekim long ol. Ol i laik kamapim ol yet i stap ples kliia olsem wanpela grup i gat "asples" bilong bung wantaim na mekim wok bilong sios.

Mi save olsem insait long dispela tingting i gat sampela strongpela tingting hait bilong ol sampela yangpela pasto bilong ol long ol i mas bruk na lusim ELCPNG na kamapim nupela sios bilong ol yet.

Dispela em i tingting bilong man tasol wantaim bel kirap bilong soim strong na save bilong man na i no soim as tingting bilong sios i stap wanpela insait long Tok bilong God na Bilip bilong sios.

Long Januari 7 i go 9, 2000 taim mi wantaim Helpim Bisop Reveren Matoro i go long Banz long stap insait long amamas de bilong tingim 70 yia bilong wok misin i kamap insait long Hailens, ol Melpa grup i gat bikpela bung bilong ol tu long dispela taim.

Na ol i singautim mitupela long go long dispela bung bilong ol. Mitupela i bin go lukim ol long Fraide Januari 7, 2000 na long

Melpa grup olsem i nogat gutpela as tingting long dispela sios i mas bruk o Hagen distrik i mas bruk, nogat.

Long namba 22 sinot bilong ELCPNG i kamap long Jiwaka Distrik long Banz, Westen Hailens Provins long Januari 9 i go 14, 2000, mi bin tokaut tu olsem Opis bilong Bisop bilong ELCPNG na dispela sinot bilong sios i no inap luksave long dispela bruk na tok bilong Melpa i kamapim nupela Lutheran sios.

ELCPNG i no bin sainim wanpela pepa long tok yesa o tokaut long sinot bilong em

hevi na ol i kamapim rot bilong ol i bruk na ol yet i sanap.

Mipela i luksave long dispela bel hevi na laik na tingting bilong ol. Tasol dispela i nogat gutpela as tingting long ol i mas bruk o ol i ken bruk na kamapim nupela sios. Dispela em i pasin bilong belhat na mekim samting bihainim laik bilong man na i no bihainim gutpela tingting na gutpela spirit bilong mekim wok insait long sios.

Bikpela tingting mi laik soim i olsem: Dispela bruk i nogat gutpela as long i mas kamap long wanem em i no bruk i bihainim hevi bilong Tok bilong God o popaia long Tok Bilip bilong sios. Nogat. Mi lukim dispela bruk i kamap long tok bilong belhat na pasin bilong resis na soim strong na save bilong man tasol.

Sapos Tok bilong God i stap gut na i stap wankain long ol toktok na wok bilong tupela grup orait i nogat as bilong bruk. Sapos Tok Bilip bilong sios em i stap stret na wankain na tupela grup wantaim i luksave na holimpas dispela wanpela Tok Bilip bilong Lutheran Sios, orait i nogat as tru long tupela grup i mas stap long narapela, narapela banis o kamapim narapela narapela sios.

Bipo i gat dispela pasin bilong bruk bruk. Tasol Tok bilong God i kamap na i rausim pinis ol dispela pasin na tingting bilong bruk bruk na God yet long Tok bilong em na Holi Spirit bilong em i bungim olgeta lain i kamap wanpela lain insait long sios bilong em yet.

Dispela em i laik bilong God yet na wok bilong God yet wantaim Holi Spirit bilong em i bungim olgeta lain i kamap wanpela.

Taim wanpela man o wanpela lain i laik brukim dispela holipela bung bilong ol manmeri bilong God, orait dispela man o grup na laik bilong God long pasin bilong wanbel i mas i stap. Narapela man i no ken haitim tingting hait bilong em o laik bilong en insait long ol toktok bilong God na nem bilong God. Yu ken giamanim man bilong graun tasol yu no inap long giamanim God.


Mi luksave long i gat bikpela wok i stap yet bilong stretim bel hevi na tingting na laik bilong man na larim sios bilong God i stap gut na mekim wok bilong autim Gutnius na wok bilong Sakramen i kamap gut.

Olgeta lida i kisim singaut bilong God long lukautim gut na stiaim gut ol manmeri bilong God long stap wanbel na stap wantaim insait long sios bilong God. Olgeta pasto i kisim singaut bilong God long autim tru na stretpela Tok bilong God long strongim bilip bilong ol Kristen manmeri na mekim wok bilong God na bihainim laik bilong God.

Ol pasto i no kisim singaut bilong stap ol lain bilong brukim holipela bung bilong ol bilip manmeri bilong God. Planti hevi nau i save kamap insait long sios na i stap em hevi planti wokman i gat nem pasto ol i kamapim. Ol i autim Tok bilong God na autim bilip bilong sios na long dispela wanpela maus tasol na dispela wanpela tang tasol ol i autim tu tok bilong man na laik na tingting bilong man long pasin bilong belhat na bruk. Yumi mas was gut long dispela kain pasin long giamanim ol manmeri bilong God.

Wok bilong toktok moa wantaim ol Melpa Lutheran grup na ol Hagen distrik em i stap yet na mi no lukim dua i pas. Opis bilong Bisop, i gat wok yet long skurim toktok long kamapim wanbel pasin insait long Hagen.

Yumi mas prea long wok bung wantaim na yumi noken prea long pasin na tingting na laik bilong bruk.



• Het Bisop bilong ELCPNG Reverend Dokta Wesley Kigasung. Photo: Wenceslaus Magun

dispela bung bilong ol, mi tokaut kliia long ol lida na ol manmeri i bung long dispela de olsem, mitupela i no kamap bilong strongim dispela bung bilong ol na mitupela i no kamap bilong strongim dispela laik bilong ol long bruk. Nogat tru.

Mitupela i kamap bilong soim olsem mitupela i gat tingting yet long ol olsem memba bilong ELCPNG. Na mitupela i kamap bilong soim olsem mitupela i gat tingting long painim rot yet long tupela grup bilong Hagen i mas kamap wanbel na bung wantaim gen.

Mi bin tokaut tu long dispela bung bilong ol olsem i gat wanpela Lutheran Sios tasol em ol tu i stap memba bilong en. Na laik bilong dispela sios, ELCPNG na lidasip bilong dispela sios long lukim pasin bilong wanbel i mas kamap long Hagen.


Mi tokaut kliia long dispela bung bilong

long dispela kain bruk inap kamap. Wanem man i bin i stap wantaim na mekim bikpela tok giaman long em i kisim maus bilong ELCPNG long luksave na tok yesa long dispela bruk i mas kamap. Em i mas sem long bikpela giaman bilong em na bikpela popaia bilong em.

God yet i stap jas bilong dispela kain tok giaman na paul pasin long bagarapim sios bilong God. Dispela pasto i mas redi long tok sori long dispela sios ELCPNG long giaman pasin na bikhet pasin bilong em.

I gat tupela Lutheran Sios tasol i stap long Papua Niugini. Evanjelikol Lutheran Sios bilong Papua Niugini (ELCPNG) na Gutnius Lutheran Sios long PNG (GLCPNG).

Insait long dispela tupela Lutheran Sios i gat ol hap lain memba i gat bel hevi long sampela toktok bilong lidasip o arapela bel



Hailans Nius

Sevis laik kamap long Jimi i bagarap

PEKU PILIMBO i raitim

OL LIKLIK lain man i bagarapim tru sindaun bilong planti lain pipel bilong Jimi insait long Western Hailans na sevis i laik go insait long ples i no go gut.

Memba bilong Jimi Bevan Tambi i mekim dispela toktok na tok ol manmeri i no traim bagarap rot vbilong bringim sevis i go insait.

Dispela singaut i kam bihain long ripot i tok sampela lain man insait long iktoret bilong em holim pasim wanpela tipa trak we i save bringim saplain bensin bilong kar na mesin we i wok long stretim rot namel long Jimi na Banz insait long Western Hailans.

Mista Tambi i tok nogat wanpela i gat rait long stapim planti manmeri husat i laik kisim sevis tru.

Em i askim ol man husat i mekim dispela pasim long tingim hamas lain manmeri i kisim bagarap long dispela pasin ol i mekim.

Em i tok ol dispela man nogut i stapim ka na kisim ki bilong ka na i holim ka inap 3-pela wik na dispela i stapim olgeta rot wok we i kamap namel long Banz na Jimi rot.

Mista Bevan i tok: "I no gutpela long lukim olsem sampela man i ting gutpela pasin long stapim wok bilong kisim gavman sevis i go long ol pipel."

Em i tok: "Planti yia nau, provinsel na nesenal gavman i lus tingting long ol pipel bilong Jimi na ol manmeri i save painim hat long kisim ol sevis.

"Dispela wok nau i kamap bai halivim planti manmeri na mi i no laik lukim wanpela man o meri i stapim," em tok.

Em i tok i hat tru long kisim mani nau long gavman bilong givim sevis long ol pipel na em i ting rot em i wanpela nambawan samting em i ting long stretim wantaim elektorel developmen mani na em i belhat long lukim olsem sampela man i bagarapim olsem planti manmeri bai kisim bagarap long dispela pasin wanpela o tupela man i mekim.

Mista Bevan i askim ol man husat i mekim dispela pasin long stapim dispela kain bikhet pasin bikos i nogat gutpela as na ol i mekim.

Em i tok husat man i gat kros long wok politik i mas weit inap 2002 na salensim em long ileksen na i no long mekim nabaut we bagarapim planti pipel.

Em i tok: "Yu ken go raun na tokim ol pipel wanem samting yu laik tokim ol tasol noken traim na stapim dispela sevis we ol i gat rait long kisim."

Mista Bevan i tokim ol pipel bilong Jimi olsem dispela kain samting i ken kamap tasol insait long 2-yia em stap memba bai em i traim long kamaoim ol dispela wok senis we i kamapo poinis long ples.

Em i tok ol pipel bilong Jimi i ken hamamas olsem strongpela tingting bilong erm long givim hamas halivim em ken insait long dispela tupela yia em i stap olsem memba.

Lo na oda hevi i stapim wok bilong Koroba plis stesin

MOA long K200,000 samting bilong sanapim nupela Koroba Plis stesin i stap yet long Mendi bihainim dispela lo na oda hevi i stap long Sauten Hailans na kampani husat bai wokim ol dispela ol samting i wet yet long kisim ol dispela samting.

Dispela ripot i kam long Distrik edministreta bilong Koroba Stanley Kotange long taim em i givim ripot long Rurel Eksen Progrm Fan (EDF) nad Distrik Sapot Gran mani bilong memba bilong Koroba Kopiago Herowa Agiwa long las yia.

Mista Kotange i tok sampela mani bilong EDF i no bin kamap long ol tasol DSG mani inap long K1 milien em ol i kisim na givim i go long Koroba Kopiago Biding na Konstraksen Kampni long mekim wok developmen. Dispela kampani em bilong em bilong 4-pela lokal level gavman i stap insait long distrik.

ANinit em ol mani na wanem wok i bin kamap long mani bilong ol pipel bilong Koroba Kopiago: Stretim rot-namel long Kagoma, Tugu na Fugwa rot inap olsem K100,000 long wanwa rot, stretim Fugwa ples balus inap olsem K100,000; Not Koroba Kaunsel Semba inap olsem K150,000, Saut Koroba Kaunsel Semba i bin kisim K100,000, stretim Koroba stesin wantaim na wokim nupela plis stesin inap olsem K100,000, na wokim kagoma Sab-helt senta K150,000 na K100,000 i bi i go long ol sios inait long Koroba Kopiago.

Misyta Kotange i tok dispela ol mani i go long dispela ol samting bihain long baset praorititi komiti i bin

holim namba tri miting long las yia.

Em i tok mani i bin sot inap olsem K127,100 olsem na sampela projek i no gat inap mani bilong kisim.

Mista Kotange i tok ol i bin kisim K122,900 long las yia na long dispela mani K86,000 i bin kam long namba wan kota na K36,900 i bin kam long namba tu kota bilong las yia.

Em i tok bikpela tru bilong dispela ol mani i bin go long stretim Kakarane Erebo rot we i kisim mani olsem K50,000 na bihain long dispela lo na oda kisim K30,000, piqant ol wad klak kisim K10 wanwan na K32,000 i bin i go long ol kinkain yut grup insait long Koroba Kopiago.

Dispela kain pasin bilong tok aut long ol pipel we pablik mani i go long wanem hap i nambawan pasin we i kamap long wantaim memba bilong Koroba Kopiago Herowa Agiwa. Minista i bin tok orait long ol i givim dispela ripot long ol pipel na sapos sampela manmeri i laik save moa lokng wanem hap tru mani bilong ol i go i ken kisim moa tok save long Koroba distrik ofis.

Mista Kotange i tok Koroba stesin i bin lukim ol senis tasol ol i laikim sampela jmoa mani bilong sanapim ol pawa pos we i pundaun.

Wok i go het yet long ol kaunsel semba na Kagoma sab-helt senta we wok i go het yet.

Em i tok K100,000 bilong sanapim dispela Koroba Plis stesin i bin kam long Sauten Hailans Provinsel gavman aninit long lo na oda baset bilong em.

Yakena timba i stapim wok

JOE KANEKANE i raitim

Wok operesen bilong katim timba aninit long Yakena Timba Atoriti (TA) autsait long lalibu i no go het yet bihainim sampela tok pait namel long ol papa graun long husat kampani tru bai kisim tok orait long kam katim ol diwai.

Dispela tok pait i paulim olgeta wok bilong katim diwai las yia i kam inap nau.

Nau yet i nogat tok orait olsem dispela ol wok bai go het inap long taim TA laisens nau PNG DYNE holim long en i pinis.

Tasol ol papa graun i wok long toktok strong olsem laisens kampani i holim mas givim dispela laisens bek bikos kampani nau yet i no stap wantaim ol.

Jenerel Menesa bilong Nesenal Fores Atoriti (NFA) Dike Kari i tok ol papa graun yet i bin makim husat kampani bai kisim dispela laisens tasol bihain ol i senisim tingting bilong ol.

Mista Kari i tok em i kisim sampela toktok olsem ol papagraun i laik bai laisens nau kamapani holim em ol mas katim bikos kampani i no wok moa wantaim ol pipel. Tasol dispela kain pasin ino inap kamap bilong wanem lo i stap insait long kantri bilong yumi nau i no inapim oraitim dispela.

"NFA i no inap wokim wanpela samting inap long taim kampani

holim laisens nau i brukim lo long wanpela rot. Inap long wanpela dispela kain samting i kamap, ol papagraun i mas wet tasol inap long dispela laisens i ekspaia," Mista Kari i tok.

Mista Kari i tok asua i stap long ol papagraun olsem na ol i mas gat gutpela tingting bikos ol i bin makim DYNE PNG olsem kampani we bai go pas long long ol narapela kampani husat i bin i gat laik long mekim dispela wanpela wok tasol. Olsem na ol papagraun i mas wet inap long mun Ogas 2000 long taim dispela laisens bai ekspaia.

Em i tok klia olsem TA laisens kampani i holim em namba tri taim ol i kisim long en na tupela narapela TA i bin i go long narapela tupela kampani husat i bin i gat laik long developim dispela hap ples.

"Ol rekot bilong mipela i soim olsem dispela wanpela ples i bin kisim tripela taim pinis tasol dispela kain pasin nau i kamap i soim olsem ol papagraun i no kisim tingting gut sapos ol i laik statim dispela projek o nogat," Mista Kari i tok.

Ol Fores rekot i soim olsem Heacho, wanpela kampani bilong Saut Koria i bin kisim sampela tok orait wantaim papagraun kampani Kewa-Wiru Developmen Koporesen long katim ol diwai. Inap long taim ol i kisim dispela TA, ol i no bin katim wanpela

diwai i kam inap long taim laisens bilong ol i pinis na kampani i applai gen na kisim nupela TA gen.

Insait long namba tu yia taim kampani i no kamap wantaim sampela gutpela senis, ol papagraun i bin sainim wanpela nupela tok orait wantaim DYNE PNG na ol i kisim TA bilong ol long yia 1999.

Tasol nau gen ol dispela papagraun i senisim tingting bilong ol gen na laik bai TA i go bek long Heacho na ino long DYNE PNG.

Mista Kari i bin tok olsem NFA i gat pawa long mekim ol samting we bai lukim ol mani manmeri husat laik putim mani bilong mekim bisnis na ol papagraun i kamap long wanpela tingting na tupela wantaim i mas bihqainim wanem samting lo aninit long Fores i putim insait long kantri. Dispela ol samting em i kam aninit long Foresti act.

Tasol sapos i gat kros namel long papagraun na kampani, dispela samting i stap namel long kampani na papagraun bilong stretim.

"Wok bilong mipela em long mekim save olsem olgeta samting i kam aninit long lo na rul mipela i gat pinis insait long kantri. Dispela lo em i klia tru long ol papagraun na i nogat as NFA olsem na mipela i no inap harim toktok bilong papagraun o kampani.



MELANESIAN ENVIRONMENT FOUNDATION, INC.

POSITIONS VACANT

1. Community Education Officer (x2)

Intending applicants should at least have the following experiences.

- Working in and with the community.
- Budget preparations.
- Preparation of project designs.
- Carrying out educational awareness programs on human rights and environmental issues.
- Conducting workshops.

A formal teaching qualification would be an advantage but is not a strict requirement.

The positions require lots of travelling around Papua New Guinea.

2. Women's Officer*

The Applicant should be a woman.

Her qualification and responsibilities would be similar to the Community Education Officer as above. Preferably with a degree in social works but not a strict requirement.

3. Information, Communications and Research

Qualification:

- Degree in Environmental Sciences or Social Science Majoring in Anthropology.
- Preferably two years of experience in the field of applied research but not a strict requirement.

Tasks involved undertaking of research into impacts of any development project in PNG and presenting such findings at appropriate meetings. Meeting other research need of the Foundation.

4. Book Keeper

Qualification: Diploma in Business Development or Commerce.

Knowledge in accounting packages such as the Quick books or MYOB.

Requirements: A minimum of three years experience in the maintenance of books and accounts and or a minimum of three years experience with any Provincial Division of Commerce as a Business Development Officer.

5. Administrative Assistant

Qualification: Diploma in public administration or journalism.

Requirement: Preferably 2 years experience in administration work. Will be required to liaise with other NGO's and Gov't agencies with regards to public policy. And carry out other responsibilities as required by the Director. Be responsible for the Bi-monthly newsletter that has a wide circulation.

6. Church Liaison Officer

MEF intends to strengthened its links with the churches and the prime responsibility of this position would be to create and maintain those links. Applicants must be a devout Christian and able to work along inter-denominational - lines. Preferably 3 years experience working with churches and communities on social and environmental justice. Must be married. Will be required to travel frequently.

Applicants must be devout Christians with strong moral principles and are able to work along interdenominational lines. They must be able to work extra hours and under pressure. Must be able to train others at the provincial level. All applicants must be able to communicate (read, write, speak and understand) in English and either Motu or Pidgin.

MEF encourages both female and male applicants. Application open only to Papua New Guineans.

Conditions:
Salaries are K10,000 across the board.
Accommodation allowance will be provided.
Medical and travel, insurance provided.

Details of duties and conditions will be discussed at interviews.

Note: MEF demands high moral conduct from successful applicants both within and outside working hours.

Direct all applications with CV's and the name of at least three referees (one of the referees must be a pastor a minister of religion or a priest) to,

The Director
Melanesian Environment Foundation, P. O. Box 4830, BOROKO, National Capital District
Telephone Enquiries can be made to the director on 325 8063

Applications close at 5pm on the 15th February, 2000.

Madang Nius



Plis holim man ol i bilip i kilim Chris Mandawali

WENCESLAUS MAGUN i raitim

ANGORAM plis i holim pinis wanpela man ol i bilip i kilim wanpela top musik man long Papua Niugini, Christian Mandawali husat i gat 24 kris-mas na i kam long ples Maramba long Angoram, Is Sepik provins, Madang Provinsel Plis Komanda, Suprintenden Benzamin Simanjon i tok.

Mista Simanjon i tok plis i bilip Benny Sap bilong ples Samban long Angotam Is Sepik provins, husat i wanpela namba wan soka pilaia long Angoram i pusim Mandawali i go daun long foa fit veranda bilong wanpela haus long Madang insait long wanpela tok pit long taim ol i bin dring na spak.

Em i tok Mista Mandawali i

pundaun long graun na i kisim bagarap. Mista Mandawali i pilim pen olsem na ol i kisim em i go long Madang Jenerel Haus Sik, we ol i traim long helpim em tasol em i dai long seven kilok long moning long Fraide 28 Januari.

Mista Simanjon i tok plis long Madang i kisim dispela toksave na ol i tokim ol Wewak na Angoram plis long painim dispela saspek na holim pas em. Saspek i lusim Madang na i go long Angoram bihain long Mista Mandawali i go long haus sik.

Ol plis long Wewak na Angoram i holim pas dispela saspek na nau em i stap long Angoram haus kalabus.

Mista Simanjon i tok bipo long Mista Mandawali i dai em i bin dring bia wantaim dispela saspek na ol arapela pren bilong

em. Long taim ol i dring, dispela saspek i salensim Mista Mandawali long save bilong em long musik.

Long bekim dispela tok, Mista Mandawali tu i autim tingting bilong em long pasin wan wan man na meri i save yusim save bilong ol long kamapim wanem kain samting long laip bilong ol.

Mista Simanjon i tok dispela toktok bilong Mista Mandawali i mas hatim bel bilong saspek na em i pusim em i go daun long verandah na em i kisim bikipela bagarap we i mekim em i dai.

Dispela birua i bin kamap long Fonde 26 Januari long Wagol Kambaramba Kem, Madang namel long foa i go long siks kilok long abinun.

Mista Simanjon i tok plis bai sasim saspek long sas bilong kilim man o 'Manslaughter'.

Ol papagraun i no amamas long Ramu nikol main

OL papagraun bilong Nogui Yowo Omowo bilong Guyeibi ples long Bundi i no amamas long Highlands Pacific Limited (HPL) kampani husat i gat laik long kirapim Nikel na Kobalt main long Kurumbukari.

Ol mausman bilong dispela klen, Joe Koroma, Clement Andambo, na Joe Bizei Mopu i tok HPL i wok long hariapim pepa wok bilong sainim Memorandum ov Agrimen (MOA), tasol i no putim hia na harim bel hevi bilong ol papagraun long Kurumbukari na ol ples i stap klostu long main eria.

Ol i tok i kam inap nau ol papagraun bilong Kurumbukari we main wok bai stap bai kisim liklik helpim tasol long dispela projek bikos long pasin ol i bin kamapim dispela projek.

Ol i tok HPL i gat tingting long givim wanpela 'karamap' mani na ol arapela sevis i stap insait long MOA i go long olgeta ol papagraun grup stat long Kurumbukari i go olgeta long Basamuk. Ol arapela papagraun grup em ol Maigari Inland Pipeline, Coastal Pipeline na Basamuk we fek-tori bilong main bai i stap.

Ol papagraun bilong Nogui Yowo Omowo i tok dispela em i no stret long wanem ol i laikim Gavman i mas givim ol papagraun bilong Kurumbukari faiv pesen ekwiti (5% ekwiti) na HPL i mas givim arapela mani i go long ol Maigari Inland Pipeline, Coastal Pipeline na Basamuk.

"Mipela i sanap strong long tok olsem ol papagraun bilong Kurumbukari i lukautim graun we HPL bai digim Nikel na Kobalt. Ol arapela papagraun i kam insait long dispela projek bikos long pasin HPL i mekim disain bilong projek bilong ol. Olsem na ol arapela papagraun i mas stap olsem na pesen (2%) bilong ekwiti na Maigari Inland Pipeline, Coastal Pipeline na Basamuk papagraun bai kisim wan pesen long wan wan grup bilong ol.

Ol i tok aninit long tingting bilong HPL ol Kurumbukari papagraun nau bai kisim tu pesen (2%) bilong ekwiti na Maigari Inland Pipeline, Coastal Pipeline na Basamuk papagraun bai kisim wan pesen long wan wan grup bilong ol.

"Mipela nau i bungim wanpela taim olsem mipela ol asgraun bilong Nikel na Kobalt i mas amamas long kisim tu pesen ekwiti tasol. Dispela em i no stret," ol Nogui Yowo Omowo papagraun i tok.

Ol i tok tu olsem i gat planti ol arapela hevi bilong graun i stap yet na em i no gutpela long kampani na gavman i pusim tingting bilong sainim MOA.

Ol papagraun i askim HPL, Madang Provinsel Gavman na Nesanel Gavman long stretim olgeta hevi bilong graun na ol arapela hevi pastaim bipo long suvim het i go insait long sainim MOA.

Singaut bilong kamap sista i go bikipela long Madang

STEPHEN REX i raitim

SINGAUT bilong God long ol meri long kamap ol sista insait long ol rilijes grup long Papua Niugini i wok long kamap strong long dispela taim.

Dispela foto i soim sampela yangpela meri i laik kamap sista insait long kongrigesen bilong Holi Spirit Sista (SSpS). Nau yet ol i mekim novisiet

bilong ol long Alexishafen, Madang provins.

Novisiet em i taim bilong pre na skelim tingting sapos God i gat singaut long ol long kamap sista bilong SSpS o nogat. Na tu em i taim bilong ol meri bilong kisim kisim skul long painim aut long ol yet. God i mekim ol i kamap wanem kain ol meri.

Novisiet kos bilong ol SSpS i save kisim samting olsem tupela yia.



• Novis Dairekta Sista Elisabeth (namba tu long lephan) wantaim ol yangpela meri husat i mekim novisiet bilong ol long Madang.

Madang plis bai gat 93 nupela haus

PAULUS TALI na PEKU PILIMBO i raitim

AUSAID bai helpim Madang Plis wantaim moa long K8 milien long sanapim 93 nupela haus bilong ol plisman insait long Madang taun.

Open Mema bilong Madang Jacob Wama tu i bin givim pinis K300,000 bilong sanapim narapela 25-pela haus moa na namba bilong olgeta haus i go antap long 93 olgeta.

Ol plis i bin nogat haus long las yia na yia bipo tu taim olgeta haus bilong ol long Kusbau bareks i bin bagarap na i no fit long ol man i slip. Olsem na ol i bin brukim na rausim ol haus i kam daun. Ol plisman i bin nogat haus na planti i bin lusim na i go stap long narapela provins bihain long ol i painim hat long haus.

Nau yet em i gutpela nius long harim olsem Madang plis bai gat nupela haus na hevi bilong lo na oda insait long Provins i ken go daun.

Provinsel Plis Komanda (PPC) bilong Madang, Benjamin Simanjon i tok ol dispela nupela haus em bipo kos bilong ol, inap long K4 milien tasol bihain long taim mani bilong kantri i daun long bikipela mani maket, prais bilong ol samting i go antap olsem na dispoela i surikim prais i go antap olsem inap long K8 milien.

Mista Simanjon i tok ol 68 haus long Kusbau bai AUSAID i sanapim bilong ol na Mema bilong Madang Jacob Wama bai sanapim ol 25-pela nupela haus long Wagol-Sodas.

Long dispela 25-pela haus, wanpela bai bilong Provinsel Plis Komanda na ol narapela bai ol plis man nating i slip long en. Nau yet PPC i save slip long wanpela haus ol i rentim long en.

Olgeta manmeri husat i slip long Wagol-Sodas i hamamas long plis i wokim haus long hap bikos dispela bai stapim ol liklik stil pasin i save kamap long dispela hap eria.

Tenda bilong dispela ol haus bai i go aut long dispela mun yet na wok bilong sanapim nupela ol haus bai stat long mun Julai.

Projek ofisa bilong Jacob Wama Steven Pendi i tok memba i bin tingting long sait bilong edukesen na nau em i taim bilong em long lukluk long plis.

Mista Pendi i tok dispela K300,000 i bin sanap steb-bai pinis long las yia tasol ol setelmen lain long Wagol-Sodas i no bin hamamas liklik na dispela mani i bin i stap long han bilong ol yet.

Nau yet ol manmeri husat i stap long Wagol-Sodas i hamamas na wanbel long ol plisman i ken i kam i stap long hap na daunim ol birua bilong ol stilman.

Mista Pendi i tok olsem taim Mista Wama i stap Jastis Minista, em i bin givim plis ka na nau bai em i helpim ol long wokim haus.

Wagol Sodas i stap long rot i go long Madang ples balus.

Narapela ripot i kam i tok tu olsem PPC Simonjon bilong Madang bai lusim Madang na i go long Kimbe na Samson Mapi bai kam daun long hailans long kisim ples bilong em.

Kas i tok Ramu main bai go het

GAVANA bilong Madang Provins i tok Madang Provinsel Gavman, Nesanel Gavman, Highlands Pacific Limited, na ol papagraun bilong Kurumbukari, Inland, Lowland pipeline na Basamuk i sainim pinis Memorandum Of Agrimen bilong Ramu main i ken go het.

Em i tok ol i bin mekim olsem insait long las Forum miting wantaim Minista bilong Mining Sir Michael Somare tripela wik i go pinis.

Mista Kas i tok em i save olsem i gat sampela hevi bilong graun i stap yet tasol em i tok dispela em samting bilong ol papagraun wantaim ol mausman bilong ol long stretim.

Em i bilip tu olsem bai i gat sampela hevi bilong graun i kamap long main eria long toktok bilong graun taim wok bilong main i stat. Tasol em i tok insait long Forum miting ol maus man bilong ol papagraun yet i go het na sainim MOA pinis na dispela i no inap stapim wok bilong Ramu main.


Em i tok ol pipel bilong Madang i mas luksave

olsem Ramu main bai bringim bikipela mani i kam insait long provins we ol papagraun, provinsel gavman na ol pipel bilong provins i ken kisim planti gutpela sevis long en.


Long wankain taim Ramu main bai bringim bikipela mani i kam insait tu long kantri. Bai i gat planti wok bilong mekim na i gat ol spin off bisnis we ol lokal kontrakta i ken kisim na mekim mani. Olsem na em i tok ol pipel bilong Madang i mas amamas long dispela main.

Mista Kas i tok aste Sir Michael Somare i bin bringim dokumen bilong Mining Development Contract i go long Nesanel Ekskyutiv Kaunsel (NEC) long kisim tok orait bilong main i ken go het.

Wantok i bin ringim opis bilong Sir Michael Somare aste long painim aut sapos NEC i givim tok orait long dispela dokumen o nogat tasol opis bilong Sir Michael i tok ol i no kisim wanpela tok-save yet.



Lae Nius



Bulolo i laikim wok painimaut long ol waitman

ARI GUH DANDEE i raitim

WANPELA bikpela singaut nau, i kam long wanpela maus man bilong Bulolo distrik Tonny Giding i go long Minista bilong Leba na Emploimen Chris Haiveta, minista bilong Foren Afeas John Kaputin na Minista bilong Kalsa na Turisim long lukluk i go insait long mekim wok painimaut long ol waitman husat i stap insait long Bulolo dis-

trik na wok long mekim wok.

Mista Giding i tok em i no amas tru long luksave bilong em olsem planti ol waitman wok long kam insait long kantri na i wok long go long ol wanwan distrik na ol ples na mekim ol kain wok, we em i ting i nogat gutpela luksave bilong Nesenel Gavman long ol.

Em i tok planti ol liklik Maining Kampani i wok long mekim planti ol kainkain wok long ol graun insait long Wau Bulolo na em i laik save

sapos ol i gat tok orait bilong Nesenel Gavman long stap insait long kantri na mekim ol kain kain wok.

Olsem na i mas i gat gutpela wok painimaut i go insait long ol waitman bikos Mista Giding i gat bilip olsem planti bilong ol dispela waitman i bin i stap longpela taim tumas na ol mas sekim gut wok pepa bilong ol.

Bikos planti bilong ol i stap nating tru wantaim i nogat luksave

bilong gavman na ol i wok long stilim mani bilong kantri.

Wok painimaut nau i mas kamap bikos planti bilong ol dispela waitman i kam insait long kantri bilong wok, tasol ol i kam na maritim ol Papua Niugini meri na ol i wok long yusim nem bilong ol meri long ronim bisnis, we dispela i no gutpela pasin tumas na dispela i soim tru olsem ol i wok long stilim mani.

Narapela samting tu we Mista Giding i bin tokim Wantok tu long

em, em olsem planti bilong ol dispela waitman i no save rispektim ol papagraun o ol Papua Niugini man, nogat ol i paulim ol nabaut na i no givim gut mani o i no peim gut ol wokman bikos em i laik yusim ol Papua Niugini long kisim mani.

Ol wokman bilong ol dipatmen i lukautim ol dispela kain wok mas i go aut long ol wanwan distriks na ol liklik gavman taun long mekim ol gutpela wok painimaut long ol kain hevi olsem na i mas rausim ol.



• CIS ben i go opim Morobe Sinugu Kalsarel So long las wik long Huon Galf distrik. Foto: Franco Nebas.

Pikinini dai long Ka birua

WANPELA liklik pikinini krismas bilong em 7 yia i bin dai na arapela tupela i kisim bikpela bagarap bihain long wanpela rot eksiden las Fraide.

Arapela 8-pela bikmanmeri tu i bin kisim ol liklik bagarap long wanpela eksiden kamap long Nasuapuan ples klostu long Nadzab ples bilong.

Long ripot i kam long plis wanpela bikpela ka i wok long pikim ol ples marmeri long go long maket, taim dispela ka we i karim kaikai

bilong kakaruk i kam bampim ol.

Dispela ka bilong kakaruk i bampim PMV ka hia na brukim i go hap karim fran i go na lusim bek-sait traila.

Ol pasindia long PMV i pundaun nabaut long rot na sampela i pas i stap insait long sel bilong PMV ka.

Draiva bilong PMV ka i kisim bagarap we soldia bilong em i bruk na han gais bilong em.

Em i kisim bagarap long arapela hap bilong bodi bilong em.

Draiva bilong kakaruk ka i no

kisim wanpela bagarap we plis i holim na askim em long dispela birua.

Yupela pikinini husat i stap orait long dispela eksiden em tupela brata husat krismas bilong yupela 6 na 7 yia.

Yangpela bilong tupela i kisim bagarap long het. Mama bilong ol husat tu i bin stap long PMV i kisim liklik bagarap.

Dispela husat i bin dai i go wantaim papa bilong em long maket taim dispela i kamap.

Moa rot bai kamap long Tewae-Siassi long 2000

HENZY YAKAM i raitim

PLANTI rot nau bai kamap insait long Tewae-Siassi ilektoret bihain long Deputi Praim Minister na Minista bilong Agrikalsa na Laipstok, Mao Zeming i baim greda, katapila na ol masin bilong wokim rot.

Mista Zeming husat i yusim mani aninit long ilektoret Developmen Fan (EDF) i baim tripela D-6 katapila, wanpela greda na na wanpela bulldoza.

Minista bilong Woks na Implimentesen Alfred Pogo i opim dispela ol nupela masin bilong wokim rot we moa long 4000 pipel i kam long lukim.

Ol nupela masin bai stap insait long projek bilong wokim nupela rot olsem Kanzarua-Masa-Kongo rot, Nunzen-Tunge-Mayawa-Zakupep-Samep rot, Sigekeke-Qabi-Kinalaknga-Gitua rot na Zankoa-Zakupep-Samep rot.

Dispela ol rot bai sevim tru moa long 20,000 pipel insait long insait long bikbus bilong Sialum, Finsafen na Kabwum distrik insait long Huon Peninsula.

Long makim stat bilong wokim rot, Mista Pogo i tok wok bilong kirapim rot i no isi. Na em i tokaut tu olsem wok bilong statim na stadim rot bilong Lae-Madang Kostal haiwe we bai ran i go long

Bukauwa, Pindiu, Siwae, Sialum, Wasu na Sidor bai stat long dispela yia.

"Gutpela rot i joinim Finsafen, Tewae-Siassi na Kabwum (FISLKA) eria em i bikpela samting we i ken helpim moa long 100,000 insait long rijon bilong ol long mekim mani," em i tok.

Mista Zeming i askim ol pipel long noken askim bikpela kompensesen we bai stapim ol wok bilong kamapim rot.

"Mi bai i no inap pret long rausim ol masin bilong wokim rot long dispela eria sapos ol pipel i laik stapim wok bikos long kompensesen na givim i go long arapela eria insait long ilektoret long wokim rot," Zeming i mekim strongpela tok lukaut.

Deputi Praim Minista i tok olsem "Mi askim yupela olgeta long wok klostu wantaim ol publik sevans na lokol gavman opisa long traime bringim sevis i go long ol komyuniti long kamapim gutpela sindaun insait long ples."

Em i askim olgeta pipel long stat planim ol kaikai long wokim man taim ol i stat long mekim ol rot insait long Sialum na tu arapela hap bilong provins.

"Taim nau i hat na yupela i mas wok hat nau na noken sindaun nating na tingim gavman long mekim olgeta samting bilong yu," Deputi Praim Minista i tok.



• Mista Zeming na Mista Pogo i sekim nupela bulldosa long taim Pogo i opim dispela nupela rot na ol masin ya las wik.

Gavman glasim hevi bilong Lae setelmen

FRANCO NEBAS i raitim

OL setelmen long Lae Siti na arapela hap long Momase rijon bai kam aninit long wok stadi taim palamenteri setelmen na ebenaisesen komiti i mekim ol lukluk raun bilong ol. Mosbi Saut Is memba Ledi Carol Kidu yet em i go pas long dispela ol lain. Dispela lukluk raun bilong ol em bai stat long Epril. Ladi Carol Kidu wantaim ol komiti bilong em i bin bung wantaim Wod 4 eria karampim 3 na 4

mail setelmen long Lae long dispela Mande tasol i no bin kamap. Long kisim maus bilong Ledi Kidu namba tu siaman na Morobe Gavana Luther Wenge i toktok long ol dispela lain.

Mista Wenge i tokim ol setelmen lain olsem dispela komiti bai mekim lukluk raun long kantri long mekim stadi na traime kamapim rot long stretim sampela hevi na pasin ol i save bungim.

Em i tok ol hevi olsem long bia, smok nogut (spak brus) pasin pamuk na arapela ol raskol pasin

em ol bai lukluk na stadi na bringim i go long gavman long karimaut. Mista Wenge tu i lonsim provinsal setelmen na ebenaisesen komiti bilong Morobe provins we enti-velu eded takis (VAT) kempen siaman Roy Miringke bai go pas.

Fanding bilong dispela komiti bai kam long provinsal baset.

Long dispela taim tu Mista Wenge i singaut long ol Morobe husat i no wok i stap nating mas i go long ples bilong ol.

"PNG na Morobe i no sot long

gavman na komiti long i stretim gut sevis i go long komyuniti.

Wanpela mausman long setelmen Menos Akris askim Mista Wenge long kamapim we long helpim hevi bilong manmeri i pulap long setelmen.

Mista Akris i tok em i laik Nesenel Gavman i setim eviksen opis long Lae na tu arapela senta long kantri long lukluk long ol hevi long setelmen.

Em singaut tu long stopim blak maket bia na tu sosol ples o klab long setelmen.

gavman na komiti long i stretim gut sevis i go long komyuniti.

Wanpela mausman long setelmen Menos Akris askim Mista Wenge long kamapim we long helpim hevi bilong manmeri i pulap long setelmen.

Mista Akris i tok em i laik Nesenel Gavman i setim eviksen opis long Lae na tu arapela senta long kantri long lukluk long ol hevi long setelmen.

Em singaut tu long stopim blak maket bia na tu sosol ples o klab long setelmen.

Ted Diro i laik go bek olsem Gavana

YAKAM KELO i raitim

GUTPELA tingting na pasin bilong man i ken kisim Sentrel provins i go long gutpela rot bilong kamapim gutpela senis long provins, rijinol memba Ted Diro i mekim dispela toktok long dispela wik.

Mista Diro i mekim dispela tok-tok bikos Gavana bilong Sentrel provins Opa Taureka i no laik long givim bek posisen bilong Gavana i go bek long Ted Diro. Em i putim pablik toksave olsem em i Gavana bilong Sentrel provins na dispela posisen bilong Gavana i no stap nating long makim nupela man.

Tasol Mista Diro i tok olgeta tok-tok ol i bin pasim pinis wantaim Mista Taureka i senis gen na dispela i no gutpela. Em i ting sampela ausait lain i bin toktok wantaim Mista Taureka na senisim tingting bilong em long givim bek sia bilong Gavana i go bek long

Ted Diro.

Mista Diro i bin Gavana bilong Sentrel provins taim em winim ileksen long 1997. Inap las yia Julai, em i lusim sia bilong Gavana i go long han bilong Deputi Gavana Opa Taureka na em yet i go kamap Nesenel Minista bilong Agrikalsa na Laivstok. Tasol Gavman bilong Sir Mekere na Zeming i rausim em na nau em i go bek stap nating olsem rijinol memba bilong Sentrel provins.

Mista Diro i tokaut olsem planti pipel na ol kaunsil lida bilong Sentrel provins i laikim em i mas go bek olsem Gavana bikos long ol planti bikpela wok we i bagarap.

Mista Diro i kolim ol wok olsem nupela Sentrel provins het kota we wok i no kamap gut, edukesen plen bilong provins we ol wok i no kamap gut, eviesen wing bilong Sentrel provinsal gavman long ronim liklik balus sevis long provins i no kamap gut.

Sentrel provins i nogat strong-

pela na bikpela samting long sanap long en na kisim strong long sait bilong developim provins. Em i nogat bikpela risos o samting bilong pulim mani long kirapim provins. Em i nogat bikpela samting we i ken givim promis bilong bringim developmen long provins. Olsem na em i bikpela samting long wanem save na strong ol i gat nau, ol i mas yusim gut long sut long wanem rot ol i laik pait long en, em i tok.

Mista Diro i tok em i save olsem Mista Opa em gutpela man na em bai bung gut wantaim ol na lekim disisen bilong em gen wantaim ol long givim Gavana i go bek long em.

Rijinol memba i tok sia bilong Gavana em bilong rijinol memba we ol pipel bilong provins i votim em long taim bilong nesenel ileksen. Na i no gutpela long kaunsil husat olgeta pipel bilong provins i no votim i kisim dispela sia.

Tasol Mista Diro i mekim klia tok

olsem em i laik kisim bek sia bilong Gavana i bihainim ol toktok wanbel we Mista Taureka na ol sinia eksekutiv memba bilong provins i bin pasim pinis long Desemba las yia. Ol i sainim wanbel pepa pinis.

Em i tok taim nesenel ileksen i bin kamap, em larim John Orea long kisim ples bilong em na resis long rijinol sit bilong Sentrel provins. Na em yet i bin sapotim John Orea na mekim em i kamap rijinol memba bilong Sentrel provins. Taim em i kam bek gen long politikis, John Orea i wanbel na givim bek spes bilong Diro. Mi mekim wankain tasol long Sentrel provinsal gavman we pati bilong mi, Pipels Eksen Pati (PAP) i wanbel long makim Opa Taureka olsem memba bilong mipela long sapotim em long kaunsil ileksen. Em i winim kaunsil ileksen na mipela sapot wantaim em na makim em Deputi Gavana.

Mista Diro i tok em i laikim bai

Sentrel provins i go long han bilong ol doti politikis. Em i laikim bai gutpela tingting na pasin bilong man i mas go pas long kamapim gutpela senis long provins.

Em i tokaut olsem planti memba bilong provinsal asembli wantaim tupela nesenel memba Kilroy Genia, memba bilong Abau husat em Minista bilong Jastis na memba bilong Kairiku Hiri Moi Avei husat em Minista bilong Nesenel Plening i sanap sapot wantaim em na ol kaunsil tu.

Ol bai sainim petisen pepa i go long Gavana Opa Taureka long kolim bung bilong asembli na long dispela taim bai ol kaunsil memba i kolim vot i nogat bilip long rausim Gavana Opa Taureka na makim nupela Gavana.

Long dispela taim bai Ted Diro i ken sanap olsem wanpela kandidate gen long winim dispela ileksen sapos i gat wanpela o tupela man moa long i laik taim resis long kamap Gavana tu.

Sentrel provins i laikim Ted Diro, lida bilong ol meri tok

Ol meri grup insait long Sentrel provins i tok ol i sapotim tru na wanbel tru long rijinol memba Ted Diro i mas go bek olsem Gavana bilong provins.

Sentrel provins i mas gat strongpela na save lida olsem Ted Diro long opis bilong Gavana, Sentrel Provins Wimens Kaunsil Presiden Taboro Morea i tokaut long dispela wik.

Misis Morea i tok taim Ted Diro i bin lusim sia bilong Gavana na i go kamap olsem Nesenel Minista bilong Agrikalsa na Laivstok, olgeta lain i save olsem em bai kam bek olsem Gavana bilong provins sapos em i lusim wok Minista.

Long 1997 nesenel ileksen, Ted Diro i bin winim bikpela namba tru long kamap olsem rijinol memba bilong Sentrel provins na kamap Gavana stret, Misis Morea i tok.

Ol pipel i no laikim em bek bikos long lidasip na save bilong em tasol, kam bek bilong em olsem Gavana i stap stret tu long laik na tingting bilong ol pipel we ol i bin soim long taim bilong nesenel ileksen, Misis Morea i tok.

Misis Morea i tok tu olsem gav-

man bilong Sentrel provins i wok long pundaun bek gen long ol mun i go pinis.

Mipela i bin kamap long rot bilong kamap gutpela provins tru insait long kantri, tasol mipela i lusim dispela rot gen, em i tok.

Mista Diro i gat komyuniti sapot na lidasip bilong kisim Sentrel provins i go bek long dispela rot, em i tok.

Misis Morea i tok ol meri long Sentrel provins i wari long ol sevis olsem helt na edukesen bilong ol pikinini bilong ol. Olsem na i mas gutpela save lida na strongpela lida long mekim ol dispela wari bilong ol mama i kamap gut.

Misis Morea i tok em i singaut long ol arapela kaunsil memba bilong Sentrel provinsal gavman long bungim tingting wantaim na makim Ted Diro i go bek olsem Gavana bilong Sentrel provins.

Sentrel provinsal gavman i gat 19 kaunsil presiden olgeta. Na ol i gat bilip olsem 13 kaunsil presiden i sanap sapot wantaim Ted Diro long go bek kamap Gavana bilong provins.

Skul strongim gutpela pasin na sapot bilong papamama

TAIM 2000 skul yia i op long dispela wik, bikpela samting we ol skul atoriti i autim em long ol pikinini strongim gutpela pasin (desiplin) na ol papamama i wok bung wantaim skul long skruim gut ol wok long helpim ol pikinini bilong ol.

Strongpela singaut i go long ol sumatin long mekim gutpela stat nau na olgeta samting bai i ron gut long ol de na mun i kam bihain.

"Skul i olsem wanpela resis. Sapos ol sumatin i statim skul long gutpela rot long stat bilong yia, ol wok bilong ol sumatin na tisa bai go gut long ol narapela de na mun inap long pinis bilong skul yia," Leo Saulep, Siaman bilong Sen Peter's Praimeri skul long Erima, Nesenel Kapitel i bin tok long ol toktok bilong em long skul opening long Mande.

Lainim na bihainim gutpela pasin olsem harim tok, pasin bilong rispek, tok tru na hat wok em ol bikpela samting we skul bai glasim na lukim olsem ol sumatin i bihainim gut, nupela Prinsipel bilong skul Anna Mage i tok.

Narapela samting tu we em bin tok strong long en em long ol papamama i mas gat intres long skul bilong ol pikinini na stap insait

na help long ol aktiviti we ol i wokim long skul.

"Ol pikinini i mas lainim ol gutpela pasin. Na ol papamama i mas putim ol gutpela stia tok long ol. Harim tok, tok tru, rispek na hat wok em ol bikpela samting we ol sumatin i maslainim na bihainim long dispela Kristen skul.

"Ol papamama i mas pilim fri long kam na go long skul, sekim ol pikinini bbnlong ol na toktok wantaim ol tisa long wok bilong ol pikinini. Maski ol pasin tumbuna, lotu na tokples i narakain, mipela i putim strongpela toktok long ol papamama long wok bung wantaim skul ha mekim ol wok go het long skul i go gut," Misis Mage i tok.

Wanpela sinia tisa na memba bilong Disiplineri Komiti bilong skul i bin autim strongpela toktok tu long ol wankain isu na strongim ol papamama long givim ol gutpelas statok long haus long bihainim gutpela pasin.

"Gutpela pasin em i bikpela samting long ol skul na komyuniti tude. Na em i bikpela samting long skulim ol pikinini long toktok gut long ol bikpela man, ol tisa na ol arapela pipel long skul, famili na arapela. I moabeta long taim

yumi skulim ol gutpela pasin long ol pikinini long skulim ol tu long ol helt isu."

"Skul bai no inap long givim sekon sans long ol sumatin i dring o smok long skul," tisa i bin tok.

Em bin tok tu skul i laikim ol sumatin long putim rait yunifom trauses, snot, dres na su soks samting na olsem komiti bai was gut tru long dispela.

Em i tok sapos pikinini i sakim tok na i no bihainim dispela, komiti bai salim pas long ol papamama na sapos sem samting i go het long tripela taim, ol bai salim ol i go long haus inap ol i wokim samting gut.

Long ol taim bipo planti skul pikinini i save wokim ol tok nogut, dring, smok na rait nabaut long ol kalsrum na ol no laikim dispela long kamap gen.

"Skul bai givim bikpela mekim save long ol dispela sumatin i wokim ol dispela pasin, "tisa i tok.

Sen Peter's Praimeri em i wanpela Katolik ejensi skul na long dispela yia, em i kisim moa sumatin. Olsem na mak i abrusim 900 skul sumatin. Em i gat 30 tisa, 20 long Praimeri na 10 long ele-menteri level.

BOROKO Foodworld

Dispela Wik Spesols

Roots Rice 1kg	K1.17	Tulip PLM 340gr	K2.78
Power Rice 1kg	K1.53	Sunshine Milk 1litre	K2.28
Ox & Palm Taper 340gr	K2.99	Sanitarium Corn Flakes 250gr	K4.90
Arnotts Sao Biscuits 250gr	K2.79	Ilimo Eggs 55gr Per Doz	K3.42
Arnotts Scotch Finger 250gr	K2.44	Ilimo Eggs 60gr Per Doz	K3.59
Sanitarium Weet Bix 375gr	K3.90	Morobeen Cream Ass. 60gr	K .50

Planti moa kaikai prais i go daun long en!

Ph: 325 7566, 325 0863 Fax: 325 7096

**Lukim
Supa
Spesol!**

Aipas plisman i wok hat yet

YAKAM KELO i raitim

AIGLAS man long namel ya i no man nating. Em apas man, tasol em wanpela plisman husat i save wok hat tru olsem redio na switsbod opereta long Rabaul plis stesin.

Ben Theodore em wanpela plisman husat i bin bungim birua long Bogenvil hevi long 1989 we ol biruan man i bin sutim em long sotgan na katres i bin bagarapim ai bilong em. Em i bin go daun long Australia we ol dokta i rausim ol katres long bodi bilong em tasol ai bilong em tasol i nat long stretim olsem na Ben i stap olsem apas man.

Taso Ben i no lusim wok bilong em olsem plisman. Em stap yet plisman we olpela plis Komisina bipo Paul Tohian na Is Nu Briten plis komanda bipo John Toguata i holim em yet olsem plisman.

Ben i stori olsem em i bin go bek long Australia na tu long Melesia na kisim sampela kain trening bilong ol aipas lain. Em i save pilim ol samting olsem redio na switsbod na mekim wok bilong em long toktok long ol plisman long ka.

Long las wik RSL klap bilong Papua Niugini i baim wanpela kompyuta setap bilong Ben na singautim em i go long Mosbi long kisim dispela kompyuta bilong em.

Ben i tokaut olsem dispela kompyuta bilong em bai mekim plan-ti wok i go isi.

Em bai olgeta taim toktok long redio long ol plisman long operesen bilong ol olgeta de na sem taim tu han bilong em bai i stap long kompyuta na taitim ol toktok em i mekim long ol plisman long redio. Wanem toktok ol plisman i toktok bek long em tu bai em i taipim long kompyuta.

Long apinun taim em i laik pinis wok na i go long haus, em bai prinim kompyuta tasol na olgeta toktok em wantaim ol plisman i mekim long de taim bai print na kamap long pepa. Na kompyuta tu bai holim toktok bilong em na ol plisman i stap yet long fail.



• Ben Theodore (aiglas man, namel) i kisim kompyuta long siaman bilong RSL klap long Mosbi. Plis Komisina John Wakon (raithan) na bikmeri bilong PNG Disebel Asosiesen na wasman bilong Ben i sanap lukluk. Ben Theodore em wanpela plisman tasol em i aipas bikos em i bin kisim birua long Bogenvil hevi long 1989. Foto: HENRY MORABANG

Famili bilong dai manki laikim plis sasim ol birua lain

ARI GUH DANDEE i raitim

FAMILI bilong yangpela boi husat i bin dai long han bilong ol man nogut long Mosbi i bin planim bodi bilong em long las wik Sarere long asples bilong em long Pekenene viles insait long Buang long Mumeng, Morobe provins.

Ol famili bilong leit Paul Semu long Wau i bin bungim bodi bilong em long Nazab ples balus wantaim ol papamama na ol brata susa bilong em we ol i kisim i go na bung wantaim ol ara-

pela famili long ples long Fraide na bihain ol i planim bodi long Sarere. Bodi i stap wanpela nait long Pepekene viles long ol famili i soim las sore bilong ol. Raskel bin kilim boi ya long Hohola long Mosbi.

Ol famili memba bilong leit Paul Semu husat i gat 22 krismas i no amamas tumas long dai bilong dispela yangpela bilong ol na i tok dispela dai bilong leit Semu em i wanpela pasin nogut tru long bagarapim laip bilong yangpela boi. Bikos ol i tok dispela yangpela boi i bin dai long yangpela taim bilong em na pasin i bin

kamap long dai bilong em i no gutpela tumas.

Stori we ol i harim long dai bilong leit Semu i soim tru olsem ol man husat i bin kilim em i mas gat sampela belhat o hait tingting long kilim Paul Semu.

Ol i tok ol i harim toksave pinis olsem ol plis i bin holim pasim ol dispela saspek pinis na i gutpela olsem plis wokhat hariap tru long kisim ol kain man nogut olsem.

Famili memba i askim plis na Lo long mekim save long ol kain man nogut olsem husat save bagarapim laip bilong narapela meri man.

TOYOTA HILUX FEBRUARY SPESEL

Baim wanpela nuipela Toyota Hilux 4WD singel o dabel keb disel model nau na yu ken draiv igo pinis wantaim sampela moa samting bilong Hilux bilong yu o wanem samting yu laik long kisim long dispela mun tasol. Hariap tru long taim ofa i stap!


FRI
YAMAHA 25HP
AOT BOT
MOTO

FRI
EF 1000
YAMAHA
GENSET

FRI
BUL BA, MEG
WILS NA TOU
BA



SEL I GO INAP LONG 29th FEBRUARY 2000



LONG OL RITEL KASTOMAS TASOL.

YU KEN KISIM LONG OL ELA MOTORS KLOSTU LONG HAP BILONG YU!

VISIT OUR WEBSITE - <http://www.elamotors.com.pg>

EM6685

Tok promis long wok misin

25 yia Jubili na las promis bilong ol sista



• (R-L) Sista Patricia Sambui na Sista Bonita Goroma bilong kongrigesen bilong Santu Theresia i selebretim 25 yia jubili bilong ol long Alexishafen. Poto i kam long ol Santu Theresia Sista.

STEPHEN REX i raitim

TUPELA Santu Theresa Sista long Madang provins, Sista Patricia Sambui na Sista Bonita Goroma i selebretim 25 yia jubili bilong ol long Alexishafen long Fonde 6 Januari.

Sista Patricia em bilong ples Simbine long Ulingan peris na Sista Bonita em bilong Ambulua peris long Jimmy long Hagen.

Long wankain taim foapela sista bilong dispela kongrigesen i mekim las promis bilong ol bilong stap olsem ol sista bilong Santu Theresa Sista.

Sista Josepha Wohemani bilong

ples Nambari long Warabung peris Is Sepik, Sista July Hau bilong ples Karup Megiar peris Madang, Sista Doris Lisa bilong ples Megiar peris Megiar Madang na Sista Theresia Pepi bilong Bundralis peris Manus.

Sista Patricia Sambui i bin lukautim ol dispela foapela sista long fomesen bilong ol.

Asbisop Benedict Tovarpin i go pas long dispela misa na tu Asbisop William Kurts SVD na samting olsem 20 pater, ol bruda, sista na planti ol pipel i bung long Alexishafen haus lotu bilong selebretim dispela bikpela de.

Plis i nogat rait long kilim man

LAWRENCE UNDI i raitim

CARITAS PNG, wanpela grup husat save sapotim bel isi pasin insait long Papua Niugini i no wanbel long wanpela toktok we i kamap long niuspepa tok long Plis Komisina John Wakon i tok orait long sutim na kilim i dai ol man nogut.

Bruda Graeme Frawley, husat i nesenal darekta bilong Caritas PNG i tok dispela kainkain toktok i kamapim planti askim na tu i brukim mama lo bilong dispela kantri.

Em i tok dispela kain toktok i kamap insait long demokratik na fri kantri olsem PNG i nogut na tu i no orait long ai na tingting bilong ol gutpela manmeri na Bikpela God antap.

Bruda Frawley i tok dispela toktok bilong kilim man nating na nogat kot bilong painim rong long ol man i dai i no gutpela tingting.

Em i tok i gat sampela mak bilong dispela kain pasin i bin kamap long taim ol raskol i laik brukim benk long Pot Mosbi. EM i tok wok bilong sios i soim olsem laik bilong man i bikpela samting tru dispela kain pasin bilong kilim man nating wantaim nogat kot i noken stap insait long plis bilong kantri.

Em i tok plis i mekim gutpela pasin long lukautim ol gutpela manmeri tasol em i toing i gat planti narapela gutpela rot i stap bilong stretim dispela ol hevi.

EM i tok pasin bilong kilim man na narapela pasin nogut i save bagarapim tru ples na ol man i no gat bikpela

tingting olsem God i givim wanpela laik tasol long ol na ol i save kisim laik bilong narapela man nating.

Em i tok wawan komyuniti insait long kantri kmas lusim olgeta pasin bilong bagarapim man na sindaun bel isi wantaim narapela na painim narapela bel isi wei long stretim ol hevi. Dispela kain pasin em Jisas yet i skulim yumi long buk baibel na yu mas biahainim olgeta taim.

Bruda Frawley i tok ol plisman i stap bilong lukautim olgeta manmeri na long mekim wok bilong ol, ol i mas tingting gut pastaim na bilip bilong ol i mas strong olsem ol i mekim wok bnlong lukautim ol pablik na ol i mas gat tingting bilong helpim olgeta manmeri.

Em i tok ol plis i ken mekim wok bilong ol tasol ol i mas mekim wantaim tingting olsem ol pipel i makim ol bilong lukautim pablik na dispela tingting i mas kam pas. Noken sutim man nating sapos ol i mekim rong bikos nogat man i givim rait long yu mekim dispela samting, God yet i save givim laik na em wanpela tasol inap long kisim dispela laik.

Pop John Paul i bin tok long wanpela raun bilong em insait long America olsem demokrasi o pasin bilong stap fri bai stap orait olgeta samting i mas kamap ples klia na noken hait bikos sapos em i hait bai olgeta samting i bagarap tu. Demokrasi i save sapotim wanem amting i tru na save lukautim rait bilong olgeta manmeri na dispela i save lukautim olgeta pablik laik bilong ol manmeri.

Bruda Samuel Kokut SVD mekim las promis

WENCESLAUS MAGUN i raitim

WANPELA yangpela man bilong ples Bopten long peris Kambot insait long Is Sepik provins, Samuel Kokut i mekim las promis bilong em long kamap wanpela misinari bilong Sosaiti bilong Divine Word (SVD) long las wik Sarere long Mosbi.

Bruda Kokut i promis olsem em bai i no inap marit, i no inap holim pasim ol samting bilong dispela graun, na bai harim tok bilong ol bos bilong em bilong go aut na autim Tok bilong God long wanem hap sosaiti bilong SVD i salim em.

Em i gat 11-pela brata na tripela susa. Tasol wanpela brata na tupela susa bilong em i dai pinis. Olgeta famili memba bilong em i stap long ples tasol wanpela brata i stap long Rabaul.

Bruda Samuel i tok em i gat bikpela laik long go long kantri Paraguay long Latin Amerika na mekim wok misin. Tasol bik bos bilong ol SVD long Rome i tok em i mas mekim wok misin bilong em long



Bruda Samuel Kokut i mekim las promis bilong em long Bomana Meja Seminari bilong stap olsem wanpela SVD misinari. Poto: Isaac Ikuavi.

Papua Niugini pastaim.

Bruda Samuel i tenkim ol tisa bilong em, ol lain i save beten long em na ol lain i save helpim em long ol samting em i save sot long em long laik bilong em.

Provinsul Supiria bilong SVD long PNG, Pater Elmer Elsbernd i tok Bruda Samuel bai kisim odinesen bilong em sampela taim long mun Oktoba. Dispela odinesen bai kamap long Bomana Meja Seminari ausait long Mosbi.

Em i tok nau yet planti ol pater i gat laik long kisim Bruda Samuel long go mekim wok pastorel na wetim taim bilong odinesen tasol em i no pasim tingting yet long salim Bruda Samuel i go long wanem peris.

Pater Elsbernd i tok Bruda Samuel i no mekim las promis bilong em wanpis. Nogat. Em i mekim promis bilong em wantaim sapot bilong ol brata bilong em insait long sosaiti bilong SVD. Long dispela as em i no mas wari ong taim em i bilong em hevi, bikos ol brata bilong em bai i stap sambai long helpim em.



• Sista Hendrina Sinipo, Sista Celine Sinipo na Sista Rosemary Birik i nildaun long mekim promis bilong ol bilong stap olsem ol SSpS sista.

Tripela lokol meri promis long joinim SSpS

STEPHEN REX i raitim

TRIPLELA Holi Spirit Misinari Sista (SSpS) i mekim namba wan promis long stap olsem ol sista long kongrigesen bilong ol SSpS long Alexishafen long 16 Januari.

Ol tripela sista em Sista Rosemary Birik bilong Tabel peris long Karkar Allan, na tupela twin susa, Sista Hendrina Sinipo na Sista Celine Sinipo bilong Monoitu peris long Siwai Saut Bogenvil.

Sista Rosemary i tok taim em i stap long Karkar Hai Skul, em i save bung wantaim ol sumatin long pre na ol arapela wok bilong sios. Karkar Hai Skul em i gavman skul tasol planti ol tisa

em ol i gutpela Katolik.

Sista Rosemary i tok em i nogat tingting bilong kamap wanpela sista tasol ol tisa na pren bilong em i save tok pilai long em long kamap sista. Long dispela taim em i save long ol Santu Theresia Sista long Alexishafen. Tasol wanpela wantok bilong em (Sista Helen) i bin rait pas long em na tok olsem em i stap wantaim ol SSpS. Taim em i kisim dispela pas, em i askim long moa tok-save bilong dispela kongrigesen.

Sista Rosemary i tok ol SSpS i kisim em i go long lukluk long kongrigesen bilong ol. Orait long 1994 i go 1995 em i go joinim ol SSpS na long 1996 em i go bek long ples long

kisim yia aut na skelim sapos God i singautim em long kamap sista o nogat. Long dispela taim tu em i askim ol famili bilong em sapos ol i tok orait long em i kamap wanpela sista.

Long Mas 1997 em i go joinim Sista Hendrina na Sista Celine long Novisiet.

Moa yet, Sista Hendrina na Sista Celine tupela i no save long SSpS. Ol i save long ol sista i stap long Bogenvil na tu tupela i no laik kamap sista.

Long 1995 i bin gat wanpela semina long Rabaul 'Laip insait long Spirit'. Tupela i bin go bung wantaim ol arapela lain. Taim ol i stap long woksop, wanpela Misinari bilong Sekred Hat (MSC) i bin givim adres bilong ol MSC sista.

Taim tupela i rait long ol sista, ol i no kisim bekim bilong pas bilong ol. Orait narapela MSC i givim ol 'Annal' buk ol MSC i save raitim. Na insait long Annals, ol i painim adres bilong ol SSpS na tupela i bin rait long ol sista.

Ol SSpS i salim ol apikiesen fom i go long tupela na ol i pulimapim na givim Pater Dario, wanpela SVD pater na em i go long Buka na salim. Tasol ol i no kisim bekim. Olsem na ol i salim narapela fom gen. Dispela taim ol i givim long wanpela residen paitman na em i givim long paillet bilong helikopta na i salim i go long ol SSpS.

Taim wanpela pater bilong ol long Bogenvil i laik kisim odo, olsem na Asbisop Karl Hesse i go long Bogenvil em kisim bekim bilong pas i go na givim tupela susa. Long Februari 1997 Pater Michael Anuku i go na toksave long tupela olsem ol SSpS i kisim tupela bilong joinim ol.

PNG gat bikpela mak long sik HIV/AIDS long Pasifik.

VERONICA HATUTASI i raitim

PAPUA Niugini i wanpela long ol kantri insait long Pasifik rijen we i gat bikpela mak long ol pipel wantaim sik nogut HIV/AIDS, ripot i tok.

Dispela ripot em ol helt atoriti i bin redim na autim na i karamapim ol wok painimaut long dispela sik long Esia na Pasifik rijen.

HIV/AIDS em dispela sik we pablik long kantri na wol i wok long save gut long en bikos mak bilong ol lain wantaim dispela sik nogut i wok long go antap moa.

Na tu, dispela sik i kisim planti ol yangpela pipel namel long 15 na 24 krismas.

Olsem na planti gavman long wol i wari long dispela sik na ol i wokim ol kempin long traim skulim pablik, ol yangpela long ol rot bilong traim abrusim dispela sik bikos

kantri bai i go nogut tru sapos ol yangpela i bagarap. Ol yangpela pipel em ol save holim kantri, go hetim developmen na ol samting taim ol bikpela manmeri i go lapun na go.

Ol ripot i tok long pinis bilong yia 1998, klostu haf long 33 milien pipel husat i gat sik HIV/AIDS em ol yangpela pipel we krismas bilong ol i stap namel long 15 na 24.

Ripot i tok haf long ol nupela HIV sik i pondau long ol yangpela pipel namel long 15 na 24 yias. Na 510,000 ol pikinini husat krismas bilong ol i stap daunbilo long 15 yias i stap insait long 2.5 milien pipel husat i bin dai long sik AIDS long 1998.

Ol ripot i tok moa long 8,500 yangpela pipel i save kisim binatang bilong sik HIV/AIDS long wan wan de. Ripot long ol dispela mak long sik HIV/AIDS em i

karamapim wol. Tasol dispela i no min olsem Pasifik rijen i no stap insait long dispela grup, nogat.

Long Westen Pasifik rijen we i karamapim ol kantri, stat long Fiji i go long Mongolia na PNG tu i stap insait long en, ol ripot i tok long wan wan yia, 35 milien pipel i kisim nupela sik long ol STD o ol sik olsem gonoria na sifilis we i gat marasin long pinisim ol. Bikpela mak long ol dispela em krismas bilong ol i stap namel long 15-30 yias. Na 17 pesen long ol sik AIDS we ol i ripotim na 43 pe sen long ol lain i gat binatang bilong sik HIV ol i ripotim i kamap long ol yangpela we krismas bilong ol i stap namel long 13 na 29 krismas grup.

Bihainim dispela ripot, riproduktiv helt, ol infeksen bilong sik STD, HIV/AIDS i wok long go antap long dispela rijen.

Ripot i tok long PNG, sik i wok long kisim ol marit manmeri tu na dispela i abrusim ol bliip i stap olsem ol man i kisim sik HIV/AIDS taim ol man i slip wantaim man na long yusim nil long kisim ol strongpela drag.

Wanpela bikpela bung i bin kamap long Kuala Lumpur long mun Oktoba na lukluk long dispela sik nogut HIV/AIDS, ol save-man i bin makim Esia na Pasifik rijen.

Long dispela bung, wanpela bikpela tok-tok i bin kamap olsem gavman i mas givim bikpela tingting long eduketim ol yangpela na ol bikman olsem ol disisen meka arasait long helt sekta long as bilong sik HIV/AIDS na ol bagarap we sik ya i kamapim. Dispela em long mekim olgeta grup long Pasifik rijen i givim bikpela tingting traim wokim samting long slekim dispela sik we i bagarapim planti pipel.

Raits bilong ol pikinini

- LONG PNG i nogat lo o sosel straksa we i lukautim rait bilong pikinini.
- Maski helti developmen bilong ol pikinini em i bikpela samting long futja o bihain taim bilong sosaiti, long PNG, mak bilong ol bebi i dai i antap tru long Westen Pasifik rijen.
- Ol pikinini inap long bungim birua hariap long ol kain samting na ples we ol i stap long en.
- Ol pikinini i save karim moa ol kikbek bilong ol kain hevi long ol disisen na eksen bilong gavman
- Ol pikinini i nogat maus long makim ol long putim vot, wokim ol politikel disisen o long mani. Nek bilong ol i no save kamap.
- Moa yet ol arapela bikpela lain i save givim ol bikpela wok long mekim na wokim nabaut long ol.
- Long planti sosaiti we i karamapim PNG, bikpela tingting i stap olsem ol pikinini em ol propeti bilong papamama na ol i wok long gro yet na olsem ol no redi long helping long wok bilong go hetim sosaiti
- Long ol pikinini long stap insait long ol wok na helti developmen bai skruim kantri na sosaiti i go moa.



• Greduesen bilong ol Komyuniti Helt Woka long Rumbinae CHW Skul, Westen provins.

Yunivesiti bai givim mekimsave long ol trabel sumatin lida

YUNIVESITI bilong PNG long Waigani bai givim mekim save aninit long ol long ol sumatin husat i kamapim ol bikhet pasin na bagarapim ol wok na skul long kempus.

Man husat i go pas long Akademik Afeas na Pro Vais Sansela Dokta Thomas Wagner taim em i tokaut long dispela samting i tok yunivesiti bai givim mekim save long ol sumatin husat i bin go pas long ol trabel las yia na yunivesiti i bin pas hariap long mun Oktoba.

Dokta Wagner i bin kisim wok olsem Pro Vais Sansela long kisim ples bilong Ekting Vais Sansela, Dokta John Luluaki.

Dokta Wagner i tok husat sumatin em ol i lukim olsem i laik bagarapim ol wok bilong yunivesiti na long wanem kain as em yunivesiti na ol atoriti bai sasim em.

Dokta Wagner i tok wanpela bikpela gol bilong yunivesiti em long strongim ol sumatin long gat fridom long skruim save na tingting na kamapim ol nupela tingting.

Olsem na yunivesiti i no save putim ol kain lo bilong lukautim ol sumatin.

Olsem na em i tok planti ol trabel i bin kamap long las yia long bagarapim skul bilong ol sumatin.

Na em i tok "yunivesiti bai tekim eksen long ol dispela sumatin. Bai ol i kam aninit long lo long ol sas na ol bai kamap long ai bilong Studen Disiplineri Komiti. Ol dispela samting bai kamap long stat bilong skul yia," Dokta Wagner i tok.

Ol yangpela mas kisim strongpela aweanes long sik HIV/AIDS

WANPELA pepa we Linda Patersen bilong Yunaitet Nesens Children's Fan (UNDP) na Dokta Oyoade Olatunbosun bilong Fiji Skul bilong Marasin i bin prisimen long bikpela bung long Kuala Lumpur, Malesia i laikim bai ol yangpela pipel na ol lida long kantri i mas kisim skul long as na bagarap we sik HIV/AIDS i kamapim long traim kisim pablik long wokim samting bilong daunim sik ya.

Pepa bilong tupela i tok sapos kantri i gat bikpela yangpela populesen, i gat bikpela wari long bihain taim bilong em.

Pepa i tok insait long ol Pasifik Ailan kantri, mak bilong ol yangpela pipel i stap long 1.4 milien na dispela i karamapim krismas namel long 15 na 24 yias. Dispela karamapim 20 pe sen long populesen bilong rijen.

Pepa i tok bikos long dispela samting we bikpela mak bilong populesen i gat ol yangpela pipel,

ol gavman bilong ol ailan kantri i wok long bungim bikpela salens-long sait bilong developmen. Na em i wok long kamap klia olsem gavman i no wok long inapim laik na hop bilong ol dispela yangpela pipel.

Petersen i tok long ripot olsem i gat bikpela mak long ol yangpela i nogat wok na i stap nating, ol i wokim raskol pasin, bikpela mak bilong ol yangpela i kisim ol sik STD, planti ol yangpela gel i gat bel, planti i kisim ol strongpela drag na planti i bungim hevi long kilim ol (yangpela) yet.

Petersen i tok bikpela wari i stap long sait bilong developmen na ol bagarap we HIV i kamapim bikos planti pipel i lukluk long dispela grup bilong ol yangpela pipel.

Ripot i tok mak bilong ol man we sik HIV/AIDS i kisim ol i winim dispela bilong ol meri i gat dispela sik. Na rot we dispela sik i wok long go long narapela em long ol manmeri i slip nabaut wantaim na

givim sik long wanpela arapela.

Ripot i tok moa edukesen aweanes i mas kamap long ol yangpela na dispela i mas sut long riproduktiv helt, famili plening na HIV/AIDS aweanes.

Ripot i tok tu olsem turisim na pasin we planti man i wok long wokabaut i go i kam long rijen i wanpela as long binatang bilong sik HIV/AIDS i wok long go bikpela.

Em i skruim tok moa olsem ikonomi o sait bilong wok mani i wanpela as long planti pipel i go na i kam long rijen na wol.

Ripot pepa bilong Petersen i tok helt sekta i wanpela grup we i i karimaut ol wok aweanes long traim daunim sik na tu strongim ol komyuniti, grup, gavman, ol NOGO, ol sios, ol bisnis sekta na olgeta grup long ol kantri long wok bung wantaim na skulim ol pipel long rot bilong traim daunim dispela sik ya.



• Naispela liklik pikinini meri Africa i smail i stap.


Wanem dispela Konvensen o lo long Raits bilong ol Pikinini?

Konvensen em i wanpela agrimen namel long ol kantri we ol i pasim tok long bihainim wanpela lo. Bikos ol i wokim komiten long bihainim ol Konvensen, ol mas skruim ol samting we Konvensen i karamapim olsem ol i agri long en.

Ol Stet Pati i stap aninit long intenesenel komyuniti na olsem ol mas givim ripot long ol wok go het bilong ol samting i sut long raits bilong ol pikinini na ol meri i go long Komiti bilong CRC na Seketeri Jeneral bilong Yunaitet Nesens.

Konvensen long Raits bilong Pikinini

Konvensen long Raits bilong Pikinini em Yunaitet Nesens i bin kisim long luksave olsem lo long 1989. Em i wanpela ligel agrimen we i tok-tok long ol promis we gavman i tok promis long bihainim na inapim. Ol dispela promis i bilong gavman long lukautim helt kea bilong ol pikinini, edukesen na ol arapela sevis we pikinini i nidim na em gat rait long kisim. Em i tokaut long raits bilong pikinini stat long bebi na ol i wok long gro ap. Em gat 54 atikels na wan wan long ol i toktok long ol difren raits bilong ol pikinini. CRC Komiti i luksave long foapela CRC atikel olsem faundesen o as long ol lo we ol arapela atikel i karamapim rait bilong ol pikinini long laip, gutpela sindaun na developmen, ol samting we ol pikinini i laikim na tingting bilong ol.



• Planti ol puwa kantri-long wol i save yusim ol pikinilong wokim olsem ol bikman meri. Piksa ikam long Uniceff buklet. Moa long neks wik...



Sekim gut mak bilong skul fi

Ol studen long Yunivesiti long Lae i painimaut olsem ol bai baim skul fi mak olsem K3,000 na K1,500 moa long dispela yia. Ol i kros nogut bikos ol i no bin kisim dispela kain toksave long las yia taim ol i pasim skul na i go long holide olsem na ol i no save long dispela skul fi prais.

Sapos gavman i bin apim prais bilong skul fi i go antap long dispela mak long ol yunivesiti studen, ating em i mas tru bihainim ol kain kros na pasin ol studen bilong yunivesiti i bin gat wantaim gavman long las yia.

Tasol gavman i no mekim klia long ol studen pastaim long ol i bin go long holide olsem skul fi bai dispela mak long yia 2000.

Ating dispela i opim tru ai bilong planti studen husat i laik go bek mekim namba tu, namba tri o namba foa o fainel yia bilong ol long dispela yia. Ai bilong ol i op bikos ol i no redi long dispela kain prais bilong skul fi.

Sapos ol studen i strong gen long rabisim dispela skul fi mak, ating bai ol i bungim narapela hevi olsem las yia gen we ol i straik nabaut na lusim klas na i no mekim stadi bilong ol gut. Olsem na dispela hevi i mas kamap nau long gutpela rot na pasin stret bilong stretim dispela hevi long amamasim ol studen na skul tu wantaim.

Long yia Praim Minista Sir Mekere Morauta i tokim ol studen bilong Yunivesiti olsem skul fi bilong ol i daunbilo tru long ol studen long hai skul na trening skul. Bikos ol i save baim skul fi, bod-ing fi long domitori we kos i save klostu olsem K800 na K900 long wanpela skul pikinini long hai skul. Praim Minista i laik givim dispela piksa long ol studen i ken luksave long husat i save peim moa long skul fi na husat i save peim liklik long edukesen bilong ol.

Tasol Yunivesiti tu em mak bilong givim gutpela save na trening long pikinini bilong PNG long kamap lida na wokmanmeri bilong go pas na developim dispela kantri long bihain. Olsem na dispela level i mas isi liklik long ol studen i ken pinisim skul bilong ol isi na kamap long dispela mak we gavman i laikim, em long kamapim yumen risos strong bilong dispela kantri. Ol studen em ol lida bilong dispela kantri bikos ol bai lukautim kantri gen long olgeta kain kain wok bilong bringim kantri i go fowet long ol wok developmen na senis bilong gutpela kantri Papua Niugini.

Skul fi tu em bikpela samting ol papamama i save hat long en long olgeta yia. Long PNG wanpela famili i save gat olsem 4 na 5 pikinini na taim dispela olgeta pikinini i stap long skul, sore tumas, papamama i save tuhat bruk tru long kamapim inap mani bilong olgeta dispela pikinini long skul bilong ol.

Ating gavman i save luksave long dispela kain hevi na kamapim sampela kain senis olsem Fri Edukesen long polisi bilong ol. Dispela i save daunim skul fi i kam daun liklik long ol papamama. Tasol i no save wok wantu stret bikos planti skul i save laik wet inap ol i kisim dispela Fri Edukesen mani orait ol bai daunim skul fi bilong ol studen bilong ol.

Ating sapos gavman i sanapim wanpela lo tasol long skul fi bilong ol sumatin insait long kantri, em bai orait bikos ol papamama bai save long dispela wanpela lo tasol na wok bihainim olgeta taim.

Long las wik Papua Niugini Tred Yunion Kongres i singaut olsem gavman i no ken apim skul fi bilong ol studen. PNGTUC i askim Konsuma Afeas Kaunsil long glasim dispela na tokaut klia long senis long skul fi.

Sapos i tru skul fi bilong ol studen i go antap long dispela yia, inap gavman i tokaut klia long wanem mak stret mani i go antap long en. Na wanem as na gavman i apim skul fi i go antap. Gavman i save mekim lo bilong pipel i sindaun gut na amamas long en. Olsem na gavman i mas tokaut long pipel sapos dispela disisen bilong em i gutpela long apim skul fi i go antap.

Husat i giaman, Nali o Morauta?

ATING ol pipel bilong dispela kantri i gat rait long kisim stretpela bekim long dispela askim.

Long stat bilong dispela yia Nali i makim Gabriel Dusava olsem bosman bilong Invesmen Promosen Atoriti. Ol niuspepa ripot i tokaut olsem Nali i bin kisim tokorait bilong kabinet na Sir Mekere Morauta long mekim dispela pasin. Long dispela ripot Mista Nali i tok tu olsem em i kisim tokorait long siaman bilong IPA, Valentine Kombori long makim Mista Dusava.

Mipela olgeta i save olsem Mista Dusava em wanpela strongpela sapota bilong Pipels Progres Pati, na Mista Nali em lida bilong dispela pati. I luk olsem Mista Nali i laik givim wok long ol sapota bilong em tasol.

Olsem wanem Mista Nali, dispela em i tok tru o tok giaman.

Ombudsmen komisn na bihain praim minista yet i tokaut olsem dispela pasin Mista Nali i mekim i no stretpela bikos Mista Dusava i no pinisim yet mekimsave em lidasip traibunel i givim long em long ol pasin em i bin mekim taim em i bins tap olsem seketeri bilong Foren Afeas.

Mista Kombori tu i tok olsem em i no



givim dispela tokorait long Mista Nali bai makim Mista Dusava.

Faiv-pela de bihain long Mista Nali i makim Mista Dusava, em i rausim gen Mista Dusava long dispela wok.

Mi lukim olsem Mista Nali i pulim nus bilong Sir Mekere na PDM. Em i pulim nus bilong kabinet. Tasol Mista Nali i wokim yet wok olsem wanpela minista aninit long Sir Mekere.

Olsem wanem Sir Mekere, I luk olsem sin bilong Ted Diro na John Pundari wantaim ol lain Advens PNG pati bilong em i winim sin bilong Mista Nali.

Mi no lukim wanpela sin bilong John Pundari na Ted Diro. Mi lukim tupela i wokim gutpela wok olsem ol minista long helpim ol grasruts na asples pipel bilong Papua Niugini.

Sapos Sir Mekere i tok olsem dispela pasin bilong John Pundari na Ted Diro

long helpim ol asples lain em i sin, orait inap em i tokim mipela wanem pasin em i no sin pasin.

Pasin em i larim Mista Nali long pulim nus bilong em na kebient na makim Mista Dusava long bosim wanpela biknem opis bilong gavman em i no sin ah.

Sir Mekere em mipela i bin save long en, em i wanpela man husat i save laikim stretpela pasin, em i man husat i save laikim honas pasin, em i man husat i save laikim tok tru na em i man husat i laik helpim ol grasruts Sir Mekere em i bin wanpela birua bilong krangi na paul pasin. Em i man bilong egensim ol giaman na stil lain.

Tasol nau no save sapos Sir Mekere em i dispela kain man yet o nogat.

Long ai bilong mipela na Ombudsmen Komisn na tu long ai bilong yu, Sir Mekere, pasin Mista Nali i mekim i no stretpela pasin.

Sapos yu no rausim Mista Nali na kisim bek Ted Diro na John Pundari, i luk olsem yu wanpela giaman man ya.

Na mipela i no laikim wanpela giaman man i stap olsem Praim Minista bilong mipela.

Ol helt woka bai i no inap straik

Morobe provins nau i laik stretim ol hevi na sindaun bilong setelmen long Lae siti. Olsem na long dispela wik, Morobe Gavana Luther Wenge wantaim ol wokman bilong em i mekim bikpela raun tru i go insait long ol setelmen long sindaun na toktok na harim wari bilong ol manmeri insait long ol blok wanwan.

Sampela blok ya i bin kamap long bipo we olpela gavman i bin oraitim ol long stap long en. Olsem na i mas gat bikpela lukluk i go insait nau long stretim gut nek na rot bilong mekim sindaun bilong ol setelmen lain i sindaun gut long seteleman bilong ol. Tasol Gavana Wenge i tok taim ol wokman i lukluk yet long ol toktok na pepa samting bilong graun, ol pipel i mas stap isi na gut. Ol i no ken mekim trabel olsem raskol pasin na birua nabaut. Sapos dispela kain pasin i kamap, em i no inap givim sans tasol rausim setelmen olgeta.

• Ol Komyuniti Het Woka insait long Papua Niugini i makim vot pepa pinis long dispela wik long soim olsem ol bai holim bikpela straik egensim gavman. Long neks wik samting bai ol lain bilong kaunim vot pepa i tokaut sapos planti i vot long go het long straik. Sapos ol i go het long straik tru, bai yumi ken stat pilim hevi long ol liklik klinik na ed pos insait long ol distrik na wanwan rurel eria bilong yumi i pas. Bikos planti komyuniti helt woka em ol i stap long ol distrik na ol rurel eria insait long Papua Niugini.

Toktok i kamap olsem gavman i laik stretim wari na hevi bilong ol. Tasol gavman i no bung gut wantaim ol long tokaut long wanem disisen ol i kamap wantaim. Ol komyuniti helt woka i laik straik bikos potnait pe bilong ol i no gutpela tru, ol slip long ol bruk bruk haus, planti ino gat haus na slip nabaut wantaim ol wantok ol long setelmen nabaut na i save go long wok. Ol i gat mani bilong ol we gavman i promis long givim ol long bipo tasol i kam inap nau ol i no kisim dispela mani yet olsem na ol i strong long dispela mani tu i mas go long ol. Bai yumi wet tasol na lukim wanem disisen i kamaut long o balot pepa ol i bin vot long en long dispela wik. O nogut gavman i kwikaim kamap wantaim sampela samting long dispela wik o neks wik nabaut.

• Sampela kalabus lain i bin brukim plis sel long Lae plis stesin long taun long Sande na ronawe nabaut. Plis i holim tupela na 6-pela i ronawe yet. Dispela hevi i kamap taim ol lain insait long plis sel ya i pusim dua bilong sel long wanpela plisman husat i kam long givim ol kaikai. Ol i planti olsem na ol pusim dua i op na ol i ron nabaut i kam long diuti

kaunta tasol ol plisman long hap i strong na pusim 9-pela lain i go bek na 8-pela ronawe i go ausait. Plis wok strong na holim tupela na arapela 6-pela i ronawe. Tasol bos bilong Lae plis Awan Sete i tok ol dispela lain em ol lain bilong Lae siti yet na ol i save long ol. Olsem na ol bai holim ol liklik taim bihain.

• Bikpela hevi bilong lo na oda long Tari eria long Sauten Hailans provins i stap yet na ol lida bilong dispela provins tu i wok long toktok hat long ol pipel bilong ol long lusim ol pasin bilong trabel. Bikos trabel pasin bilong ol i bagarapim wok bilong planti sevis long go insait long ples na planti samting ol pipel inap mekim tu i no kamap gut. Long las wik bikpela maining kompani long hap Hides Gas i tok long pasim wok bilong em sapos lo na oda hevi i bikpela moa. Tasol long dispela wik em i tokaut gen olsem dispela em i no tingting bilong ol. Ol bai go het long wok yet.



• Praim Minista Sir Mekere Morauta i tok hevi bilong mani bai kamap gut long sampela taim bihain, olsem long mun Mas. Wanem hevi nau i kamap we strong bilong mani i pundaun em gavman i luksave na i mekim ol wok bilong strongim yet sanap bilong Kina long noken pundaun. Em i askim ol manmeri long noken tubel na kalap nabaut long dispela.

• Foapela pipel i dai na sevenpela i stap lus yet bihainim birua long solwara na wanpela bot i kapsait long biksolwara long Namatanai, Nu Ailan provins. Birua i bin kamap long Sande apinun taim MV Feni, liklik wokbot bilong ol lain Anir Ailan i karim samting olsem 230 pasindia bilong Anir, Lihir na Tanga Ailan i go long Namatanai. Olgeta ol pasindia em ol skul pikinini na ol papamama na famili bilong ol. Ol papamama i wok long go bringim ol sumatin long Namatanai hai skul bihainim stat bilong 2000 skul yia long dispela wik. Ol wok painimaut i go het

long painim dispela sevenpela we i lus yet long solwara. Long ol dispela, wanpela em mama wantaim tupela pikinini, wanpeal man na pikinini man na tupela sumatin long Namatanai Hai skul. Ol ripot i tok bot ya i bin ovalot na taim ol i bungim taim nogut long win na ren, em bin kapsait. Ol pleslain bilong Rasese i bin lukim bot i kapsait, ol man i swim long solwara na ol bin helpim long kisim ol i go sua long nambis.

• Presiden bilong Bogenvil Pipel's Kongres Joseph Kabui i tok ol pipel i strong long kisim moa pawa na referendum vot long independens. Na ol toktok we i kamap namel long Nesenel Gavman na ol Bogenvil lida i mas noken abrusim dispela tupela samting. Em i tok ol pipel i strong long dispela tupela samting bikos ol bin bungim planti hevi, pen na dai insait long 12 -pela yia taim pait i kamap long ailan.

Ol pipel i laikim bai gavman i lukluk long dispela samting na ol i ken save long bihain taim bilong ol.

Mista Kabui taim em i tok amamas long Praim Minista Sir Mekere Morauta na nesenel gavman long kirapim interim edministretiv arenjmen bilong Bogenvil i tok dispela bai i stap long sotpela taim tasol. Bikpela samting em ol pipel i strong long kisim moa pawa na referendum vot long independens.

• Gavman i bin opim Kieta bris (wof) long dispela wik Mande na wanpela ovasis sip, MV Rangitane i bin go insait na karim 1300 ton kopra i go aut long kantri. Wof i op nau long ol ovasis sip long go insait long en. Bogenvil Gavana John Momis, Bogenvil Pipels Kongres Presiden Joseph Kabui na Minista bilong Fores na memba bilong Not Bogenvil Michael Ogio, ol bikman i makim Habas Bot, Kopra Marketing Bod na ol arapela gavman opisa husat i stap insait long projek ya i bin witnessim dispela seremoni.

Sentrel Bogenvil memba Sam Akoitai husat i no stap long seremoni i tok strong olsem ol asples yet i mas go pas long ol wok bisnis insait long provins. Na ol ausait lain i noken ting olsem em sans bilong ol long kirapim ol wok bisnis long Bogenvil bikos wanpela as long Bogenvil hevi em dispela samting na i mas noken kamap gen. Mista Akoitai i amamas long gavman long larim wanpela asples kampani, Navueta Ekspot Ejensi liimitit we i baim na salim kakau long skruim laisens long narapela 12-pela mun. Em i tok i gutpela long dispela kampani long resis wantaim Kopra Marketing Bod bikos dispela bai strongim ol wok bisnis long ailan na skruim ikonomi tu.

spot Wilken

POT MOSBI WIMENS SOFBAL RIPOT

Bears i wilwilim Norths

AB BEARS i wilwilim stret Norths 6-0 insait long namba tu raun bilong Pot Mosbi wimens sofbal long Sarere.

Insait long arapela gem, Mazda i kisim isi tu poin bihain long birua tim, Malangan i no soim pes long ples pilai.

Long C gret, Malangan i winim Dolphins 11-8 na Chebu i kisim wanpela isi poin bihain long Sharks i no putim wanpela tim.

Dispela gem namel long Bears na Norths em wanpela strongpela gem tru ya. Bears i bet pas we ol i stretim olgeta rot long winim dispela gem.

Mama bilong Bears Delin Bais paitim wanpela gutpela bal long setim olgeta rot bilong winim gem. Bihain long em Wendy Katusele i wokim wanpela bants na Delin Bais ran i go long namba tu bes.

Wendy Sogai i paitim wanpela bal i bihain-lain long olgeta pilaia bilong AB Bears i sanap long tripela bes. Pitsa Maggie Joseph i paitim wanpela gutpela bal long bringim Bais na Sogai i kam hom.

Skoa nau bilong Bears i sanap 2-0 long namba wan ining yet. Taim bilong Norths i no gutpela bikos namba wan beta Mechtill Raymond i aut bilong long Terry Akorare i ketsim bal bilong em.

Veronica Ulavai tasol i kisim namba wan bes bihain long em i paitim wanpela gutpela bal i go long autfil eria.

Arapela beta bilong Norths Kilala Ronnie i no paitim gut bal bihain long Joseph i givim K2 long en.

Akorare bilong Bears i kam hom long surikim skoa i go antap long 3-0 taim Bais i paitim wanpela gutpela bal long bringim em i kam hom.

Arapela ol beta i kam hom em Bais, Katusele na Sam i no ketsim gut bal bilong Sogai. Dispela i surikim skoa i go long 5-0.

Norths i wok long painim bikipela hevi bihain long ol biknem beta bilong tim olsem Robertha Kaul, Elly Marsipal na Pala Manet i painim hat tru long paitim bal bilong pitsa Maggie Joseph bilong Bears.



• Manix soka klab long Erap husat i sempion long Urry soka kompetisen. Foto: Franco Nebesa.

Momase winim rijonel soka salens

LAE WIMEN SOFBAL RIPOT

Bismark rausim sket bilong Telikom

FRANCO NEBAS i raitim

HIRO Bismark long Sarere i rausim sket bilong Telikom 7-6 long Lae wimen A gret sofbal kompetisen.

Long ol narapela resis, kompetisen lida Admiralty i go yet long stap antap long leda bihain long autim Hawk 8-2, NGI 16-1 holim Burma Raiders Elcees long dro 6-6, na Island Shipping Manolos baragarapim sindaun bilong Karanas 22-10.

Gem namel long Telikom na Bismark i lukim gutpela na strongpela gem i kamap long tupela sait wantaim.

Bismark i bin bet pas we ol i no westim taim long skoarim tupela hom run. Dispela tupela skoa i kamap long Elizabeth na Heidi Aitikus bihain long gutpela beting i kam long Tina.

Telikom i paia bek long sem ining we kepten Carol Yawing i skoarim wanpela hom run.

Dixie Philip i paitim gutpela bal long kisim Carol Yawing i go long hom.

Long seken na namba tri ining Telikom i putim strongpela Difens long eria we Bismark i no skoarim wanpela hom.

Dispela ol gutpela difens i kam long pes bes Claire Augwi pitsa Jenifer Kodiwa, sot stop Dixie Philip, seken bes Vivian Yawing na namba tri bes Carol Yawing.

Pitsa Jenifer Kodiwa i pilai gut wantaim ketsa, Franco Kosa we rausim ol sampela beta bilong ol Bismark.

Tasol Telikom i no strong tumas long difens long namba foa na faiv i lukim Bismark i kamap wantaim 5-pela run long hapim skoa i go antap 7-2.

Dispela skoa i kamap bihain long ol infilda bilong Telikom li mekim asua long in o holim gut bal na tromoi long autim ol rana.

Ol Bismark lain husat i kamapim skoa em Pauline Bulamaris, Joyce Tau, Geraldine Paivu, Tina na Gana.

Gem i lukim olsem Bismark i win

pinis tasol ol meri long Telikom i gat liklik hap strong i stap yet i train long levellim skoa long las ining.

Ol i paia bek gen long namba 7 ining long skoarim foapela run.

Pitsa Pauline Bulamaris i raitim long givim straik aut long ol tasol ol susa long Telikom i sambai tasol long wipim ol bal bilong em.

Telikom i bin gat pul kes we ketsa kosa Franco i paitim gutpela bal long kisim Vivian Yawing, Sorah na Dora long kam hom.

Telikom i gat sans yet long kamap sampela moa run tasol pitsa Pauline Bulamaris i save yet na i no givim sans long ol. Arapela beta husat i kisim taim long straik aut.

Skoa i sanap olsem 7-6 i go long gem i pinis.

Ol pilaia husat i pilai strong tru long Telikom em Carol Yawing, Dixie Philip, Claire Augwi, Vivian Yawing, Jenifer Kodiwa na Kosa Franco.

Na olgeta lain pilaia bilong Bismark i kamapim gutpela pilai olsem na ol i winim dispela gem ya.

MOMASE em i nupela sempions bilong intra zon soka sempionsip we i bin kamap namel long Momase na Hailens rijonel tim.

Dispela kik resis i bin kamap tripela taim stat long Fraide na pinis long Sande. Insait long namba wan gem, Momase i autim Hailens 4-2, na long Sarere, tupela tim i dro tasol long Sande, Momase i soim olsem soka em bun bilong ol na daunim ol kaukau bilong Hailens 1-0.

Dispela wok resis em i namba wan traim tupela rjon i bung long traim kamapim na developim soka long eria bilong ol.

Long Sande we fainel i kamap, planti ol sapota i bin kamap long LFA Pak long lukim dispela pilai.

Lod Meya bilong Lae Siti Toffomin Mionzing i mekim opisel kik-op bilong dispela soka salens ya.

Long namba wan hap bilong dispela gem, tupela tim wantaim i

MOMASE/HAISENS SOKA RIPOT

putim strongpela difens stret.

Man i go pas long difens bilong Hailenstim em Justin Talele husat tu i winim bes difenda long tonamen i putim kamap gutpela difens long holim ol birua.

Straika bilong tonamen Eddie Gole bilong Hailens i traim olgeta rot long kamapim gol tasol ol difenda bilong Momase i save sambai tasol long en.

Bes gol kipa Jeffrey Steven wantaim ol difendim bilong en, Hans Fred, John Panu na kepten Masi Naiya i save stapim em long skoa.

Gem long namba tu hap i lukim strongpela ateking na difens pilai i kam long tupela sait we klostu tupela tim i dro.

Tasol ol boi long Momase i putim moa presa long skoarim gol long sampela minit i stap bipo ong ful taim.

Stail pilaia bilong Momase Hans Fred i kamap gutpela bal wok i go insait long eria bilong Hailens long setim straika Jeffrey Sali long pairapim umben bilong Hailens.

Hailens i no wari ong dispela gol, ol tu i paia bek tasol taim i sot long lukim Momase i winim dispela resis 1-0. Momase kosa Ludwik Peka i tok amamas long ol pilaia bilong em long gutpela pilai ol i kamapim.

Em i tok ol pilaia i bihainim gem plen na winim dispela gem.

Peka tu i laik tok amamas i go long sampela pilaia bilong em i kam long ol liklik senta olsem Benny Atigini long Bogia, Bato Kempa long Raikos na Olifford Koko long Wewak. Em i tok dispela kain soka salens em i gutpela eksperiens bilong ol dispela soka pilaia bilong rurel eria.

Kosa bilong Hailens David Chung i tok Momase em tim bilong de we i winim taitel em i tok amamas long ol pilaia bilong em long putim gutpela pilai na lukluk gen long arapela taim gen.

Long ol awots, bes golkipa i go long Jeffrey Steven (Momase), bes difenda Justin Talele (Hailens), midfilda Hans Apo Hailens (Hailens), top straika Eddie Gole (Hailens), top gol skora Jeffrey Sali (Momase), na pilaia bilong tonamen Ken Gule (Momase)

Courts (PNG) i bin sponsarim dispela tri de resis we i tok bai go het long sponsarim long tripela ya. Siaman bilong Oganaisesen komiti John Peka i tok amamas long Courts long luksava long soka long Momase.

Na tu em i tok tenkyu long komiti bilong mekim gutpela wok long ogenaism dispela tonamen.

Planti klab i no rejista yet

PRL RIPOT

Ravu i mekim strongpela toktok olsem sapos ol klab i bikhet na i no baim afiliesen na rejistresen fi bilong ol pilaia na teknikal opisel.

Siaman bilong PRL Bot Stanley Haru i autim wari ya bihain long de bilong afiliesen na rejistresen i pas long Mande.

Haru i tok em i no save sapos kompetisen bilong PRL bai stat long taim o nogat. PRL i save statim sisen bilong em wantaim 9-asait tonamen.


Operesen menesa bilong PRL Ivan Ravu i tok PRL i gat 14 klab tasol Wests tasol i baim rejistresen bilong teknikal opisel Tasol ol i no baim rejistresen bilong ol yet olsem ol arapela klab.

Pot Mosbi em wanpela bilong ol planti ragbi lig asosiesen insait long kantri i no baim ful membasip yet wantaim Papua Niugini Ragbi Futbol Lig.

PRL i tingting nau long statim dispela sisen wantaim Nains tonamen we bai kamap long Februari 12. Dispela tonamen bai kamap sapos olgeta klab i baim afiliesen fi bilong ol wantaim PRL.

Dispela tonamen bai ran long tripela wiken na prais bai sanap long K6,000. Ol bai tokaut long sponsasip bilong em long dispela wuk.

Nominesen fi bilong wanwan klab husat i laik stap insait long dispela tonamen bai stap long K100.




• Antap: Maski long bikpela gras. Ol meri ya i sigirap long pilai netbal ya. Dispela em kain stail i wok long kukim Praivet Kampani netbal kompetisen long Pot Mosbi.

• Lephan: Golkipa bilong Word Publishing Frederica Siwin i laik rausim bal long han bilong golsuta bilong Post Courier. Post Courier i winim dispela gem.

• Aninit raithan: Winga bilong Royal 2 i kisim taim long han bilong pilai bilong Harlequines long Pot Mosbi Sevans kompetisen. Harlequines i win 25-0.

• Junior Basaunu bilong POSF i laik train winim bal long pilai bilong NBC long Pablik savana toka kompetisen. Tupela tim i dro.

• Aninit: Pilai bilong Gwelle i paitim bal taim ol i salensim Chabu long Pot Mosbi wimens sofbal kompetisen. Ol foto: Isaac Ikuavi.



PNGRFL i tingting long Wol Kap

BIKPELA wok bilong Papua Niugini Ragbi Lig (PNGRFL) nau em long redim wangepa gutpela na strongpela tim long pilai insait long Wol Kap ragbi lig long pinis bilong dispela yia.

Dispela Wol Kap ragbi lig ya bai kamap long Frens, Inland na Wels (Wales) long Novemba.

Insait long calenda we i kamap long opis bilong PNGRFL, nem bilong ol Kumul pilaia bai kamap bihain long inta siti kompetisen. Kompetisen ya bai stat long mun Me na pinis long Septemba 10.

Namba wan gem bilong PNG bai kamap long Charlety stedium long Paris we PNG bai salensim Frens. Dispela gem ol i makim long de 28 long mun Oktoba.

Orait long Novemba 2, PNG bai pilai wantaim Saut Afrika long Toulouse, Paris na las gem em long Perpignan we PNG bai bungim Tonga.

Papua Niugini i stap long wankain pul olsem South Afrika, Frens na Tonga. Insait long dispela pul, PNG i gat gutpela sans tru bikos PNG i bin winim dispela ol kantri long intanesenel Test gem.

Aninit long intanesenel lo PNG bai yusim ol biknem pilaia bilong olsem Adrian Lam (Sydney City), Marcus Bai (Melbourne Storms), Bruce Mamando (North Queensland Cowboys), David Westley (Parramatta), Elias Paiyo (Parramatta), John Wilshire (Melbourne Storms), Tom O'Reilly (Inglan), Stanley Gene (Inglan), Alfred Sorongo (Mackay) na Tom Wilson (Mackay)

Ol dispela pilaia bai strongim tim bikos ol i save pilai insait long strongpela kompetisen ya.

KOIARI LIG RIPOT

Koiari daunim namba bilong tim

KOIARI Ragbi Lig i tingting long daunim namba bilong ol tim husat i save resis long kompetisen i go daun long 6-pela klab tasol.

Las yia, dispela ragbi lig asosiesen i gat 7-pela tim olgeta tasol nau ol i tingting long daunim namba bilong klab.

Presiden bilong Koiari Lig Ruben Ope tok tingting bilong daunim namba bilong klabs long helpin gutpela strongpela kompetisen na tu em bai isi long lukautim ya.

I gat wangepa o tupela klab we i wok long bagarapim kompetisen ya.

Dispela 2000 sisen em bai bikpela na bai i gat 2-pela moa gDispela ol gret em anda 19 na 17 na rausim riserv gret.

Sisen bai kik stat long namel long Mas wantaim pri-sisen kompetisen na propa sisen bai stat long mun Epril.

Presiden i askim olgeta klab long traim na kamapim gutpela wok edministresen long mekim kompetisen i kamap gutpela na strongpela long dispela yia. Em i askim ol klab long stat long trening inap mun Mas.

Mista Ope tok em i no gutpela long lukim asosiesen i wok long wok hat long kirapim kompetisen na ol klab i slek long mekim wok bilong ol.

"Mipela ol lig ekseyutiv save mekim planti wok long ranim kompetisen na ol pilaia i save amamas tasol na dispela i no gutpela tumas," em tok.

Telikom na Arnotts bai wip long Negiso Dat kompetisen

FRANCO NEBAS i raitim

TIM i go pas long Negiso Dat kompetisen long Lae, Telikom bai wip wantaim Arnotts long grenfainel bilong ol meri. Dispela em bikpela fainels stret we bai kamap long klab 96 long Sande.

Telikom husat i no lus liklik bai soim olgeta stail na strong bilong em long dispela wik long winim fainel.

Long kwata fainel las Sande, Telikom i rausim traisis bilong Arnotts 7-5 long go bek long bungim Telikom.

Telikom i gat moa eksperiens pilaia olsem Carol Yawing, Roslyn Tupui, Freda Tony na Niandros Lai long go pas long tim. Long givim sapot long em, Melinda Berugasi na Jean Samuel bai sambai i

LAE DATS RIPOT

stap. Arnotts husat i no gat moa eksperiens olsem Telikom bai lukluk long ol pilaia olsem kepten Barbara Nalu, Delilai Alois, Sandra Bumalom, Edna Bogata, Anna Daera na Maureen Kai bai givim sapot.

Arnotts i pait bek long fes na seken dabol long levelim skoa tasol ol meri Telikom i no givim sans long ol long holim i go long win.

Barbara Nalu, Delilai Alois na Sandra Bumalom i gat namba long sutim hai skoa, na sapos Telikom i no was gut, sindaun bai bagarap long dispela wik Sande ya.

Long resis bilong mens kompetisen, long dat bot wan bai lukim PNG Spots

Komisin i skelim strong bilong TNT Cargo.

Insait long dispela gem, PNG Spots Komisin i gat gutpela sans tru long winim gem bikos long Geo Som.

Na long bod 2, Salamanda bai skelim strong bilong Royals, na bod 3, Sol bai bungim Salamanda t, na long bod 4, Telikom bai samsam wantaim ol boi long Subway Lodge.

Telikom i gat ol pilaia olsem Philip Sakai, Vincent Iru, Lydon English, Thomas Waka na Peter Roy bai go pas long tim.

Brian Peni na Tony Bai go pas long Subway Lodge. Dispela gem ol opisel i bilip olsem bai strongpela stret ya.

Long bod 5, LCIA bai lukluk long rausim traisis bilong Arnotts.



□ Erap Bois Taun tu i save lukim ol mangi pilai spot resis long taun kompetisen. Hia em tropi wangepa tim bilong ol i bin winim long soka. Foto: Franco Nebas.

Ren i bagarapim sofbal resis

BIKPELA ren long Sande i bin bagarapim sampela gutpela pilai bilong Pot Mosbi mens sofbal resis.

Insait long namba wan gem, Elcom i autim Malangan 1-0 bipo long ren i kapsait na stapim olgeta gem.

Arapela gem namel long Hawks na Brown Eagles ino pinis we Eagles i go pas wantaim skoa 3-1. Aninit long rul bilong sofbal, dispela gem bai pilai gen bikcs em i no kamap long namba faiv ining.

Malangan na Burnah Raiders tu i pinis gem bilong bipo long ren i kamdaun na stap

POM MENS SOFBAL RIPOT

gen. Dsiepal gem sapos long kamap long wik antap tasol ol i bin pilai we tupela tim wantaim i dro 3-3.

Olgeta arapela A gret gem bai kamap long dispela wik Sarere. Ol gem we bai kamap nau em MSC bai wunim Manalos, NGI bai salensim Raiders na bikpela gem i stap namel long Aisi Bishman Bears na Gold Cup Gazelle.

Gem namel long Malangan na Elcom i wangepa gutpela gem stret we tupela sait

wantaim i kamapim strongpela filding.

Tupela pitsa Apisae Guguna bilong Malangan na John Ilam bilong Elcom i mekim gutpela wok pitsa long stapim ol pilaia long ran long bes.

Elcom i wok long pilai gut liklik aninit long presa olsem na ol i winim

Insait long namba faiv ining, Elcom i gat tupela daun. Orait John Campbell i ran go na stilim namba tri bes.


Taim Malangan pilaia i laik traim autim long namba tri bes, em i no tromoi gut bal na

abus olsem na Campbell i kam hom.

Kosa bilong Elcom Isikel Tovia i tok em i amamas tru long ol pilaia bilong em long kamapim gutpela gem aninit long presa.

"Dispela em gutpela salens stret ya tasol ol boi bilong mi i mas mekim sampela wok long stretim ol yet. Betting bilong mipela i helpim mipela long winim dispela salens bilong Malangan," Tovia i tok.

Poin lata i sanap olsem Gazelle na Bears 25, Hawks 18, NGI na Manalso 16, Elcom na MSC 15, Malangan 13, Raiders 11, Tigers 8 na Dolphins 4.



• Boi Gazelle i tromoi bet nating na ketsa bilong Kopex i holim bal. Dispela em sofbal eksen bilong B gret long Pot Mosbi kompetisen.

PNGRFL i laik stapim kompensesen

PAPUA NIUGINI Ragbi Lig i laik traim stapim pasin bilong baim kompensesen insait long ragbi lig we i wok long kamap bikpela long hailens rijen.

Insait long eksekutiv miting bilong PNGRFL Bot long Januari 23, jenerel menasa bilong PNGRFL Kevin Murphy i tok ol bai rausim foapela nem bilong ol klab insait long Mt Hagen, Goroka na Minj.

Nem bilong tim em Royals na United long Goroka, Wests long Minj na Raiders long Mt Hagen.

Dispela ol klab i bin singaut long kompensesen we dispela i no pasin bilong kamapim gutpela spotsman.

Murphy i tok aninit long konstitusien bilong PNGRFL, i no gat wanpela lo we i tokaut long pasin bilong kompensesen na dispela i bagaram-pim tru nem bilong ragbi lig.

Dispela ol asosiesen bai i no inap larim wanpela klab i karim nem i joinim PNGRFL long neks ya.

Bot i laik tokaut klia olsem nem bilong klab bai i no inap yusim long

PNGRFL RIPOT

neks ya na dispela i no karamapim ol pilaia. Em i tok ol pilaia i ken pilai yet long wanem kompetisen o asosiesen em ol i stap long en.

Insait long dispela miting tu, PNGRFL Bot i makim Kevin Murphy long kisim ples bilong Martin Adamson. Adamson i risain long PNGRFL bihain long em i stap wantaim ol inap klostu olsem 10-pela ya olgeta.

Arapela samting tu i kamap long miting em, PNGRFL i rausim posisen bilong nesanel administreta bikos ol i no gat mani. Dispela posisen i bin kamap bihain long Supa Lig i givim moa long K240,000 long las faiv ya tasol dispela mani o kontrak wantaim Supa Lig i stap las Disemba.

Bikos PNGRFL i sot long mani, nau em i surikim opis bilong em i go bek gen long Pot Mosbi Ragbi Lig graun we em i stap bipo.

Arapela ol bikpela toktok i kamap

em olgeta presiden bai baim balus tiket bilong ol yet long go stap insait long ol miting ya. Namba wan traim ol bai kisim em long Februari 27 we ol presiden yet bai baim tiket long kam long miting long Pot Mosbi. Bipo PNGRFL i save lukautim olgeta wokabaut bilong ol president na tim long wanwan senta long stap insait long bikpela miting olsem.

Bot i makim Februari 7 (neks Monday) olsem las de bilong baim olgeta afiliesen fi na registresen bilong ol teknikel opisel wantaim PNGRFL opis. Sapos wanem asosiesen i no baim, em bai aut long 2000 kompetisen.

PNGRFL tu i gat sampela mani em i mas kisim long ol asosiesen inap long K2,200. Dispela mani em long afiliesen na registresen ya.

Jenerel menasa Murphy i amamas tru long ol liklik senta olsem Kagua, Kiunga, Kerema, Rabaul na Kundiawa i baim ful afiliesen fi long Disemba las ya. Dispela i soim tru olsem ol i gat laik long stap insait long 2000 kompetisen.

GOROKA SOFBAL RIPOT

Bunbun i kamapim gut pits na mekim ol Malangan i luk olsem ol i no save long pilai sofbal.

Hawks i autim Barbarian 6-4 long stap wantaim Malangan long namba tri ples long 21 poin.

Hawks i stap ples klia olsem namba tri ya.

Brown Eagles i wilwilim Minogere Royals 4-2.

Eagles i gat ol pilaia olsem Sebbay Womola, Malcom Ravin i kamapim gutpela gem tru long autim ol boi

bilong Robert Lai long Minogere Bareks. Matupit Ailan i winim stret Hawks long wankain skoa 4-2.

Win bilong Gazelle i helpim tim long ran bihain tasol long Brown Eagles.

Gazelle nau i tingting tru long winim fainel long Mas 25.

Barbarians i no kamap gutpela pilai nau bikos ol i bin lus long Hawks 6-4 na bihain ol i lus gen long Royals 13-8.

Point lata i sanap olsem nau Brown Eagles 27, Gazelle 24, Malangan 21, Hawks 21, Karanas 18, Royals 17 na Barbarians 8.

POM SOFBAL RIPOT

Mosbi i makim trening skwat

OL SELEKTA bilong Pot Mosbi mens sofbal asosiesen i makim wanpela strongpela skwat stret long stap insait long 2000 nesanel sempionsip long Rabaul. Dispela sempionsip bai kamap long lsta wiken.

Dispela trening skwat i gat ol biknem pilaia olsem Ansaem Bunbun, Patrick Pilak, Danny Mong, Dick Bart Jnr, Tony Daple na Peter Urari husat i winim gol medal long las Saut Pasifik Gems long Guam, Amerika.

Insait long dispela skwat i gat 6-pela pilaia bilong Gazelle na foapela pilaia bilong AB Bears. Olgeta arapela klab i gat tripela na wanpela memba tasol.

Presiden bilong Pot Mosbi mens sofbal asosiesen Uralia Panuel i tokim Wantok olsem dispela skwat i gat bikpela tingting nau long tren hat na bai ol i makim 17 pilaia tasol long makim Mosbi.

Trening skwat ya bai stap tren inap long 5-pela wik bipo long ol selekta i tokaut long fainel 17 pilaia.

Anselam Bunbun, Essau Vinarang, Patrick Pilak (pitsa), Cornelius Bunbun, Danny Mong, Peter Urari (ketsa), Robert Bais (ketsa/yutiliti), Pedro Kinavai,

Dito Kirita, Len Palauva (namba wan bes), Dick Bart Jnr, Isikel Tovia Jnr, Jerry Albert (namba tu bes), Chris Avuchulas, Demas Tovia, Harry Mathew (namba tri bes), Damin Wartovo, Jerry Edward, Pius Martin (sot stap), Joe Avuchulas, Tony Daple, Albert Koniel, Sam Kepas, David Mikie (autfilda), Nason Albert, Connie Kirita, Peter Simon, Micah Wartovo, Johnson Takapan and Lucas Marut (yutiliti).

Mista Panuel i laik tok klia olsem ol pilaia i stap long skwat i mas stap long fom, na mas gat gutpela disiplin long ples pilai na tu ausait long ples.

Na wanwan pilaia bai baim K650 afiliesen fi.

Em i laik tok strong olsem asosiesen bai i no inap helpim ol pilaia long baim levi fi bikos sampela hevi i kamap bipo we ol pilaia i no bekim mani bilong asosiesen. Na asosiesen i save painim hat tru long kisim bek dispela mani.

Aninit long lukaut bilong Panuel, sofbal long Pot Mosbi i wok long kamap strong tru we ol strongpela tim nau i painim hat long wanem ol tim i nogat nem i wok long givim hat taim stret long ol.

PSSA RIPOT

Kompetisen i go strong

HENRY MORABANG i raitim

TRIPELA wik stap yet long pinisim olgeta gem bilong Pablik Sevans soka kompetisen long Pot Mosbi.

Bihain long dispela fainel bai ran long wanpela wiken na gren fainel em bai kamap long Mas 11.

Presiden bilong PSSA Bede Tomokita na namba tu bilong em, Jenny Silikara i gat bikpela bilip olsem stail na we bilong pilai nau bai kamap strong bikos ol tim bai resis long winim spot long pilai long fainel.

Tomokita i tok wanem ol tim i no baim afiliesen fi mas ting lus long pilai bikos ol bai westim taim long pilai na tu pasim spes bilong ol arapela tim i bai afiliesen na registresen fi.

Maski yu strongpela tim, PSSA nau bai i no inap givim sans long ol tim husat i laik hambek na yusim nating nem long pilai soka.

Bai i gat sampela gutpela gem i kamap long dispela wiken we Telikom bai bungim POSF na Trensport i skelim strong bilong NPF long Sarere.

POSF i gat ol pilaia olsem Ronald Simon, Noel Vilis, Basasau na tu Gideon Kaluwin. I gat ripot olsem Kaluwin i stap fultaim riserv na i tingting long traim kambek gen long pilai soka ya.

Las wik POSF i no laki tumas

na ol boi NBC i lokim ol na tupela tim i dro 0-0. NBC i no skoa bikos papa na lapun bilong Faiv Mail, straika Tom Alau i kisim liklik bagarap bikos em i pilai sofbal.

Na long arapela gem, Trensport i nogat ol biknem pilaia tasol ol bai skelim strong bilong Dickson na ol boi NPF. NPF i save gat sampela ol gutpela na smatpela pilaia bipo tasol nau strong bilong ol i pinis ya.

Na long Sande, Commerce bai skelim strong bilong Atorni Jenerel. Ol boi loya i mas les pinis long lus ya na ol bai i no inap isi long Commerce.

Long oval tu long Sande, Police bai brukim bun wantaim ol Cellnet. Ol boi Cellnet i wok long kam isi isi na winim gem ya.

Ol plisman tu i gat nem bipo tasol planti ol pilaia i lusim na joinim arapela ol klab nabaut. Wanpela gutpela pilaia bilong Police Brian Tani i lusim lain bilong papa bilong em na pilai wantaim PNGBC.

• PSSA i makim pinis ol tupela kosa long lukautim pablik sevans soka tim long pilai long Melbourne Pablik Sektas Gem.

Tupela kosa ya em Stalin Jawa husat bai kosim men's tim na Francis Posity bai lukautim ol meri.

President Tomokita i tokaut olsem Posity i wanbel pinis long mekim dispela wok na Jawa i no kisim yet wanpela pas long soim tingting long em i gat laik long kosa o nogat ya.

Malangan i lus namba tu taim nau

MALANGAN i no strong tumas long holim namba tri ples long poin lata bihain long em i lus long wiken.

Ol boi Kavieng i salim stret long Gazelle 12-4 long bikpela gen long Sarere. Na long Sande, ol i no laki tumas taim Burmah Hawks i wilwilim ol stret 10-2.

Malangan i gat sampela ol gutpela pilaia olsem kosa/pilaia Joe Lumaris, Samu Sasamu na Fredinard Nongkas tasol dispela i no helpim tu tim bikos ol birua tim i soim moa pawa na strong long winim ol.

Pitsa bilong Gazelle George

Jakarta, Indonesia:**Indonesia ami i tok em noken tekova**

Ami bilong Indonesia i nogat tingting na pawa long tekova long gavman, Difens Minista Juwono Sudarsono i tok.

Mista Sudarsono i wokim dispela toktok long rausim ol pret we i kamap olsem ami bilong Indonesia i laik rausim gavman.

Em i tok ami i nogat tingting long wokim samting olsem. Na i nogat samting long ol pipel na gavman bilong Indonesia long wari long en. Pretpasin i wok long kamap bikos Presiden Abdurahman Wahid bai i go long wanpela ovasis wokabaut na nogut ami i tekova long gavman long dispela taim, ol ripot i tok.

Mista Sudarsono i tok Presiden Wahid i wok long yusim pawa bilong ol pipel long stretim ol samting insait long kantri na bihainim dispela gavman, plis na ami i wok wantaim long kamapim dispela.

Em i tok ol pipel i noken wari long ol toktok bilong Yunaitet Nesens Ambaseda Richard Hollbrooke husat i bin autim wari long dispela kain samting inap kamap bihainim ol wok painimaut we ol atoriti i karimaut long ol bikman long ami bikos ol istap insait long wokim ol bagarapim na kilim dai pasin long planti pipel bilong Is Timor.

Em i tok ol dispela toktok bilong Ambaseda Hollbrooke em ol tingting

tasol na em no samting bilong wari planti long en.

Yunaitet Stets i putim strongpela toktok lukaut egensim ami bilong Indonesia olsem ol mas noken bagarapim namba wan demokretik gavman bilong Indonesia bihain long 32 krismas.

Mista Hollbrooke i bin tok ol ripot i wok long kamap long ples klia olsem ami bilong Indonesia i laik rausim na tekova long gavman, Ambaseda Hollbrooke i bin tok long Januari 14.

Ol ami jenerel bilong Indonesia i tok bai i nogat militeri tekova na ol i tokim pablik long kantri long noken wari na pret long dispela toktok.

Kenbera, Australia:**Australia amamas long ol Jemen turis**

Planti turis bilong kantri Jemeni i wok long pulapim not Australia na dispela i wok long strongim na skruim gut tru wok mani na developmen long ol rijinel taun na ol komyniti long ol ples longwe long bikpela siti.

Ol ripot we Australien Biuro ov Statistiks i tok 125,000 Jemen turis i bin lukluk raun long Australia long Januari i kam inap long Novemba las yia. Em i soim olsem long dispela yia, mak i bin go antap long tenpela

pe sen. Ol ripot i tok planti bilong ol turis i kam long Australia i raun nabaut na lukluk long ol samting long laik na i no long ol ples we ol turis lain i laikim ol long go long en.

Bihainim dispela, ol i go long ol ples olsem Noten Teritori na longwe long kantri sait ples insait Not Kwinslen.

Wanpela mauseri bilong Turisim Komisn bilong Australia i tok ol i amamas tru long ol Jemen turis bikos ol i gutpela turis tru. Ol i save

stap longpela taim long kantri na tromoi bikpela mani tu.

Wanpela sevei we Biuro bilong Turisim i bin karimaut i tok planti Jemen turis i save stap long 36 nait long Australia na wan wan long ol turis ya i save tromoi \$2775 long wanpela de.

Na planti bilong ol i save lukluk raun long ol autbek o ol ples longwe long taun. Long ol wokabaut ya, ol i save raun insait long tripela stet.

Washington, Amerika:**Aisren kilim foapela pipel long Is kos Amerika**

Is kos bilong Yunaitet Stets long las wik i bin kisim bagarap long ais ren we foapela pipel i dai long en. Dispela i bin kamapim hevi long wokabaut bilong ol balus na ka na tu stapim wok long tupela de.

Hevi i bin kisim nogut Carilina Stet na ol ripot i tok dispela em bikpela ais ren long hap bihain long 72 krismas. Long Massachusetts, wanpela liklik meri husat i gat faipela krismas i bin pundaun i go daun long Hausatonic Wara we wara i ais na ol i bilip olsem em i dai pinis.

Nesenel Weda sevis i no bin luksave olsem bikpela ais ren bai kamap inap siksipela awa bihain na ol bagarap na hevi i kamap long Not Carolina, ol ripot i tok.

Ripot i tok tu olsem ol kompyuta i no bin luksave olsem dispela ais ren na bikpela win samting bai kamap.

Ripot i tok kos we dispela ais ren na bikpela win i kamapim long lusim pe, lusim ritel seils na ol takis mani inap long US\$5 bilien.

San Diego, California:**Papa kalabus long 143 krismas**

Kot i salim wanpela papa long ples San Diego, California, Amerika long stap long haus kalabus long 143 krismas long wokim pasin nogut long liklik pikinini meri bilong em husat i gat nainpela krismas.

Man ya em Mac Cochran na em i gat 44 krismas.

Kot jas William Kennedy i bin salim man long kalabus bihain em i painim em olsem em i wokim long long kisim vidio piksa taim em i wokim pasin nogut long liklik pikinini meri bilong em. Rot we ol bin painaut long dispela samting en taim ol kamap long kompyuta Intenet.

Long taim bilong kot, mama na pikinini meri i bin askim sapos em (kot) i ken putim man long faipela yia kalabus tasol kot i no bihainim askim bilong tupela. Mama i no bin stap long haus taim papa i wokim pasin nogut long pikinini meri bilong ol.

Ol rong we kot i bin painim na kalabusim papa long en em 28 pela taim man i wokim

pasin nogut long liklik pikinini, 10 pela taim em i fosim pikinini na wokim pasin nogut long en na wanpela taim em i putim liklik pikinini long piksa nogut.

Jas Kennedy taim em i givim kalabus toktok i go long Cochran i bin tok olsem pasin we yu papa i wokim i go egens long wok bilong yu long lukautim pikinini yet bilong yu. Man ya i bin wanpela eks nevi na kot i inap long kalabusim em long 400 krismas long ol sas.

Ol ripot i tok ol plis i bin holim pasim Cochran long Februari 1998 bihain long ol FBI ejen i kisim ol piksa nogut long Internet. Na evidens bilong en dispela 18 minit piksa em papa i wokim pasin nogut wantaim pikinini.

Liklik meri i bin tokim ol atoriti olsem long siksipela mun, bipo em i wokim vidio piksa, papa i save fosim em long slip wantaim em. Em tok papa i bin save givim em mani na ol presen taim em i wokim pasin nogut wantaim em long pasim maus bilong em.

Kiribati:**AIDS bikpela long ol Kiribati ovasis sip wokman**

Wanpela ripot bilong Yunaitet Nesens i tok Kiribati, dispela liklik Pasifik Ailan kantri we i bin namba wan ples long wol long bungim nupela milenium i bungim hevi long sik HIV/AIDS. Institut bilong Jastis na Aplait Ligel Stadl, we i bin redim ripot long UN Developmen Program i tok sik AIDS long Kiribati i stap antap moa long dispela taim.

Institut i tok long Me 1999 i bin gat 28 pipel wantaim sik HIV/AIDS. Long dispela mak, 19 em ol man.

Institutu i tok long wan wna manmeri husat i ripotim olsem em gat sik nogut ya, i gat 10-pipel husat i gat sik ya tasol ol no save na ol no ripotim. Bihainim dispela, ripot i tok Kiribati i stap long wankain

level wantaim ol sampela kantri long Afrika we sik ya i bagarapim ol tru.

Ripot i tok moa long 2,000 man bilong Kiribati i save wok long ol ovasis sip we i save go long ol ausait kantri na planti bilong ol i gat dispela sik HIV/AIDS na i wok long givim long ol meri. Ripot i tok bikpela mak long ol man wantaim sik em ol wokman long sip na olgeta ol meri husat i kisim dispela sik em ol i maritim ol dispela man.

Ripot i tok ol meri bilong ol man i wok long sip i stap long hevi na i moabeta long ol i kisim gutpela aweanes skul long en. Ripot i tok tu olsem i moabeta long ol i karimaut ol AIDS tes long ol man i wok long sip.

Nu Yok, Amerika:**Ripot tok 33 niusman bin dai las yia**

Jenelisim o wok long kamap olsem nius manmeri i wanpela wok we birua i ken kamap long ol wok lain.

Ol ripot i kam long media fridom grup Komiti long Protektim ol Jenelis (CPJ) i tok long las yia 1999, 33 jenelis o ol nius ripota long 10 pela kantri long wol i bin dai taaim ol i karimaut wok bilong ol.

Ripot i tok long kantri Siera Leoni long Afrika, ol bin kilim dai 10-pela jenelis na dispela em bikpela mak moa winim ol arapela kantri. Namba tu kantri em Yugoslavia we siksipela jenelis i bindai long en. Ol arapela kantri we i bin kilim dai ol jenelis em long Kolombia long Saut Amerika, Is Timor, Argentina, Lebanon, Nigeria, Rasia, Sri Lanka na Teki.

Ripot we CPJ i karimaut i tok olgeta nius ripota ya i bin dai taim ol i mekim wok i stap. Long mun Desemba, Ripotas Witaut Bodas, wanpela was grup bilong Frans i bin givim ripot olsem 36 niuslain long wol i bin dai long olgeta hap long wol taim ol i karimaut wok.

Ripot i tok planti long ol dispela i bin dai em ol pait grup long ol kantri we hevi na pait i stap long en i kilim ol.


Ripot i tok mak long ol jenelis i dai i bin go antap long las yia bikos long 1998, 24 i bin dai insait long 17 kantri.

Miami, Florida:**Ol bubu meri amamas long lukim Elian**

Elian Gonzales em liklik boi Cuba husat i gat siksipela krismas na we nem bilong em i wok long pairap yet long intenesenel level namel long Cuba na Amerika i bin lukim ol tumbuna meri bilong em long las wik. Bikos ol samting we i sut long dispela liklik boi i karamapim ol gavman bilong tupela kantri ya na i wok long kamapim ol strongpela toktok kros namel long ol, ol bin makim

wanpela ples we ol bikman bilong tupela kantri i orait long en long boi na bubu i bung wantaim, ol ripot i tok.

Ol bin kisim Elian i go long haus bilong ol Katolik Sister long Miami nambis na ol bubu meri bilong em i bin lukim em. Ol bin kisim balus long Washington long go lukim em long Florida. Stap bilong ol waqtam manki ya i bin inap long wan na haf awa tasol.

**Trabel long Maluku**

- Antap em liklik manki Maluku i lukim wanpela mosk o sios bilong Muslim lotu paia i kukim.
- Daunbilo em ol soldia bilong Indonesia i raun long ka long ol strit bilong Ambon.

-Pilsa i kam long Weekend Australian niuspepa

Jakarta, Indonesia:**Moa hevi long Maluku**

Ol trabek long ol Maluku o Spais Ailan long Indonesia i go het maski Vais Presiden Megawati Sukarnoputri i mekim wokabaut bilong em i go long ol dispela ailan long traun kamapim sekan na bel isi pasin namel long ol birua grup long hap, ol ripot i tok.

Ol ripot i tok pait i bruk gen long Bacan Ailan long las Mande. Ol ailan ya i stap 360 kilomita longwe long Ambon siti, bikpela taun bilong ol Maluku Ailan.

Ol bin lukim wokabaut bilong Mis Sukarnoputri i go long Maluku olsem wanpela rot long traun stretim dispela hevi we i kamap namel long ol Muslim na Kristen na i winim wanpela krismas pinis.

Ol ripot i tok pait na trabel i bruk long Bacan Ailan bihain long petrol bom i pairap long wanpela boding skul we lotu Islam i papa long en.

Ol ripot i tok planti haus na ol arapela samting i bagarap bihainim dispelatrabel. Bihainim dispela tu, ol trabel i go long faipela arapela ples klostu long eria, ol ripot i tok. Ol no klia tumas tasol ol ripot i tok samting olsem 25 pipel i dai long ol trabel ya.

Long las wik Tunde, Mis Megawati i bin apil long tupela sios grup husat i wok long pait long stapim ol (pait) long Maluku we kloatu 2,000 pipel i dai long en na planti moa i kisim bagarap na ronawe lusim ples.

Australia:

Ol skul pikinini mas gat gutpela kaikai



• Georgina Churchill husat i gat eitpela krismas i helpim mama bilong em Debbie na susa Laura husat i gat 11-pela krismas long wokim gutpela lans long karim i go long skul. -Piksa i kam long Courier Mail niuspepa.

Em i gutpela olsem long stat bilong nupela skul yia ol papamama i mas glasim gut ol kaikai na ol pikinini bilong ol i kaikaim raitpela miks long ol kaikia.

tingim long wokim lans na putim ol rait miks long ol kaikai bilong ol pikinini long karim i go long skul.

Clayfield Kolis ketering manesa Anne Henry i tok em i hat long givim ol pikinini olgeta rait miks long ol gutpela helti kaikai long wanpela kaikai taim tasol i gutpela long lukim olsme

dispela i kamap insait long wanpela de.

"Taim ol mama i redim lans kaikai bilong ol skul pikinini, redim helti lans we bai i gat prut tu i stap long en. Putim gutpela miks long ol kaikai na prut i mas fres.

Ol ripot i tok planti skul pikinini i no wok long kisim gut kaikai long wanem ol no save kaikai inap prut na kumu. Na ol manki i save laikim moa ol snek kaikai we ol i redim long ol naispela brait peket.

"Ol pikinini bilong tude i save

laikim ol snek kaikai olsem ol biskit, ol big rusta na ol kaikai long ol fas fud kaikai ples. I gat sampela gutpela snek peket we ol i save putim ol helti kaikai long en," Catherine Saxelby husat i wanpela nutrisenis na mama i tok.

Na em i tok em i seif long ol papamama long givim lans mani long ol pikinini i baim ol kaikai long skul kentin bikos planti kentin i rausim ol rabis snek kaikai pinis na putim ol dispela we i helti na gutpela long ol pikinini long kaikai.

Golden Circle prut kampani i top

Biknem prut na kumu kampani bilong Australia Golden Circle long las wik i lonsim hai teknoloji faktori bilong redim na pekim ol kaikai. Dispela faktori we i gat ol hai teknoloji masin na ol arapela samting i bin kostim Aus\$17 milien long wokim. Ol ripot i tok dispela faktori i kamap olsem top na winim ol arapela na kamap olsem namba wan long ol kain faktori long wol wantaim ol letest hai tek masin. Faktori i laik strongim wok bilong em long maketim ol prodak i go long Esia.

Golden Circle kampani i gat

1,750 wok manmeri long en na em i gat nem olsem top kampani we i save kamapim, redim na pekim ol prut na kumu kaikai long sauten hemisfia.

Kampani i beis long Kwinnsen, Australia na dispela i kamapim nupela sapta long histri bilong kampani na Kwinnsen we i winim pinis 53 krismas stat long taim em i opim dua bilong em olsem wanpela prut na kumu kampani. Nau em i gat bikpela nem long Austrlai na wol olsem prut na kumu kampani. Prut we kampani ya i kisim luksave long en olsem top long lista


bilong ol long maketim em painapel.

Bos bilong kampani Barry Kelly i tok bihainim wanpela rises wok, ol bai kamapim kain painapel ol i kolim long "Blek Hat" we bai i Golden Circle i ken groim na em i karim ol kwaliti painapel wantaim nogat malolo bilong em insait long wanpela yia.

Mista Kelly i tok kampani i setim nupela wol rekot long kamap namba wan long wol bihain long em i kisim luksave long kamapim top kwaliti prodak.



Meri nogut ya, lukaut long em!



• Lukaut, noken go klostu long meri ya bikos yu bai dai. Patricia Byers (long rait) na namba tu man John Asquith we meri ya i bin laik kilim long 1993 tasol em i aburus. Mista Asquith i tok meri ya i kilim ol man bilong en long kisim mani we ol dai man ya i lusim. -Piksa i kam long Courier Mail niuspepa.

Dili, Indonesia:

UN fomim sivel plis skwat i lukautim lo na oda long Dili

Ol i fomim wanpela Yunaitet Nesens Sivil Plis fos long Dili bilong lukautim sekyuriti na sefti na lo na oda insait long taun. Fifti (50) pela man i stap insait long dispela yunit. Ol bai givim wan wan long ol long helmet, sil na baton tasol i no ol gan.

Ol ripot i tok ol i wokim dispela bihainim wanpela trabel we i bin kamap las wik long maket ples long Dili, biktaun bilong Is Timor. Tripela man i bin kisim bagarap long dispela hevi taim ol bin katim het bilong ol wantaim akis.

Ripot i tok ol soldia bilong Australia i bin pairim gan long tupela taim long traim stapim dispela hevi. Na wanpela em ol i katim het bilong em wantaim hap metol paip.

Yunaitet Nesen Edministresen long Dili i odaim ol plis long kisim ol wepon we ol man i karim nat-ing na rarau wantaim.

Planti Is Timor lain i save karim ol tamiok na naip na raun wantaim. Ol dispela samting em ol ken yusim long pait wantaim.

Mausman bilong UNTAET Manoel de Almerida e Silva i tok ol bai no inap nau long wetim flaing skwat long Portugal long kam tasol ol bai kirapim dispela 50 spesel Sivil Plis fos long lukautim sekyuriti na sefti long Dili.

Em i tok lo na oda na sekyuriti em i bikpela wari bilong ol na Sivilien plis i karimaut ol wok long patrolim ol strit na maket na tu ol arapela hap bilong taun long Dili we ol trabel i kamap long en.

Mi no wokim rong!


Mista Ibrahim i bin lusim wok bilong em na stap long kot long wanem em i rong long wokim pasin nogut long draiva bilong em.

Anwar i tok dairi i holim rekot bilong trupela toktok na dairi bilong em i soim olsem long dispela taim draiva i tok Anwar i wokim pasin nogut long en, em (Anwar) i bin stap long Yurop long wanpela opisel wokabaut.

Anwar husat i gat 53 krismas i stap long sikspela yia kalabus long em i rong long paulim mani na ol arapela samting moa taim

em i stap long gavman. Dokta Mahatir husat i Praim Minista i bin rausim em olsem deputi kantri long Saut Is Esia. Anwar i tok em no bin wokim olgeta ol rong we ol i tromoi long en. Em i tok ol birua bilong em long politiks i tok em i wokim ol dispelas rong long bagarapim em tasol. Kot i go het yet long harim dispela keis bilong Anwar.

Pasin bilong wokim pasin nogut long narapela man em i bikpela rong long ol Muslim lotu kantri long Saut Is Esia. Anwar i tok em no bin wokim olgeta ol rong we ol i tromoi long en. Em i tok ol birua bilong em long politiks i tok em i wokim ol dispelas rong long bagarapim em tasol. Kot i go het yet long harim dispela keis bilong Anwar.



• Anwar Ibrahim, olupela deputi praim minista bilong Mesia i sindaun long kot na givim toktok bilong en. -Piksa i kam long Courier Mail niuspepa.

Plis long Brisben i mekim ol wok painimaut long dai bilong Carel Gottegens, man bilong Misis Byers we ol i bilip olsem meri ya i bin kilim dai long 1990. Misis Bayers i stap long kalabus long laip long dispela asua na tu long pasin em i wokim long traim kilim dai namba tu man bilong em, John Asquith. Em bin laik sutim em wantaim gan tasol bulet i no bin kisim em gut long kilim em dai. Pastaim em i ting olsem dispela samting em i wanpela eksiden tasol ol arapela samting moa i kamap na man ya bilip strong olsem meri ya i laik kilim em. Dispela em long wan-

pela taim, meri ya i putim nil long ol ka taia na long narapela taim, em i putim posim kemikol long kaikai bilong em long putim em long longpela slip na dai.

Byers husat nau i gat 53 krismas i bin marit taim em i yangpela. Taim em i gat 19 krismas, em bin gat tupela pikinini man na namba wan man i dai pinis. Em i wanpela keria meri na em bin wok olsem seketeri, patna long hotel rothaus bisnis, troling indastri bihain long en i tanim wanpela Wol Wo 2 bot i go olsem dip si fising bot. Byers i wok long apil long sas we em i kalabus long en.

LAI PSTAIL




• Br Andrew givim gret 6 setifiket i go long George Kekeo Mahl husat i winim spes long go long hai skul. Sanap tu em tisa Felix Uwaika (lephan) husat i helpim George long skul bilong em.



• Antap: Ol bois long Erap Bois Taun wantaim tisa bilong ol Felix Uwaika kisim piksa.

• Lephon: Sain bod i go insait long Bois Taun Erap long Lae.

Ol foto: Franco Nebas.



FRANCO NEBAS i raitim

PLANTI bilong yumi i bin go long skul we i gat luskave i kam long gavman na tu long ai bilong ol pipel.

Tasol i gat sampela skul we planti pipel i nogat lusave long em. Na dispela ol skul em gavman yet i bin putim tasol i nogat gutpela luksave long ol.

Dispela ol skul em komyuniti i ting olsem em i no skul., tasol em haus kalabus bilong ol liklik manki.

Dispela skul em ol i kolm Bois Taun o Remandee Senta.

Long Papua Niugini i gat dispela kain senta we ol liklik pikinini i save go stap long en. Ol dispela kain Bois Taun skul Katolik sios i lukautim em long Mosbi yet long Hohola, Boram Bois Taun long Wewak na Erap Bois Taun long Lae. Ol arapela misin tu i gat kain Remand senta bilong ol tu.

Dispela tripela institusen o senta i lukim planti sumatin bilong ol i kam na i go.

Long Erap Bois taun long Lae long dispela yia tu i amamas long lukim wanpela sumatin bilong ol i winim gret 6 nesene! eksem bilong em na bai i go long hai skul.

Erap Bois Taun i stap ausait long Lae siti arere tasol long hailans haiwe rot.

Long go log Erap em olsem 30 minit lusim Lae i go antap long haiwe. Pastaim long yu kamap long Erap Bois Taun, yu bai kamap long Nadzab ples balus pastaim na bihain go antap liklik tasol long rot.

Erap Bois Taun em wanpela bilong ol institusen o senta gavman yet i bin go pas long sanapim long yia 1986.

Dispela senta em bilong ol liklik pikinini we krismas bilong ol i daunbito long 18 na i go daun long 7 husat i mekim ol raskol pasin na kot i sailim ol i go long kalabus.

Long mama lo we ol pikinini krismas bilong ol aninit long 18 yia, i tok ol i no inap go long bikipela haus kalabus wantaim ol bikman. Olsem na ol i kamapim senta ya.

Gavman yet i kamapim dispela ol senta tasol luksave long sait bilong mani i no save gutpela tumas.

Long dispela as, Katolik sios i go insait long helpim long sait bilong lotu na skul long wok insait wantaim ol liklik manki olsem.

Sios i go insait i bin save givim planti gutpela samting i go long ol sumatin. Ol sumatin i kam insait long skul em i stap amas namba bilong ol long liklik pikinini kot painim ol asua long trabel bilong ol na salim ol i go long Bois Taun.

Kalabus manki long Erap Bois Taun go long hai skul

Long Erap nau ol i stap las yia em 9-pela sumatin ol i kam long olgeta hap long kantri.

Dispela skul bilong ol bois em gret 1 i gat foapela sumatin, gret 2 gat tupela studen, gret 3 i go gret 6 em wanpeal sumatin long wanwan gret.

Erap Bois Taun tu i save givim CODE skul long ol sumatin bilong em husat i bin em i winim taim bilong em long skul.

Erap Bois Taun em olsem level 3 skul insait long provins.

Tisa i go pas long dispela skul em Felix Uwaika bilong Madang. Mista Uwaika i stap tripela krismas nau long Erap olsem tisa we e i tok moa long 9-pela sumating igo pinis long hai skul we i kam aut long Erap Bois Taun.

Long dispela yia em wanpela boi long Wabeg, George kekeo Mahl, em pasim nesene! gret 6 eksem tes bilong em na em bai i go long Wabag hai skul.

Mista Uwaika i tok yangpela Mahl bilong ples Birip long Wabeg ol plis i holim em long spak brus na em i kisim 12 mun sas we long dispela taim em i stap long gret 6.

Taim em i kam long Erap mipela mekim olgeta rot bilong em we lainim em long skul na mekim rot bilong em long sindaun long nesene! gret 6 eksem we em i bin pasim.

Em i tok em i amamas tru long kisim arapela sumatin bilong em long Erap Bois Tuan i go long hai skul pinis.

Em i tok hatwok i karim kaikai. Sampela bilong ol dispela bois em ol i gat save tasol long hevi olsem skul fi, o papamama i no mekim gut long ol, ol i go raun long taun long mekim pasin nogut.

Mipela i laik mekim wankain olsem arapela pikinini ausait i kisim gut skul na i no lukim ol olsem ol i hambak pikinini, em i tok.

Ol Katolik Bruda bilong Erap Bois Taun tu i save helpim Felix long ol arapela wok olsem faming na long sait bilong wok lotu.

Tisa Felix long dispela i laik tok amama slong ol Judiseri lain, namba wan ol lain long kot bilong pikinini, Morobe Edukesen Bot long tingim bihain bilong dispela boi na mekim olgeta samting i kamap gut.

George Kekeo Mahl bai i tap olsem 9 mun aninit long lo inap pinisim dispela bipo em bai go fri. Em i ken skul tasol i mas ripot long Parol opisa bilong em long olgeta wik.

Dispela em wanpela institusen we gavman na ol planti komyuniti i no luksave long wanem bikipela wok ol i save mekim long kamapim gutpela sindaun na laip bilong ol kain pikinini olsem.

Gavman i kamapim dispela ol senta na lus tingting olgeta long ol tasol long strong bilong sios, senta i

wok long go het.

Gavman na ol pipel i mas traim nau opim ai na lukuk long ol dispela kain institusen we i ken helpim ol kain pikinini olsem long bihain taim bilong ol.

FRI BAIBEL KOS LONG PAS

I kam long wanpela pren long America sapos yu laikim fri kos salim nem na adres igo long:

WOL BAIBEL SKUL WBS - PNG 12, P.O. Box 9346, Austin, TX 78766 USA.

Skul i pulap long ol piknini gen

MASTA WAI i raitim

JAIM bilong skul i stat pinis na ol piknini i stat long wokabaut planti long rot long moningtarm wantaim ol kain kain kala uniform bilong skul bilong ol. Ol bin stap long haus klostu tupela mun olgeta long las yia i kam inap dispela yia we holidi bilong ol i pinis. Nau em taim bilong skul gen.

Ol liklik piknini long pri skul o elementeri skul em ol i gat narakain tingting na pasin long skul bilong ol. Ol i oltaim driman long dispela taim ol bai i go long skul. Long haus yet, ol i save tokim arapela piknini o lain bilong ol olsem ol bai i go long skul. Ol i longtarm yet driman olsem wanpela taim bai ol i go long skul. Olsem na dispela taim i kamap klostu, ol i no wet moa. Sotwin i kisim ol na ol i waswas na harim tok na mekim samting i go stret long moning taim bai papamama i ken kisim ol i go long skul na lusim ol wantaim tisa bilong ol.


Long dispela wik mi lukim piknini bilong narapela wanwok bilong mi i kirap na smat tru long go long skul. Olgeta tuls o wanem samting em i laikim long karim i go long skul em baga nogut pulapim long han bek na karim long beksait na tekov. Em i singaut gutbai tasol long ol liklik wan poro bilong em long haus long save olsem em i go long skul nau.

Narapela poro bilong em i harim nek bilong baga boi ya i go long skul na krai long papamama bilong em long em tu bai i go long skul nau. Tasol papamama bilong em tokim em olsem, yu tu bai i go long skul tasol taim bilong yu i stat skul em long neks mun. Bikos skul bilong yu em fri skul.

Long banis bilong mipela, i luk olsem olgeta piknini krismas bilong ol long 4 i go antap bai olgeta i skul long dispela yia. Ating wanpela o tupela piknini tasol i stap bek bikos tupela em bebi yet. Mi tingim tasol sapos olgeta dispela piknini i bung long apinun taim skul i pinis, bai stori bilong ol i moa yet long wanem samting ol wanwan i lainim long skul bilong ol long dispela de. Nois tu bai i no inap isi.

Planti bikipela piknini husat i stap long gret 4, 5, 6 na hai skul i save olsem i nogat wanpela samting i nupela long ol. Ol bai i go bek isi tasol long skul. Ol studen long gret 7 tasol bai amamas bikos ol i winim gret 6 eksam na ol i kamap hai skul studen nau.

Long gret 11 o nesanel hai skul, ol dispela studen tu bai amamas moa long ol i kamap nesanel hai skul studen bikos ol i bin winim nesanel gret 10 eksam na ol i kam. Ol bai amamas tu bikos sampela strongpela lo bilong hai skul i no moa stap wantaim ol. Ol i no inap werim uniform moa, ol i no inap wok



• Antap: Ol mama sanap lain long baim skul fi bilong ol piknini.

• Lephon: Ol skul piknini i amamas long bung gen long skul.

• Aninit: Ol Yunivesiti studen stretim nem bilong ol long go bek skul

pered olgeta taim na ol i no inap hait na smok moa. Ol bai ting olsem ol i kamap bikipela manki o bikipela studen.

Long dispela wik long moning taim, planti wokman i hat tru long kalap long bas bikos em taim bilong olgeta skul i stat na ol piknini i pulap long bas i kam i kam i go. Planti wokman i wet longpela taim long bas stop inap i gat sans long wanwan bas we ol i sindaun long wanpela sit o nogat ol i sanap tasol long dua. I tambu long rausim ol studen long bas bikos Trefik dipatmen i givim strongpela lo long olgeta PMV bas long kisim ol studen. Ol studen bai baim bas long studen fea.

Long biksiti olsem Mosbi, bai yu ken save long wanem samting mi toktok long en bikos olgeta moning bai yu yet i lukim stret we i hat long kalap long bas bikos ol studen i kam i go.

Mosbi siti i gat mak olsem 500,000 manmeri i stap long dispela siti. Olsem na yu ken tingim namba bilong ol piknini bai i moa yet. Ol skul piknini tu bai moa yet.

Planti mama i stat wari bikos ol i save stap long haus wantaim ol piknini bilong ol olgeta taim. Tasol nau ol piknini i go skul nau, bai inogat nois o lain bilong toktok wantaim long haus long san taim. Ol piknini bai lusim ol nau na i go long skul.

Planti papamama ol lain bilong slip tumas long moning bai sotim slip bilong ol na kirap hariap long 6 kilok moning bikos ol i mas stat redim kaikai bilong ol piknini na belo kaikai bilong ol. Bas tu bai i hat olsem na ol i mas hariap redim ol piknini na ol yet na go kwiktarm long bas stop long kisim bas long hap pas 6 (6.30) o 7 kilok. Bai ol i ken go hariap long skul o long ples wok tu. Sori tasol em hap wok bilong papamama inap piknini i go bikipela we em i stap long gret 5 na 6, em nau piknini yet i gat save long kalap long bas na go long skul na kam bek long haus long apinun.


Taim ol piknini i bin stap yet

long holidi long haus, ol i save askim long papamama i mas baim ol samting bilong skul na redim. Ol i askim long ol samting long kala pensel, skul bek, su, rula na arapela liklik samting ol i ting i gutpela long karim i go long skul. Taim ol papamama i baim ol dispela samting na i kam redim, sore, amamas na so op bilong ol bai i no inap isi. Man traipela tru. Taim skul i stat, ol i save olsem ol i redi pinis long mekim wanem samting skul tisa i laikim.

Putim was gen long ol na lukluk long namel bilong dispela yia. Wanem kain senis bai ol i kamap wantaim. Nogut sampela i stat skin les liklik o pret long go skul bikos ol sampela piknini i save raf long ol o pretim ol. O nogut ol i save pret liklik long tisa bilong ol. O nogut ol i stat straik long ol i mas gat mani long karim i go long skul bikos sampela meri i save salim ol naispela naispela loli na swit kaikai long skul eria. O nogut sampela studen i save kisim ol i go pilai masin gem olsem na piknini bai i laik karim mani i go long skul tu long pilai masin gem. Putim was na stadim ol bikos nogut bai pasin bilong ol bai senis long namel. Yu save ol piknini i save bungim planti kain kain senis na ol pasin bilong ol tu i save senis tu.

Sampela bikipela piknini long gret 6 na hai skul o nesanel hai skul i save bungim ol nupela senis tu. Sampela i stat long bungim ol poroman na ol i save pasim tok long pilai long wanpela spot tim tasol. Ol i gat grup bilong ol yet na stat long sapatirr ol yet long wanem kain wok o pilai bilong skul. Yumi papamama i no inap save tasol ating ol i hait na smok bikos arapela ausait manki i bungim ol na pren wantaim ol na lainim ol. Sampela i ting ol i naispela smatpela boi o meri olsem na ol i laik bilas smat. Ino smat long ai bilong papamama tasol ol i ting i smat long ai bilong narapela wanskul bilong ol. Olsem na ol bai werim kat jin, o hevi diuti but, o droim rasta piksa long kep o siot o trausis bilong ol na ol bai mekim ol kain kain stail long save bilong ol manki yet.

Name long skul yia taim ol i mekim gutpela poroman wantaim ol arapela sumatin nau, em taim bilong kisim strong na mekim sampela ekstra eksen we yumi papamama i no inap laikim. Yumi papamama bai i kros taim yumi painimaut na em wok bilong yumi long stapim dispela eksen na pasin bilong ol na tokim ol long mekim gutpela pasin na eksen bilong ol i mas go gut long ol i ken skul gut long lainim gut samting na kisim gutpela save na bihain taim ol i ken wok mani na painim gutpela amamas bilong ol yet. Kontrol bilong ol piknini long painim gutpela laip bihain i stap long han bilong papamama olsem na yumi mas putim was klostu long ol na lukim olsem ol i mekim samting stret inap ol i ken kamap gutpela bikipela manmeri.



Ston i pasim tupela marit

BIPO BIPO tru long Walume Imbongu distrik insait long Sauten Hailans provins i gat tupela marit i stap.

Tupela i save go kilim kapul olgeta taim long maunten laibu. Long dispela bus i gat planti kapul i stap long en.

Wanpela taim man i tokim meri long tupela i go kilim kapul long bus na tupela i kisim spina na bunara. Tupela i go kamap long bus pinis na tupela i lukim wanpela bikpela ston i stap. Na insait long dispela ston em i olsem haus. Na man i tokim meri olsem mi go painim kapul long bus. Na meri bai go i stap insait long dispela ston.

Orait man i go pinis bilong painim kapul long bus na meri em wanpela i stap insait long dispela ston. Na em i harim ston i mekim nois olsem hapim - hapim - hapim na daunim - daunim - daunim. Na sem taim ston i hapim meri ya i go antap na i kam daun. Meri em i pret nogut tru na long apinun man i kam bek na meri i tokim man olsem ston i mekim dispela kain toktok na mi tupela i go bek long haus.

Tasol man i no bilipim toktok bilong meri. Olsem na em i tokim meri olsem papa na mama bilong yu i kam na yu tok olsem ah yu stap isi. Na meri em i kra i tasol na i stap. Na long nait tupela i slip i stap insait long ston na tupela i harim sem samting i mekim nois.

Na tupela i harim ston i tok olsem - hapim - hapim - hapim na sem taim ston i hapim tupela i go antap na bihain ston i tok daunim - daunim daunim na ston i kisim tupela i kam daun na i planim stret long graun.



JADA'2000!

Na hat long tupela i kamaut. Na meri i kra i singsing sori olsem ston i mekim dispela kain samting na yu tok olsem papa na mama bilong yu i kam na yu tok olsem ya? Yu stap isi ya. Na nau yu rausim dispela ston na mi tupela i ken go ausait.

Tasol ston i pas olgeta na tupela i stap insait na hat long kam ausait. Na ol lain i stap long Walume Kembo ol i painim tupela i go long dispela ston. Na ol i lukim tupela i stap insait na ol i traim long rausim. Tasol ino inap na ol i lusim na i go bek

long Walume Kembo. Na nau ston i stap yet long maunten laibu, Sauten Hailans provins.

Rosella Kaima Walume Imbongu distrik, Sauten Hailans provins.



Nem: Mercy Koomson
Krismas: 24 (meri)
Adres: Nana Bema Street
Save laikim: Jenerol

Nem: Mathias J. Japela
Krismas: 16 (man)
Adres: P.O. Box 3679, Lae 411, Morobe Province.
Save laikim: Ritim buk, lukim piksa, waswas long nambis, raun wantaim ol prens, raitim pas long ol prens na bai mi amamas tasol long bekim olgeta pas yupela husat i rait i kam long mi.

Nem: Martin Levi
Krismas: 23 (man)
Adres: DAL, P.O. Box 125, Wau, Morobe Province.
Save laikim: Lotu, wok gaden, Pathfinden Kem, kukim kaikai, stori wantaim ol brata na susa long Jisas.

Nem: Blasius J. Yawi
Krismas: 17 (man)
Adres: Togulo Plantation, P.O. Box 923, Kimbe, West New Britain Province.
Save laikim: Go lotu long Sande, pilai soka, ragbi tas, volibal, pilai gita na singsing long lotu.

Nem: Pauline Alex
Krismas: (19) meri
Adres: New Town Store, P.O. Box 41, Bialla, West New Britain Province.
Save laikim: Go lotu, waswas long nambis, go wok na pilai gem.

Nem: Eki Kamson
Krismas: (18) man
Adres: Satgu Trading, P.O. Box 114, Aitape Sandaun Province.
Save laikim: Mekim pren, raitim pas i go i kam na pilai basketbal.

Nem: Ronson Kay
Krismas: (17) man
Adres: Togulo Plantation, P.O. Box 9923, Kimbe, West New Britain Province.
Save laikim: Waswas long wara na bekim ol pas bilong prens.

Nem: Tom Fox Mathias
Krismas: (19) man
Adres: C/- Togulo Plantation Division (1), P.O. Box 621, Kimbe, West New Britain Province.
Save laikim: Go lotu, harim musik, waswas long wara, raitim pas long pen pren, sensim poto na nekles, kisim meri raun long taun na stori wantaim.

Nem: Amba Hanson
Krismas: (15) meri
Adres: Church of Christ, P.O. Box 102, Wau, Morobe Province.
Save laikim: Pilai basketbal, soka, mekim fani wantaim pren na go long lotu.

Nem: Jina Giwisa
Krismas: (19) meri
Adres: Church of Christ, P.O. Box 102, Wau, Morobe Province.
Save laikim: Pilai volibal, mekim fani wantaim pren, harim musik, raitim pas long arapela pren long taun o provins na go long lotu.

Nem: Freeman George
Krismas: (20) man
Adres: P.O. Box 326, Tabubil, Western Province.
Save laikim: Go lotu, singim lotu singsing na senisim ol presens.

Nem: Franes Ingoyio
Krismas: (17) man
Adres: Kanabea John the Baptise Primary School, P.O. Box Kanabea via Kerema, Gulf Province.
Save laikim: Pilai gems, go lotu, tok stori wantaim pren laik long stadi na ritim buk, harim musik na pilai guitar.

Nem: Dominic Didiyo
Krismas: (16) man
Adres: Kanabea Primary School, P.O. Box 29, via kerema, Gulf Province.
Save laikim: Pilai gems, helpim papamama, ritim niuspepa, raitim leta, go lotu long Sande, harim musik, harim tok pilai.

Mi gat laik long marit gen na mi wari

bai wokim gutpela pasin long mi. Mi no laikim bikhet pasin bilong ronawe.

Ol papamama bilong meri i no save yet long prensip bilong mitupela. Mi laik bungim ol tasol mi pret nogut ol no inap long laikim mi long maritim pikinini meri bilong ol. Bipo mi bungim pikinini meri bilong ol, mi bin marit tasol dispela i nogat nau.

bihainim long bungim ol papamama bilong meri na tokaut na plenim rot we yupela bai bihainim long bungim ol papamama bilong meri na tokaut long nius na plen bilong yutupela. Narapela samting em meri i ken toktok long ol (papamama) em yet o yu wan yet i ken toktok long ol o yutupela wantaim i ken go wantaim na bungim ol.

Bai gutpela long tok klia long ol olsem yu bin marit pastaim tasol insait long tripela krismas nau yu gat strongpela laik long pikinini meri bilong ol. Yu wokim dispela, bai ol lain i luksave long yu. Na dispela bai i soim tu olsem yu no laik haitim wanpela samting na dispela bai kliaim tu tingting bilong yu taim yu tok tru.

Sapos papamama bilong meri les na ol i no laik harim ol toktok bilong yu, orait, yu ken weit inap ol i luksave long yu apstaim. Sapos ol i askim yu, go het na stori long ol tasol sapos ol i laikim yu long lusim haus, bihainim dispela tasol traim gen bihain.

Tingim, sampela papamama bai kisim taim long luksave

olsem ol pikinini bilong ol i mas groap na marit. Bikos long dispela na bilip long pasin kastom na kain sindaun bilong ples, traim na luksave long ol tingting bilong ol.

Sapos papamama bilong gel-pren i gat bilip long yu na yu luksave long ol tingting bilong ol, ol bai wanbel long yu na ol tingting bilong yu.

Dispela ol samting bai i no inap long kamap kwiktair, tasol i moabeta long weit sapos bikpela laik bilong yu em long gat haus na meri i stap long en.

LAIPLAIN

Sapos yu gat wari na hevi, orait rait i kam long **LIFELINE**, P.O. Box 4067, Boroko, o yu ken ringim mipela long telipon namba 2160011. Taim yu rait, putim trupela nem na adres bilong yu bikos bai mipela salim bekim gen long askim bilong yu. Long dispela kolom, mipela i save toktok long ol samting we i save kamap tru. Tasol mipela i no inap long autim trupela nem na adres bilong yu.



DIA LAIPLAIN,

Taim mi wok long asples provins bilong mi tripela krismas i go pinis, mi bin poromanim wanpela yangpela sumatin meri. Mi bikpela long en long foapela krismas.

Mitupela i wokim prenpasin na mipela i laikim tru wanpela arapela. Mipela i laik marit tasol mi laik wet inap em i pinisim skul bilong em. Na em i kamapim gut tingting bilong em.

Orait, meri nau i pinisim skul bilong em na em i laikim bai mitupela i ronawe na marit. Tasol bai ol samting i no-inap long stret tumas yet bikos bai mitupela i no stap wantaim. Na mi no laikim dispela. Mi laik bai mipela i stap wantaim na meri

PATJENT

DIA PREN,

Mipela i wanbel olsem i no gutpela long yutupela ronawe na marit tasol i mas gat narapela rot long bihainim na stretim dispela samting.

Namba wan samting we yupela i ken mekim em long bungim ol papamama bilong meri na toksave long prensip bilong yutupela.

Bihain long yu i auti tingting long laik long pikinini bilong ol na bihain taim bilong yutupela, em bai yu save long trupela tingting bilong ol.

Tasol yutupela yet i mas tok-tok na plenim rot we yupela bai



BENK BILONG PAPUA NIUGINI

PABLIK NOTIS **KWIK MONI SKIM**

I NO GAT AS long ol paul toktok em ol lain i go pas long kwik mani skim i mekim nau we i tok ol i no inap baim ol pipel bikos Benk bilong Papua Niugini na Gavman i pasim rot.

Benk bilong Papua Niugini i givim oda long ol dispela skim i mas bekim mani bilong ol pipel na Benk i givim tok orait long opim akaun bilong ol long ol komesel beng.

Tasol ol dispela kwik mani skim i no harim tok bilong Benk bilong Papua Niugini na givim ripot bilong wok bilong ol. Na tu, i no gat wanpela skim i soim Benk olsem ol i gat mani long Papua Niugini o ovasis long baim ol pipel.

Namba tride long wik igo pinis wanpela skim i tokaut olsem ol i wetim tok orait bilong Benk bilong Papua Niugini long bringim mani bilong em yet i kam long ovasis na baim ol pipel. I no gat lo i stopim ol long bringim mani i kam. Sapos ol dispela skim i gat mani, orait ol i fri tasol long bringim i kam insait long laik bilong ol, BPNG bai i no inap stopim mani i kam insait.

Ol lain i promotim dispela skim i wok long paulim toktok bikos: ol i no gat mani long bekim mani bilong ol pipel. Ol dispela skim i no gat mani olgeta.

Ol dispela skim i brukim lo. Na Benk bilong Papua Niugini i strong nau long lukim olsem lo i mas givim mekimsave long ol.

Husat ol pipel i laik kisim bek mani bilong yupela, orait mobeta yupela kotim ol dispela lain i go pas long skim.

Benk bilong Papua Niugini

3 Februari, 2000


KANAGE

"Em nan, narapela wik bilong mi ken?"



HEY, PAPS KANAGE... YU SAVE LONG MININ BILONG P.T.C. TU?

AAH SANIBOI! YU NO SAVE, AH? P.T.C I MIN OLSEM PRANIS TAKOLIM CLARA!



JADA 2000!

Kanage em bilong Is Sepik provins. Wapela taim Kanage givim bel long wapela meri na papamama bilong meri ya i kirap kotim Kanage long ol kaunsil na komyniti bilong ples. Ol kaunsil na komiti makim wapela Sande long bun na toktok. Orait ol i salim tok long Kanage olsem long dispela Sande bai yumi bung na toktok. Orait long dispela Sande stret ol bung na ol i toktok. Orait kaunsil i askim meri, yu ting bai yu maritim man ya, meri tok, yes kaunsil bai mi maritim em bikos mi west-im bikipela mani tru long em, papa bilong em i harim na bekim olsem. O o yu lusim bikipela mani ya. Em yu braty braifings, braifings, braifings, ol manmeri harim dispela na ol i lap idai stret na sem taim kot i dismis.

**George Moses
Bulolo**

Kanage em manki PS na em i stap long Simbu provins. Na em man bilong pilai kas na winim mani. Wapela taim em i go pilai kas wantaim ol meri Simbu na em i rekim mani bilong ol wansait. Em nau Kanage i amamas na i wok long singaut olsem, yu save manki PS, yu save manki PS. Ol meri Simbu i harim Kanage i singaut olsem na ol i bekim gen na singaut long em olsem, manki PS nogat sem bilong yu, manki PS nogat sem bilong yu. Kanage i harim olsem na em i bikmaus na apim laplap bilong em. Na em i tokim ol meri Simbu, olsem. Em "yah" mi nogat sem yupela yet lukim. Ol meri Simbu i lukim tulait i bruk antap stret long het bilong wara Sepik. Na tu ol i lukim wilwil i hangamap, na tu ol i ting ol i stap long PS kantri. Tasol nogat "yah" em vidio so bilong Kanage tasol

**Joseph Saransil
Lae**

Kanage ya bilong Yauluwape long Lumi. Kanage kirap baim balus na i go long Vanimo. Kanage i go nau lukim pikinini bilong em wok long Vanimo Fores Prodak. Wapela taim long Sarere Kanage i go raun i stap na em hot nogut tru. Kanage i hariap i go long haus tromoi bilum i stap. Em i go insait long rum waswas. Kanage lusim trausis bilong em tromoi antap long timba. Kanage mekim save waswas. Em nau Kanage waswas pinis. Em kism tauwel na klinim wara long bodi bilong em. Taim Kanage sanap insait em lus tingting long trausis. Kanage putim tauwel long nek bilong em na kam ausait lusim woksop na i laik go insait long haus. Kanage i as nating taim ol

meri i sindaun long maket taun ya ol lukim Kanage ya as nating. Ol meri singaut na lap nabaut. Ol kirap na tok lukim Kanage wantaim tupela plisman na geit kipa ol go insait long haus nau. Kanage harim ol ya, man Kanage kirap na tok yu save manki long bus nogut long taun.

**Terence Eld Oxey
Lumi**

Kanage bilong Kainantu na em i save stap wantaim wapela manki husat i feilim skul bilong em long yunivesiti na i kam stap long ples. Man Kanage wantaim dispela manki, tupela i save pas gut tru na i save wokim ol samt-ing wartaim. Wapela taim dispela wantok bilong Kanage i tingting long kirapim sampela kain projek long hap bilong em tasol pes ting, em i laik pulim telepon i kam long haus bilong em na em i askim ol PTC long kam tokim em. Taim ol PTC i go kamap pinis sem taim Kanage tu i go kamap. Kanage i lukim-ol leta's P na T na C long sait bilong ka na em i kirap nogut tru na tok, ol Patrick o nogat, yu wapela rong manki stret i kism meri Clara i kam long dispela hap bilong mi. Wantok bilong Kanage i no harim gut wanem Kanage i tok olsem na em i askim em long tok gen. Kanage i tok, sori brata, haus bilong mitupela i no ragbi fit, em bilong slip ya. Nau em i tokim wantok bilong olsem, PTC i min olsem Patrick Takolim Clara na man yu no tingim mitupela na ya laik putim ol long haus. Trangu ol PTC harim dispela tok Kanage i mekim na ol i lus nating.

**Dorothy Akifa
Kainantu**

Kanage i sindaun aninit long wapela Talis diwai a harim miting i stap. Kaunsil na sampela lain long ples i wok long stretim sampela paul toktok. Orait sampela ol skul bois bilong ples i wok long yusim wapela wod olgeta taim ol i laik toktok. Dispela wod em measuring. Orait Kanage putim han i go antap na askim ol skul boi long tokaut long dispela wod measuring. Ol skul bois i tok "measuring" i olsem "as" em tok tok yu laik mekim i mas i gat as. Orait Kanage harim pinis na em

sindaun i stap. Longpela taim bihain em putim han i go antap na em tokim kaunsil olsem. Ating miting mas stop nau mi sindaun i go na measuring bilong mi pen pinis. Em kirap tasol na das i go long haus.

**Nick Null
Aitape**

Kanage em wapela wokman bilong Vanimo fores. Wapela nait, em givim string bilong em na wokabout i go long kampani bris. Taim papa Kanage kamap long bris, em lukim ol man i laitim lam, na sindaun huk i stap, so baga isi tasol i go na kism wapela hap kona i tudak. Kanage putim abus long huk na tromoi i go, i no long taim na traipela pairap i kamap long si. Taim ol man i tanim long sekim husat i tromoi dispela string, aste yet. Kanage hait pinis: na tu, dispela string na bolt, i no pilai, em traipela stret bilong pulim sak, so Kanage pulim string i kam na laik sekim, tasol string i strong tru, baga ting wapela sak, tasol nogat, em lukluk i go daun na lukim taia bilong ka i pas long huk, man." Em belhat nogut tru. So em rausim taia, putim nupela abus pinis, na em stat long raunim string olsem propela bilong balus, na taim em i lusim string i go." Dispela, liiki finga i distebim string na string wantaim bolt i kam givim gutwan long pes bilong em." Baga givim bikipela pen stret. So em givim naip bilong em na katim ol string i pas long nek bilong em, brukim botol string na tekov i go long haus, na i no moa kam bek huk gen.

**John Henry
Vanimo**

Kanage bilong Sandaun tasol em i stap long sampela hap bilong Rabaul, Is Niu Briten provins. Long taim bilong kefiu na lapun Kanage em paul olgeta na kirap wokabout long 10.00pm i go long taun na lukim wapela Wantok bilong em. Na taim em wokabout yet long rot em harim enjin bilong ka na lait bilong ka kism em pinis. Na kirap nogut lapun Kanage tingting ken long taim bilong kefiu na toktok isi isi long em yet olsem ol plisman bai holim em nau. Na taim ol plisman ron i go klostu long em na lait bilong ka i go pas na kism wan-

pela mama wokabout i go pas long Kanage. Na dispela mama ya em wantaim man bilong em kros pait long haus na em ronawe bihainim rot i go. Lait bilong ka kism dispela meri ya na Kanage lukim em pinis. Na plis ka kam stop klostu long lapun ya na askim em. You save long taim bilong kefiu tu? Na Kanage kirap na bekim toktok bilong ol plisman. Mi save tasol dispela meri ya liiki kros bilong mitupela long haus tasol em kirap ronawe kam olsem na mi bihain em kam. Na taim ol plisman harim em tok olsem na ol tokim em yu i go kism em na yutupela i go bek long haus nau em taim bilong kefiu. Na ol plis lusim em na ol tekov i go. Na dispela meri ya man bilong em i kam bihain long em long kism em i go bek long haus. Na Kanage kirap toktok isi tasol long em yet olsem wari bilong yu, yu i go we save pinis em i go bek long haus nau. Na Kanage lek pas long as bilong em na boi das long haus.

**Benkal Keyal
Vanimo**

Kanage i bilong Wali kantri long Madang. Tupela lapun meri bilong em i stap i go na em i laik lukim pikinini meri bilong tupela long Mosbi na em kism balus long hap yet na i go daun long Mosbi. Yes, long rot insait long balus. Ea hostes i givim ti long ol. Na taim em kam long Kanage, em askim yu laikim wanem ti o kofi o milk. Na paps tingim i go na tok milk ha. Na ea hostes tok wanem ti yu laik dring wantaim susa. Na paps tok susu tasol planti man ya bihain pastaim. Sori tru paps nogat sans long dring ti na balus i go pundaun pinis long Mosbi. Na olgeta manmeri i go ausait pinis na Kanage em kism las sit. Olsem na em las man stret long kam. Long dua we em askim ea hostes. Na yu tok ya. Mi laik dring nau. Wanem? Susu bilong yu ya. Trangu em belhat nogut long paps na sem taim yet em ringim plis. Na ol plis kam paitim em nogut tru na trangu em gutbai wantaim na tok. Sori hosi taim mi laik i go bek bai mi dring na pilim i go ya. Na plis ka i sut stret long plis stesen.

**Phillip Koupa Yama
Lae**


Kanage i wok olsem gaden boi long haus bilong wapela waitman long Mosbi. Em i save stat wok long 5am na pinis long 6pm. Long wapela apinun em i pinisim wok bilong em na wokabout arere long rot i kam. Tupela ka i kam bamp klostu tru long ples we Kanage i wokabout long en. Kanage guria nogut tru na bikmaus strong tru. Taim em i mekim olsem i stap wan tu tasol plis ka i kam kamap long ples we 8-pela ka i bamp long en. Taim Kanage lukim ol plis ka i lain hap na stop klostu long em, em i pret nogut na skin lek han guria wantaim lukluk strong long pes bilong ol plisman ya. Ol plis ya kam ausait long ka na askim Mista Kanage. Tupela ka ya, bamp olsem wanem? Yangpela Kanage ya kirap nogut na tok, "em mi tasol," olsem yu tokim mipela stret, hau tupela ka ya i bamp? Yang Kanage ya i tok. Wapela ka mas siksti kam olsem. Wapela ka mas siksti kam olsem. Tupela mas bamba, draiva mas dai. Taim ol plis i harim dispela ol i aut nogut tru na tekov.

**Gore Rodney
Boroko**

Kanage i bilong Sandaun, Kanage i stap na lukluk long pailot na ol ami i wok long flai long Parasut kam daun. Na Kanage i laikim tru parasut bai em tu taim. Wapela taim paps Kanage i tokim Misis bilong em na tupela i go raun long taun tupela raun long olgeta stua painim parasut i go na em i lukim ambrela na em i kism wapela na wantaim Misis bilong em i go long haus kism 4-pela bikipela ston hangamapim long 4-pela kona bilong ambrela. Kanage i tokim Misis bilong em long klinim wapela longpela kokonas. Kanage i karim ambrela na i go antap long kokonas holim em yet pinis em i tokim Misis kolim 1, 2, 3, bai em i kalap i go daun. Orait paps Kanage i stat 1, 2, 3, go em i kalap wantaim ambrela i kam daun ambrela i bruk na Kanage i kam daun wantaim 4-pela bikipela ston. Sori tru paps Kanage idai pinis Misis i kra i go long haus.

**Bill Matson
Vanimo**

KANAGE



Kanage em i wanpela lapun man bilong ples long Angoram distrik. Wanpela moning lapun Kanage i sindaun long haus boi i stap. Na ol liklik manki i pilai pilai i kam long rot na ol i lukim lapun Kanage i sindaun long paia i stap. Na wanpela liklik boi i tok, mipela i go insait sindaun wantaim em. Ol i go insait sindaun wantaim em. Na boi ya i askim lapun Kanage sapos em i gat sampela stori. Na lapun Kanage i tok, o liklik boi, mi gat planti stori long tokim. Na lapun Kanage i stori long taim bipo em i bin yangpela. Taim em i stori pinis em i laitim liklik hap bilong Mutrus. Na em i laik pulim tasol em i kik long lapun Kanage. Em i kus na i kus nogut tru na i tok. Holim Misis Sakias is paiting the is mother. Em nau ol liklik manki i lap na i lap na wanpela boi i kapupuk. Na lapun Kanage i tok. Yakaiya plis, Japan i pairapim bom bilong em nau. Yagana i ronawe go long haus bilong yupela. Na olgeta manki i kirap na ronawe go nabaut long haus bilong ol.

**Kenneth Baiyet
Ambunti**

Wanpela moning Kanage i go raun long maket long Vanimo yet. Em i go raun i stap na em i harim ol mama na ol yangpela meri ol wok long bung na toktok i go i kam long mining bilong Y2K. Sampela ol mama na yangpela meri ol i tok rinin bilong Y2K em olsem "Year 2000 kingdom," na sampela ol i tok "Yes To Kina," na sampela ol i tok "years 2 kam." Kanage i harim i go na em belhat nogut tru na em i tokim olsem. Yupela i givim em i no tru. Mining bilong Y2K em i isi tru. Ok yupela ol longlong mama na meri, harim na bai mi tokim yupela mining bilong Y2K. Mining bilong Y2K em i olsem yes to Kanage. Na taim ol i harim olsem ol lap nogut tru na tokim Kanage olsem yu wanpela paps stret. Na Kanage harim olsem na bekim long olsem "You all look like me" na em tekov.

**Rassel Sap
Vanimo**

Kanage i save wok olsem ambulens draiva long Hagen haus sik long wanpela nait wanpela wasman bilong wanpela sik meri, em i nogat rum bilong slip. Em i go, insait long ambulens na kilim skin long slip i stap. Nau long 4 kilok moning wanpela telipon i kam long ples balus Kagamuga olsem wanpela mama i laik karim. Dokta i tokim Kanage long ron i go long Kagumua na Kanage siksti i go daun na long namel long rot wasman ya kirap long slip na em i mekim nais. Kanage lukim pinis long glas visen mira na em i save olsem wanpela devol o tambaran i mas stap insait long ambulens. Em i stopim ka na kalap i kamaut. Na semtaim wasman i ting olsem i gat rot blok long rot na em i bihainim Kanage na tupela i ron long dabol kofi plentesen i go daun long haus bilong ol meri

Yamuga. Kanage i brukim dua bilong wanpela haus na go insait na wasman bilong haus sik i bihainim em i kam insait na kwiktaim em i kisim tamiok na i laik katim em, tasol em i tok em i no tambaran na Kanage i krosim em nogut tru, em lusim em long hap na draivim long Rembo. Em i bungim gelpren bilong en, na kwiktaim meri putim han bilong en long trausis poket bilong en tasol poket i go daun moa yet na meri i holim malio na kwiktaim. Em i rausim han bilong en. Kanage kirap na tokim meri yu kisim mani ahl Meri ya sem pipia na tekov.

**John Pi
Mt Hagen**

Kanage bilong laiibu em marit long Tari. Wanpela taim em draiv i go long Tari. Klostu long Tari i gat wanpela bris i stap. Wanpela waitman i stap long Tari na draiv i kam. Long bris tupela i bam. Na ka bilong Kanage i nogat bampa na ka bilong waitman i gat bampa. Na ka bilong Kanage i liklik olgeta. Na waitman i kamaut na i tok yu so op long bris. Na Kanage i kirap na i tok, yu tu long bris. Na waitman i tok what you say. Na Kanage i kirap na i tok. Dok kaikai pik na mi ronim dok long ka na mitupela i bam. Waitman ya kilim skin long bris ya i no isi isi.

**Johnson Lombil
Pakule**

Kanage em man bilong bus. Wanpela taim em i go long haus bilong pikinini meri bilong em i marit long Hagen. Long apinun pikinini meri bilong em i pinisim wok na kam long haus. Pikinini ya i kukim Kaukau na rais. Na em i skelim rais na kaukau. Na wokim traipela kap ti bilong Kanage. Kanage em i hangri tru stret. Na em kaikai kaukau ya i no isi isi. Na kaukau i pas long nek i no isi isi man em hat long pulim win. Em painim wara tasol wara nogat. Man em apim traipela kap ti ya. Man lewa bilong em kuk stret. Man em krai ya i no isi isi. Pikinini bilong em askim em. Yu krai long husat. Na Kanage i tok mi kaikai gutpela kaikai na mi wari long lapun meri bilong mi kaikai kaukau long ples na mi krai long dispela. Pikinini ya i kilim skin long lap ya i no isi isi.

**Johnson Lombil
Pakule**

Kanage bilong kol ples Pombomeri insait long Gembogl eria, Simbu provins. Wanpela taim Sarere em i go spin long Goroka taun. Em long pe wik na ol sampela strit manki i bin tokim em olsem bai i gat disko antap long Mt Kiss. Em nau tudak i bruk na olgeta i go mekim save long danis i go tulait. Ai bilong baga ros Kanage i ret nogut olgeta na em wokabaut i kam, yu save em manki bilong ples ya! Na tu wanpela meri i wokabaut i kam pas long Kanage. Taim bilong ren tu na graun i wel nogut tru. Meri ya i laik tanim bek na lukim Yanboi Kanage tasol abrus na pundaun antap stret long graun malumalu. Sket bilong en i palai antap na liklik trausis bilong en i stap nating. Olo man Kanage i pilim ai slip na kam ya. Tasol nogat. Lap kisim em stret na hariap tru bikmaus na tok. Samting tru bilong narapela man ya, plis larim i stap olsem 2 minits nabaut na mi ken lukstil liklik.

**Joseph Silku
Kundiawa**

Kanage em i wanpela manki blak wata long hap bilong Is Sepik provins ples bilong Kanage na ol narapela ples tu i no i stap longwe. Ol ples i stap klostu klostu stret long ples bilong Kanage. Wanpela meri i gat laik long Kanage. Na meri ya i gat bikpela laik tru long maritim Kanage olsem na meri kirap long bikpela nait yet na kisim kanu na pul i go kamap long ples bilong Kanage. Long dispela taim Kanage i slip pinis na meri i go kamap. Meri ya i go tasol na knok long haus dua bilong Kanage. Kanage i slip idai stret olsem na em i no harim meri ya nok, bihain Kanage slip tanim stret na harim meri ya knok. Kanage kirap askim yu husat, meri ya bekim tok. Mi ya pren meri bilong yu. Mi kam long yu nau bai yumi marit, Kanage kirap tokim meri ya, yu go bek long ples bilong yu, mi na salim tok long yu kam yu go bek, meri harim olsem na tanim bek na go long ples bilong em. Bikpela nait pinis nating long em i go tulait long em i go kamap long ples bilong em na wanpela bikman i askim em. Meri yu go we na yu kam kamap long bikpela moning tru. Meri ya tok nogut mi go long Kanage tasol em i no laik na mi kam bek, na bikman ya i tokim meri ya olsem, harim, Kanage em i yangpela man tumas na nogut

em i pilaim keset nating nating long yu. Sem taim ol manmeri kirap long bet bilong ol na ol i harim stret na ol i lap idai stret.

**George Moses
Bulolo**

Kanage em i wanpela man Makam bilong Morobe provins na em i wok meknik long Haiwe Motos long Lae. Wanpela taim em i bisi tru long rausim ol long dip bilong ka na oil i no isi. Ovarol oil long na han bilong em, i pulap long oil. Em wok i go na long bilo Kanage i hangre bikos em i no kaikai long moning. Em lusim tuis na tekov. I go long wanpela stua klostu long woksop. Taim em i go kamap em i lukim kaunta bilong stua i pulap long kankain manmeri. Namel long dispela lain manmeri wanpela meri Kerema i sanap na i bilas gut tru na i welim skin bilong em long wanpela kain wel we i smel narakain stret. I luk olsem Kanage i nogat spes long baim kaikai olsem na em sanap beksait long meri Kerema na apim han bilong em long gwim mani long stua-kipa bilong baim kaikai. Meri Kerema i smelim oil na i lukim Kanage i sanap wantaim doti ovarol na i tokim Kanage olsem. Plis noken kam moa klostu long mi. Nogut longpela trausis na blous bilong mi bai i doti na tu smel bilong wel bai i pinis. Kanage suruk i go bek na i tingim stua we meri Kerema i baim wel long en. Em tingim pinis na tokim meri olsem kain bilong ol meri Kerema ya. Mi no ting yu meri. Yu haus kemis ya. Meri Kerema i tanim na i tokim Kanage olsem. Yu fit man na rait man. Tasol i luk olsem yu tu no no man. Yu doti woksop tasol ya.

**Pita Marasin
Mt Hagen**

Long papa Kanage em wanpela kapenta boi bilong misin. Na em i save mangalim wanpela sista meri. Nau Kanage i ting long pren wantaim em, ok em i stap nau wanpela taim em wokim pinis na go putim aninit long pilo bilong sista meri ya. Na wanpela man tu i raun raun i go na i apim pilo bilong sistameri ya na lukim wanpela botol, em hapim lukim pinis na em putim bek. Na taim em i laik go long haus, tingting bung. Man ya i laikim olsem em i mas maritim Kanage. Na long haus Kanage tu i waswas redi pinis na i laik go

lukim sistameri ya. Tasol bihain em i harim nok long dua na em i opim dua na i lukim man ya. na em i askim. Yu laik go we. Na man ya i tok mi kam long maritim yu. na Kanage tok yu longlong na kam long maritim mi ah? Yu longlong pik. Kanage tekov.

**Philimond Stuart
Wewak**

Kanage em wanpela manki Sepik na em i stap long wanpela setolmen long Lae ol i kolim Tent Siti. Wanpela Sande em askim gel pren bilong em bai tupela inap go long danis long nait. Ok long nait tupela danis i stap na Kanage pilim pekpek na i go aut long pekpek. Taim em i lukim kaunta bilong em painim pepa, na yu save aninit tu ya. Orait em putim han i go na kisim wanpela lip i gat anis na klinim. Taim em kam bek na danis i stap anis bagarapim sindaun bilong em stret na em wokim kankain stail. Na gel pren bilong em askim em, na em i tok. "So yu stap isi yu no save, dispela em rok en rol bilong ol Sepik ya." Taim danis pinis na Kanage i go long haus em lukim olsem olgeta skin i pinis long as bilong em.

**Kelly Yambu
Lae**

Kanage em bilong Lumi, Sandaun provins. Em save wok wantaim Woks Dipatmen olsem wanpela meknik. Long wanpela Sarere moning em wantaim pikinini man bilong em lasman tupela i go katim kapiok long painim binatang. Kanage katim kapiok pundaun pinis na painim binatang na givim long lasman long bungim wantaim. Taim tupela i bungim wantaim pinis orait Kanage i tokim lasman olsem tupela bai go long haus nau. Tupela i go kamap long haus na paps i kukim binatang long bikpela sospen. Binatang i kuk pinis na paps Kanage i serim long tupela plet na tupela i stat long kaikai. Pikinini lasman i tokim paps Kanage long noken kaikai ful binatang em i mas kaikai haphap. Lasman lukim paps mekim i go na em i belhat nogut tru na tokim paps olsem. Lapun paps tanim het i kam, mi kilim yu na mi go kaiabus. Paps Kanage i belhat nogut tru na kisim kanta na em i wipim lasman i go inap em i pipis na pekpek long trausis.

**Robin Poku
Aitape**

Rausim ol maket long opis ples

Dia Edita,
Mi salim bikpela tok tenkyu i go long gavman na tu long olgeta pipel bilong Mendi Sauten Hailans. Wanpela bikpela samting olsem Seven stori haus i kamap pinis na ol bikman long olgeta hap ol bai kam lukluk long haus na raun long opis bilong ol gavman. So wanpela samting yupela sampela manmeri salim buai na simok, pilai kas, mi no wanbel long dispela pasin. Traim na pasim dispela maket long dua bilong opis. Sapos yupela laik maket orait yupela mas i go daun long maket.

Dispela pasin yupela mekim i stap em i no gutpela. Sapos yupela i gat rispek long gavman orait rausim dispela maket. Tenkyu long harim tok.

Em tasol mi lukluk i no gutpela na mi tokaut. Yu husat sapot o engensim orait yu rait tasol bai mi lukim.

Charlie N-Emil
Mendi

**Sekyuriti
i nogat rait
long tasim bodi**

Dia Edita,
Inap yu givim mi spes long Wantok Niuspepa long putim liklik konsen bilong mi.

Mi rait long sapotim dispela toktok Bishop bilong Rabaul i mekim we em i kamap long EMTV nius Mande 11/10/99.

Em i tok long ol sekyuriti bilong ol stoa sanap long dua na sekim bek na poket bilong ol manmeri long sekim ol stil samting we em i no gutpela tumas.

I gutpela moa sapos ol sekyuriti putim ai long ol kastoma insait long stoa long lukim ol stil o nogat. Mi tok olsem bikos sampela taim ol sekyuriti i save holim o tasim susu bilong ol meri na ol i save tasim ol arapela hap bilong bodi bilong ol manmeri.

Sapos yu lukluk gut, ol sekyuriti i no save sekim ol bikmanmeri olsem ol politisen. Ol sekyuriti i save ting olsem ol i no save stil tasol mi laik tok sori olsem sampela bikmanmeri olsem ol politisen i save paulim tausens na milions ov kina bilong ronim kantri bilong yumi.

Ol i save yusim dispela mani mekim bisnis bilong ol na pulapim bel bilong ol. Turangu sekyuriti i no save olsem memba ya save stilim/paulim mani bilong em na em i save lukluk long ol grasruts bai stil. Mi bai amamas tru sapos ol sekyuriti tok strong long ol membas long palamen long yusim gut mani bilong kantri.

Taim God i wokim ol manmeri, em i no tok olsem mi wokim ol grasruts long stil olgeta taim na ol bikman logn kamap stretpela olgeta. Ol i save yusim wanem kain lo long sekim ol grasruts tasol. God papa i wokim yumi manmeri olgeta stretpela manmeri tasol yumi save bagarapim yumi yet. So ol i mas sekim yumi olgeta wantaim ol memba o noken sekim yumi olgeta. Ol memba ol i no God na bai yupela salim ol i go fri.

Justin Vari
Pundia village
SHP

Ol Finsafen plis kisim tok salens

Dia Edita,
Mi laik mekim komplek bilong mi i go long ol plisman bilong Finsafen. Mi ken tok klia na tru olsem ol plisman long Finsafen i no mekim wok bilong ol gut.

Planti raskol pasin i kamap, ol man i salim spak brus o drag, na planti hevi olsem i kamap na mipela ol pipel bilong ples i tok save long ol plisman i no tek eksen. Pasin bilong salim spak brus i kamap bikpela tru long ol ples wanwan insati long Finsafen distrik.

Ol man na ol yangpela i baim dispela spak brus na smok na mekim nabaut long ol man na meri wantaim. Sampela ol lain i save salim drag i wok long grisim ol yangpela manmeri long skul na givim ol dispela spak brus. I no long taim na ol papa long wanpela ples i bin salim tok i go long ol plisman long sekim na askim ol lain i save salim drag na ol i no mekim. Ol papa i bin salim nem bilong ol drag dilas tu, tasol i nogat wanpela eksen i kamap.

Mi askim yupela plisman olsem, sapos yupela i no tekim wanpela eksen na mipela i paitim o kilim i dai wanpela lain i save salim drag em i rong bilong husat? Bilong mipela o bilong yupela? Mipela i putim ripot i go na yupela i no tek eksen. Em tasol liklik pas bilong mi. Sapotim o engensim i stap long yu wanwan.

O. Masere
Finsafeni

Sissano Lagun em bilong ol Barapu

Dia Edita,
Mi wanpela mangi Barupu mi laik bekim pas bilong dispela mangi Arop.

Bekim bilong mi i go olsem. Yu bin tok olsem dispela lagun em i bilong yu Arop, tasol dispela em i bikpela giaman stret bilong yu dispela mangi Arop i no save long histori bilong em na bilong mi Barupu tu wantaim.

Dispela lagun em bilong mi Barupu, because mi save olsem yu

Arop yu lain man kam long bus. Yu tok nem Arop, em bilong yu, tasol dispela nem em Barupu yet i givim yu. Dispela nem long tok ples bilong Barupu yet i no bilong Arop. So mi sem tru long pas bilong yu ya brata. Sem stret ya.

Travadauns
Kuri Mate Dust

Kolim tasol Barupu lagun

Dia Edita,
Mi mangi Barupu mi tok stret olsem Arop na Sissano i paitim bros long lagun. Mi Barupu mi tok stret inap yu kolim nem bilong dispela man i stap long hol na tu inap yu kolim nem bilong lagun.

Arop painim histori bilong yupela i kam long we.

Mi Barupu mi save olsem em lagun bilong Barupu.

Bikos Arop wantaim Sissano mi sem stret ya long paitim bros long lagun. Barupu i stap isi na harim tok-tok i kam long Wantok Niuspepa mekim i sem stret tru tru. Yu tok lagun bilong yu Arop. Inap yu tokim mi wanem samting yu wokim na lagun i kamap. Brata long Arop na Sissano yupela dring susu yet.

Mi Barupu mi save olsem lagun bilong mi. Yu laik save long mining bilong Barupu.

BA em pis, RU em pisin, PU em win, nem Kabela Morove, Barupu ples, Sandaun provins.

Frank Misina
Aitape

Makim Sepik man long kamap Edministreta

Dia Edita,
Mi wanpela mangi i save gat laik long ritim Wantok Niuspepa bilong yumi ol PNG stret. Hia em wanpela bel hevi bilong mi, mi laik autim bai olgeta pipel i ken skelim. Bel hevi bilong mi em hia. Bilong wanem na Is Sepik Provinsel Gavman i kisim ol saveman bilong arapela provins long kam wokim edministresen wok bilong provins? Ating Sepik yet mas i nogat save man yah?

Man, Sepik yu tok long ol toilet klina i go antap long Prait Ministra em Sepik i ken wokim samting.

Plis traim givim spes long mipela Sepik yet. Mipela i no hap taro o kaukau, man edukesen i kam na i go pinis.

So husat laik sapotim o engensim rait tasol long Wantok niuspepa na bai yumi skelim.

Abbie Hannsco
Wewak

Senisim memba bilong Ambunti Drekiakia

Dia Edita,
Mi laik sapotim tingting bilong Peter Dreks bilong Lae wantaim tingting stap antap long senisim lida o memba bilong Ambunti Drekiakia.

Tru, tru mipela ol pipel bilong tupela ilektoret i no save nau, ating memba stap o dai pinis. Plis sapos yu ting yu no fit long makim pipel na bringim sevis ok tok klia na yu step

daun. Ol narapela man yu winim stap. Mipela pipel bilong tupela ilektoret ya no laik bai yu kamap ti boi long palamen haus. Em tasol liklik tingting bilong mi na husat i laik sapotim o engensim em rait tasol bai mi i ken lukim.

Richie P. Yapi
Wewak



Sapos yu laik salim ol pas bilong yu i kam long dispela niuspepa. Salim i kam long dispela adres:
THE EDITOR
WANTOK NEWSPAPER
PO BOX 1982, BOROKO,
NCD.

• Rausim ol maket long opis ples na ol bas stop!

I no meri Tari/Simbu tasol i save salim buai long Kimbe taun

Dia Edita,
Mi wanpela mangi Simbu, nau mi stap long Kimbe. Mi mangi bilong baim Wantok niuspepa, na save ritim. Mi laik sapotim Igiri Simai Tomiap long pas em i bin engensim Peter Table Kaupa long Wantok niuspepa long Novemba 6, 1999. Em i tok long ol meri Tari na Saut Simbu meri tasol i wok long salim buai na smok, na save bagarapim Kimbe taun. Mi laik sapotim Igiri Simai Tomiap bikos dispela tok em i no trupela tok long ai bilong mi. Yupela ol meri Telasia na ol meri Arowe save salim buai na smok long stua sait.

Mi mangi Simbu mi save lukim ol tu ia. Plis Peter tokim ol lain bilong yu mas noken spak na bikmaus long taun na brukim botol long pablik ples, na mekim krangi toktok i go kam na i no tingim dispela. Yupela giaman na sutim tok long mipela Saut Simbu na Tari, ah? Na yupela ol asples mangi nabaut pasim ai bilong yupela na go wok gaden i no ken lukim meri Hailans, na so ov long taun. Em tasol wari bilong mi, na mi sapotim brata bilong mi Igiri Simai. Sapos yu husat laik bekim pas bilong mi. Plis rait i go long Wantok niuspepa bai mi ken ritim.

Phillip Bogia
Simbu

Yauwe Riyong kisim tok salens

Dia Edita,
Mi laik bekim, pas bilong brata Gee Wais na kaunsela Benson Teine bilong Kaputeine klen Is Elimbari. Long Wantok Oktoba 7, 1999. Tupela i tok tupela i no lukim memba bilong Chuave Yauwe Riyong i mekim wok senis i kamap.

Yes tupela lida man bilong Is Elimbari. Long 1997 jenerel ileksen i gat wanpela rait man, em the late Buckley Iyarume i sanap long ileksen. Na mi yet i go pas tru na kempen na sapotim em wantaim ol mangi bilong mi. Bikos mi save taim em i win, em inap tru long senisim ples bilong yumi Chuave. Bilong wanem em yet i pikinini Chuave stret. Tasol yutupela lusim brata tru bilong yutupela na kisim olgeta lain bilong yutupela i go long Yauwe Riyong. Long sipsip boks tasol. Em Memba i baim yupela pinis long sipsip boks. Olsem na nau hau bai em i kisim sevis i kam long eria bilong yutupela. Em bai nogat. Taim wanpela

memba i baim man long votim em, na taim em i win bai em pasim olgeta mani bilong wanem em i lusim planti mani i go aut pinis. Man yutupela mas ai pas o. Nau tupela i kra i long wanem em i asua bilong yutupela yet bikos yutupela yet i salim ol pipel bilong yutupela long sipsip boks pinis. Nau em i tulet.

Harim, Iso em salim bet rait i go long Jacob na bihain Iso bikpela brata kamap slev bilong Jacob liklik brata. Jenesis 25:27-34. Yupela pipel bilong Chuave bai kamap slev long graun bilong yupela yet i go long narapela lain, bikos yupela i wok long salim yupela yet long sipsip boks. Brata Benson Teine na Gee Wais lukaut gut. Mi pret bilong wanem mani bilong sevis ya em i redi pinis long baim planti sipsip boks bilong yu na ol pipel bilong yu bilong Is Elimbari.

Bureme Nem
Lae

VAT bagarapim ol pipel long ples

Dia Edita,
INAP yu givim mi likid spes long niuspepa bilong yu, bai mi inap kamapim belhevi bilong mi i go long mausman bilong "Anti-VAT kempen," Luther Wenge Gavana bilong Morobe provins.

Mista Wenge taim yu i stap long Oposisen yu bin opim maus bilong yu na toktok raun long olgeta provins na konim mipela olgeta grasrut pipel long bungim mani bilong baim loya bai kot rausim VAT.

Sori tru olgeta pipel mipela olgeta lus pinis bikos nau yu i stap long Gavman sait na mi i no ting bai yu rausim VAT.

Mi wanpela Fama long ples sapotim tru tingting bilong yu na givim K50.00 kontribusen mani i go long 'Anti-VAT kempen.'

Mi ting Gavana i tok tru. Tasol nau mi i no moa lukim Mista Wenge toktok long rausim VAT, em lus tingting pinis.

VAT kilim mipela ol grasrut pipel long ples, i no yu politisen o topot nabaut. Plis traim tingim mipela ol rut's, mipela i stap na yu i stap memba.

Olsem na Mista Wenge, plis helpim mipela pastaim. Bihain yu tingim yu yet.

Siaman bilong Anti-VAT kempen, mani mipela ol pipel putim ya i stap we?

Inap yu kamaun na tokim kantri, mani i stap we. I no gutpela long yupela giamanim mipela.

Palmer Jal Madang, Madang provins.

Hai Skul fi i go antap tumas long olgeta yia

Dia Edita,
MI LAIK autim wari bilong mi long hai skul fi. Planti taim mi save lukim nius, Gavman i tok long katim ol prais bilong samting bilong stua.

Taim Gavman i statim VAT tex, olsem wanem long ol Hai Skul na Vokesinel na Nesenel Hai Skul. Mi lukim ol skul fi i wok long i go antap tumas na mipela i no inap long baim kain fi olsem. Bikos nau mani bilong skul i go

antap long K500.00 na planti papamama i no baim fi na skul i rausim planti ol pikinini i go bek long ples.

Olsem nau mi laik askim Bodov Gavana na Edukesen Dipatmen long skelim gut na makim ol fi long wanwan yia, na papamama bai i amamas long baim.

Planti papamama i ting mi baim skul bai pikinini bilong mi bai i no kisim wanpela wok.

Planti ol gret 10 na 12 pikinini i raun nating i nogat wok na kamapim planti trabel long siti.

Bikos ol pikinini i wari long papamama bilong ol i lusim nating bikpela mani long baim skul. Sampela ol papamama i no amamas tumas long baim skul long dispela as tasol.

Leo Minink Wosera, Is Sepik provins.

Noken dinau!

Dia Edita,
Mi bilong ples Wrumbanj klostu long Ambunti distrik.

Wari bilong mi em i olsem, ol manmeri stap long ol setolmen na kampaun long Ambunti stesen, olsem em i no gutpela long kisim dinau long beg saksak bilong man long ples. Yupela ol setolmen lain long Ambunti stesen yupela mas pinis long kisim dinau long saksak bilong man long ples.

Bikos em i no man long stesen, nogat em i man long ples. Olsem na em i mas go bek long ples hariap, taim

saksak i pinis. Em mas baim wanem samting em i sot long en. Em i nogut sapos yu holim ol mani long dinau longpela taim tumas, bikos taun na stesen em i ples bilong baim na kaikai long olgeta de. Olsem na mipela manmeri long ples i no wanbel long pasin bilong kisim dinau long ol samting i go long maket.

Sapos yu husat i laik sapotim o egenisim tok bilong mi yu ken rait long *Wantok Niuspepa*.

Eddie Mai Ambunti, Is Sepik provins.

Stretim Tairora na Nombia rot

Dia Edita,
MI WANPELA manki bilong Otara insait long Nombia Kainantu, Isten Hailens provins.

Tasol nau mi stap long Mosbi siti. Mi laik autim hevi bilong ol lain bilong mi long Nombia.

Long mun Septemba long yia 1999 mi kisim holide na mi go long ples. Mi bin go kamap long Kainantu taun na ol pipel bilong ples ol i go salim kofi na baim ol kaikai na ol laik i go bek long ples ken. Mi tu kalap long ka bilong ol na i go. Taim mi go long ka mi lukim rot bilong mipela i bagarap stret stat long Tairora i go olgeta long Nombia.

Rot i bagarap na i gat planti hol tasol ol draiva i save kilim skin bilong ol stret na draiv i go i kam long dispela rot. Na tu ol pasindia tu ol i kisim taim stret,

olsem ol i wok gaden na skin i les na pen. Nogat ol i holim ain na ka i tromol ol i go i kam na ol i skin dai.

So memba bilong yumi long Obura Wonanara Muki Taranupi em i save raun long kain ples olsem na lukim ol rot long dispela hap o nogat? Yu mas raun long kain ples olsem na helpim ol manmeri. I no ol lain taun i votim yu. Taim bilong vot tasol bai yu raun long kain ples.

Dispela em mi yet lukim long ai bilong mi yet olsem na mi putim i go long Wantok Niuspepa. Em tasol na husat i laik sapotim o egenisim em welkam tasol

Tua Beta Mosbi, Nesenel Kapitol Distrik.

Pasin spak bagarapim pablik

Dia Edita,
MI WANPELA manki Simbu. Mi save stap long Asaro long Isten Hailans provins. Planti taim mi save lukim ol manmeri long dispela ples, i save i dring na spak i save bagarapim ol maket, kros pait wantaim ol man long pablik long Asaro, na tu ol plisman. Na lo man long ples i no traim long stopim. Planti gutpela manmeri i laik wokim bisnis, tasol ol i wok long bagarapim.

Mipela ol manmeri stap long maket, baikisim mani na kaikai long we? Long tingting bilong mi yet, taim ol mekim kain pasin, insait long bel ol i kilim pinis man. Dispela kain pasin i no kamap long sampela hap provins. Na ples mi raun long en. Ol dring na spak tasol. Maket samting na stua, ol i save givim rispek.

Long wanem dispela ol samting i sevim laip na sindaun bilong ol man long taun, na long ples wantaim. Em bikpela samting. Em tasol yu husat man i laik sapotim o egenisim rait tasol.

Kume Minigama Asaro, Isten Hailans provins.



• Ol pikinini bilong Som Kindagen skul long Utu, Madang provins i redi long go bek long skul. Gavman mas lukautim gut ol tisa bilong Kindagen skul.

TOKSAVE KAM LONG EDITA

Wantok i prinim nau let bilong ol manmeri wantaim foto we i sori kila pes bilong yupela. Olsem na yupela ken salim tu foto bilong yupela i kam long dispela adres.

Painim Penpren, Wantok Niuspepa, P.O. Box 1982, Boroko, National Capital District.

I no ol Angoram tasol i save askim memba long mani

Dia Edita,
MI WANPELA manki long Angoram husat i no amamas long Shilla Makol i mekim tok sem long ol pipel bilong mi olsem. Ol

Angoram save askim memba tumas long mani.

Dispela tok bilong yu i no tru, yu mas paul yah. Yu yet mas save long man i save askim memba long mani olsem na yu pret na yu tok ol Angoram. Susa neks taim yu laik raitim kain samting olsem, yu mas kolim nem bilong man stret. Susa mi no kros o belhevi long yu mi toksave long yu.

Susa yu harim mipela ol Angoram i no lus long mani mipela gat ol kes krop na mipela save

salim na kisim mani. Mipela i no stap long han bilong memba.

Mi no save yu bilong we. Ating ples bilong yu ol pipel i save dipen long memba. Mipela ol Angoram nogat. Ol lain i save kisim helpim em ol manmeri bilong ol dai pinis na ol man we ol laik statim bisnis.

Dispela ol lain tasol i save askim memba long mani. Em tasol yu husat laik sapotim em yu yet nau.

Constance Malaso Wewak, Is Sepik provins.

Riyong mas senisim Chuave

Dia Edita,
MI WANPELA manki long Chuave insait long Chimbu provins. Mi laik wokim likik toktok long sait bilong memba bilong Chuave, Yauwe Riyong. Long wanem em i bin stap long pa'amen klostu long 25 krismas na Chuave i no senis yet.

Ating olgeta mani bilong Chuave distrik mas go long akaun bilong Mista Riyong. Plis mi save lukim na harim Mista Riyong save tok mi lotu man na save yusim lotu olsem sil bilong em. Mipela ol man na meri long ples, mipela askim yu long noken paulim mipela, long wanem mipela gat bikpela bilip olsem yu bai kirapim Chuave.

Tasol yu no mekim olsem na plis givim nupela mani bilong Chuave bai nupela i ken wokim wok we ol

pipel i laikim long em. Em tasol na yu husat brata na susa laik sapotim mi, mi tok tenkyu long yu.

Simon Parkari Chuave, Chimbu provins.

Vanimo i mas i gat vokesinel skul

Dia Edita,
MI LAIK autim wari bilong mi i go long Sandaun Provinsal Gavman, na nesenel memba bilong Vanimo Green, Micah Wes. I mas i gat wanpela skul bilong vokesinel long givim save long ol yangpela ol manmeri bilong dispela taim long wok mani bilong ol.

Dispela vokesinnet skul mas i stap long sampela hap insait long Vanimo yet. Nau i gat planti ol

yangpela manki na meri i wok long i stap nating, na dispela i nogut tru. Dispela vokesinnet skul i mas lainim wanem samting Sandaun provins i gat long sait bilong wok mekenik, kapenta, plama, didiman, na long draivim ka, ol masin na ol narapela ol han wok tu. Tu i gutpela long statim skul save bilong kisim sififiket long ol kain kain bisnis na ol opis wok. Dispela i ken kisim ol meri husat i pinisim gret 6, na i go antap

long gret 10, na ol man tu i ken i stap insait.

Planti ol yangpela man na meri, trangu i save hatwok tru long i go long ol longwe ples long kisim save. So dispela hevi bilong vokesinnet skul i go long han bilong yu nau. Tenkyu.

Philip A. Pais Vanimo, Sandaun provins.

Memba bilong Not Flai kisim tok salens

Dia Edita,
MI WANPELA mangi Ike, insait long Ningerum distrik long Western provins. Mi laik autim wari bilong mi i go long Wantok Niuspepa.

Wari bilong mi olsem mi no save amamas long memba bilong Not Flai open, Kala Swokin. Long lukluk bilong mi yu no bringim wanpela han mak o developmen i kam insait long Kiunga, Ningerum, na Tabubil, Eria, na tu i no gat wanpela stori bilong yu i save kamap long niuspepa, redio o TV.

Nogat na nogat tru. Na tu yu save stap long Mosbi olgeta taim ya. Olsem wanem, mama karim yu long Mosbi o long we? Mama karim yu long Kiunga na tu ol pipel long Mosbi i no votim yu. Ol pipel long Kiunga i bin votim yu. Plis traim na kam bek long ples bilong yu na tingim ol pipel bilong yu. Em tasol! Plis ol Wantok laik sapotim mi orait welkam na rait long Wantok Niuspepa, Bai mi lukim.

Donald Apis Kiunga, Westen provins.

Wanem taim bai Japan i baim ol PNG pipel tu

Dia Edita,
MI WANPELA man i baim pinis K25.00 fi long Japan long baim kompensesen long bagarap ol Japan i kamapim long Wol Woa II long 1942-45.

Mi laik putim komplek bilong mi i go long presiden bilong Japanese Viktims Asosiesen Mista Gabriel Laku.

Mista Laku mipela ol lain i baim pinis K25.00 fi i wet yet long kisim mani i kam long Japan. Mipela i laik save mani Japan i salim i kam pinis o nogat? Mipela i no kisim sampela ol toktok i kam long yu long redio o niuspepa. Planti ol lapun papa tu i baim pinis fi nau ol i wet yet na klostu bai sampela dai.

Plis yu mas kamap long redio o Wantok Niuspepa na tokim mipela long wanem as na mipela i no kisim dispela mani. Sapos nogat mipela i laik bai yu mas givim bek ol mani bilong mipela. Tenkyu.

Leo Mining Maprik, Is Sepik provins.



National Capital District Commission

Press Release

NCDC I WESTIM MANI LONG LUKAUTIM OL PASINDIA

E kting Siti Menesa, Mista Jamie Maxtone-Graham i tok Nesanel Kepital Distrik Komisn i rausim ol pasindia i sindaun nating long haus bilong NCDC bikos planti tausen kina i save lus long stretim ol dispela haus we ol pipel husat i no wok long NCDC i save sindaun long en.

Em i tok NCDC i save baim takis bilong graun, pipia, wara, toilet, insurens na pawa bil tu long samplea bilong ol.

Mista Maxtone-Graham i tok Komisn i baim K31,2000 (teti wan tausen, tu handet kina) long takis bilong graun long haus bilong wanpela Siti Edministreta bipo husat i no pinisim yet dinau bilong em long baim dispela haus. Takis bilong ol narapela samting tu i bin antap tru na man ya i salim haus long K31,000. Man i lusim moa mani gen long baim ol dispela samting na em i no stret.

I no stret long NCDC i baim ol dispela takis long haus bilong ol lain husat i no moa wok long NCDC.

Em i tok ol pipel i kisim inap toksave long lusim ol dispela haus tasol ol i no harim tok.

Em i tok ol dipsela lain husat i no harim tok bai i kisim taim na pilim sem tu sapos ol opisa long NCDC i go long rausim ol long haus.

"Mi luksave long pen na hevi dispela pasin bai kamapim. Tasol i gat kankain nem nogut i pas long NCDC olsem na mobeta mipela i klinim sampela bilong ol dispela hevi pastaim." em i tok.

Mista Maxtone-Graham i tok planti ol wokman bipo bilong NCDC i bin paulim ol haus bilong Komisn.

"Nupela manesmen bai stretim ol dispela hevi na rausim dispela kain paul pasin bikos Komisn i no inap pret long ol lain husat i no bihainim toksave," em i tok.

Mista Maxtone-Graham i tok dispela wok bilong rausim ol pasindia bai karamapim olgeta haus bilong Komisn.

Em i tok ol wokman bipo husat i stap yet long haus bilong Komisn na i kisim toksave long muv aut i mas lusim ol dispel haus nau.


"Sapos husat i pilim olsem em i gat gutpela as bilong tok, orait mi laikim em i kam long Siti Hol na toksave. Tasol husat i no gat gutpela as bilong tok i mas harim tok na muv aut long ol dispela haus nau.

.....
Jamie Maxtone-Graham


Ekting Siti Menesa




□ Ol susa bilong NAQIA i kisim poto bihain long ol i amamas long gutpela win 2-0 bilong ol egensim DCA las wiken long Pablik Sevans soka resis



□ Boi ros, John Tukar i traim spit bilong em long trening bilong PNG Pukpuks las wik. Ol i bin tren wan wik na ol i makim tim long go pilai insait long Wol Ragbi Sevans.



□ Tupela susa ya i soim kain stail we i save kukim sofbal graun long olgeta Sarere. Dispela gem i stap namel long Gazelle na AB Bears las wiken.




□ Ol pilaia bilong Hailens i sanap amamas wantaim kosa bilong ol David Chung bihain long soka kik resis egensim Momases las wiken.



**OL SPOT
POTO
EKSEN
BILONG
POT
MOSBI**

□ Ol i save tok long soka; em bipo. Kain stail bilong Yangpela 3asasau bilong POSF i mas riwanim tep gen long guttaim bilong GFC. POSF i no laik tumas bikos NBC i banisim ol gut tru ta tupela tim wantaim i dro long Pablik Sevans soka resis.



□ Tupela pilaia bilong Daru husat i trening long PNG Pukpuk trening skwat las wik. I nogat wanpela bilong ol i winim spes long tim tasol ol i stap long riserv lista bilong PNGRFU.



Wiken Spot Dro

Port Moresby Private Companies Netball

Sunday, February 6th 2000

Division 1

1:00 SPH1 vs Word
1:45 Courts 1 vs Post 1
2:25 CCA vs Fairdeal
3:10 Pom T 1 vs Ela Motors

Division 2

1:00 EFM vs Daltron
1:45 SPH 2 vs Deloitte
2:45 Pom T 2 vs Brian Bell
3:10 STC 1 vs Raywhite

Division 3

1:00 Kenmore 1 vs Theodists
1:45 Pacom vs BSP 1
2:25 Yellow Pages vs National
Bye: STC 2

Division 4

1:00 MBA 1 vs PNG Transport
1:45 Brian Bell 2 vs Pryde
2:25 Bat 1 vs Paterson
3:10 Arnotts vs PNG Stationery

Division 5

1:00 Mobil vs Courts 2
1:45 MBA 2 vs Islander
2:25 Hitron vs Trukai
3:10 Eda Ranu 1 vs Goodman 1

Division 6

1:00 PNGFM vs Kenmore 2
1:45 AEI vs Bishop
Bye: Air Niugini and Lamana

Division 7

1:00 DHL vs Datec 1
1:45 Avis vs Eda Ranu 2
2:25 AHC vs Century
Bye: ANZ Bank 1

Division 8

1:00 Oil Search vs Ericsson
1:45 Bat 2 vs Datec 2
Bye: Goodman 2 and Curtains

Division 9

1:00 Renos vs Paraka
1:45 Carter vs Henao
2:25 Kenmore 3 vs Kina
3:10 BDW vs MJ Dwyers

Division 10

1:00 Gordon DMK-IEA vs BSP 2
1:45 ANZ 2 vs Fletchers
2:25 PWHC vs Bank Hawaii
Bye: IBS

Division 11

1:00 HBC vs CCC
Bye: Pro-Clean, Hastings and STC 3

Port Moresby Womens Softball

1999/2000 season proper
Saturday February 5, 2000

Diamond 3

Time	GR	Fixtures
09:00	B	AB Bears vs Admiralty
10:30	B	Gazelle vs Dolphins
12:00	A	Chebu vs Malangan
13:30	A	Gazelle vs Norths
15:00	A	AB Bears vs Wantoks
16:30	A	All Stars vs Mazda

Diamond 2

Time	GR	Fixtures
09:00	C	Dolphins vs Sunkist
10:30	C	Sharks vs Norths
12:00	C	Admiralty vs Wantoks
13:30	B	Mazda vs All Stars
15:00	C	Chebu vs Malangan

Bye: "B" Sunkist

NCD Public Servants Soccer

Saturday February 5, 2000

University Toa One (1)

Time	Div.	Fixtures
08:30	M2	IRC vs Works
09:45	W2	Works vs IRC
11:00	M2	A/Niugini vs Elcom
12:05	W2	Elcom vs A/Niugini
13:05	M2	Harbours vs NBC
14:20	W2	NBC vs Harbours
15:20	M2	Telikom vs POSF

University Toa Two (2)

Time	Div.	Fixtures
08:30	M1	NAQIA vs Post PNG
09:45	W1	Post PNG vs NAQIA
11:00	M1	Teachers vs NSO
12:05	W1	NSO vs Teachers
13:05	W1	NPF vs Transport
14:20	M1	Transport vs NPF

Sunday February 6, 2000

University Toa One (1)

Time	Div.	Fixtures
08:30	M2	BPNG vs Health
09:45	W2	Health vs BPNG
11:00	W2	POSF vs Telikom
12:00	M2	UPNG vs Defence
13:10	W2	Defence vs UPNG
14:15	W2	A/General vs Commerce
15:15	M2	Commerce vs A/General

University Toa Two (2)

Time	Div.	Fixtures
08:30	M1	Fisheries vs PNGBC
09:45	W1	Fisheries vs PNGBC
11:00	M1	NCDC vs Education
12:05	W1	Education vs NCDC
13:05	W1	Cellnet vs Police
14:20	M1	Police vs Cellnet

Bye: Pool One DCA (man/woman) Pool Two NCC (man/woman)

Lae Softball

1999-2000 season
Saturday February 5, 2000

Ladies

Diamond One

Time	Grade	Features	Umpire
11:00	B	B/Eagles vs Is Hawks	R Kunai
12:30	B	B/Raiders Elcees vs Malangan	S Manai
14:00	A	B/Ealges vs Is Hawks	K Move
15:30	A	B/Raiders Elcees vs Malangan	J Pinia

Diamond Two

Time	Grade	Features	Umpire
11:00	B	Post YMCA vs Bismark	J Kelea
12:30	B	Admiralty vs NGI	S Turfom
14:00	A	Post YMCA vs Bismark	T Sapul
15:30	A	Admiralty vs NGI	M Mago

Diamond Three

Time	Grade	Features	Umpire
11:00	B	Manolos vs Telikom	C Dapit
12:30	B	Aviat vs Karanas	S Banabas
14:00	A	Manolos vs Tekikom	M Sania
15:30	A	Aviat vs Karanas	H Costigan

Men

Sunday February 6, 2000

Diamond One

Time	Grade	Features	Umpire
11:00	B	Brown Eagles vs Is Hawks	R Kunai
12:30	B	B/Raiders Elcees vs Malangan	B Manai
14:00	A	Brown Eagles vs Is Hawks	K Move
15:30	A	B/Raiders Elcees vs Malangan	J Pinia

Diamond Two

Time	Grade	Features	Umpire
11:00	B	Post YMCA vs Bismark	J Keleu
12:30	B	Admiralty vs NGI	S Turfom
14:00	A	Post YMCA vs Bismark	T Sapul
15:30	A	Admiralty vs NGI	M Mago

Diamond Three

Time	Grade	Features	Umpire
11:00	B	Manolos vs Telikom	C Dapit
12:30	B	Aviat vs Karanas	S Banabas
14:00	A	Manolos vs Telikom	M Sania
15:30	A	Aviat vs Karanas	H Costigan

Note: All clubs please observe you umpiring duty and start the game on time.

NEGISO CUP DART

Thursday February 3, 2000

Board (1)
PNG Sports Commission vs TNT Aircargo

Board (2)
Salamanda One vs Royals

Board (3)
SOG vs Salamanda Two

Board (4)
Telikom vs Subway Lodge

Board (5)
Loia vs Arnotts

LEAGUE WORLD CUP 2000

Saturday October 28, 2000

Ireland v Samoa	Windsor Park, Belfast
France v PNG	Charlety Stadium, Paris
England v Australia	Twickenham, London

Sunday October 29, 2000

Tonga v Sth Africa	Region Parisienne
Fiji v Russia	Craven Park, Barrow
New Zealand v Lebanon	Kingsholm Gloucester
Scotland v Maroi	Firhill Stadium, Glasgow
Wales v Cook Islands	Racecourse Grd, Wrexham

Wednesday November 1, 2000

France v Tonga	Carcassonne
England v Russia	Knowsley Rd, St Helens
Australia v Fiji	Gateshead Intl Stadium
Ireland v Scotland	Tolka Pk, Dublin
Samoa v Maori	Derwent Pk, Workington

Thursday November 2, 2000

PNG v Sth Africa	Toulouse
Wales v Lebanon	Stradey Pk, Llanelli
NZ v Cook Islands	Madejski Stadium Reading

Saturday November 4, 2000

England v Fiji	Headingley, Leeds
Australia v Russia	Boulevard Hull
Ireland v Maori	Tolka Pk, Dublin

Sunday November 5, 2000

Cook Is v Lebanon	Millennium Stdm, Cardiff
Wales v New Zealand	Millennium Stdm, Cardiff
Scotland v Samoa	Tynecastle, Edinburgh
France v Sth Africa	Albi

Monday November 6, 2000

PNG v Tonga	Perpignan
-------------	-----------

Saturday November 11, 2000

Group 1: Qualifiers	Vicarage Rd Watford
Group 2: Qualifiers	Headingley, Leeds

Sunday November 12, 2000

Group 3: Qualifiers	Auto Quest Widnes
Group 4: Qualifiers	Wheldon Rd, Castleford

Saturday November 18, 2000

Semi-final	Reebok Stadium, Bolton
------------	------------------------

Sunday November 19, 2000


Semi-final	McAlpine St Huddersfield
------------	--------------------------

Saturday November 25, 2000

Final	Old Trafford Manchester
-------	-------------------------



WANTOK SPOT



PNGBC givim mani long Kakafuse skul

PACIFIC Finance Limited, aninit long nem PNG Benking Koperesen (PNGBC) i givim K2.500 i go long PNG Kakafuse martial ats klab long Pot Mosbi.

Dispela mani em Kakafuse klab i tingting long baim yunifom we ol bai yusim long tonament insait long kantri na tu ovasis.

Presiden bilong Kakafuse long PNG Terry Han i tok amamas long Pacific Finance Limited givim sapos long klab.

"Mipela i amamas tu long save olsem Pacific Finance kampani i sapotim ol pipel bilong Papua Niugini long kamapim gutpela kantri," Han i tok.

PNG Kakafuse em wanpela martial ats skul we long lainim ol man, meri na ol pikini long pasin bilong self-difens na lukautim skin bilong ol.

Grup maketing menesa bilong Pacific Finance, Philip Imbuni i tok em i amamas long sapotim PNG Kakafuse klab.

Em i tok mani em bikpela hevi long kantri na kain liklik helpim bai helpim tru klab long strongim na kamapim ol gutpela kung fu pait-man.

"Olsem wanpela bikpela bisnis insait long kantri, em i wok bilong mipela long sapotim ol spots gru we i save winim planti medal tru insait long kantri," Mista Imbuni i tok.



Kas bilong Edukesen

OL susa ya bilong Edukesen tim i no save wari long lus o win. Bikpela samting ol i laik pilai na amamas wantaim ol arapela pablik sevans insait long Pot Mosbi.

Edukesen tim i karim nem we ol wokman bilong edukesen dipatmen i ken pilai. Tasol nogat, i gat ol kainkain wantok na susa bilong ol wokman i ken pilai. Tim ya i gat sampela ol biknem olsem Jenny Silikara, Julie Posing (golkipa), Dorcas Horris, Christine Tomokita na no ting lus long smok balus, Lorna Mave.

Dispela ol bikmeri i karim nem ya, olsem na Edukesen i wok long kamapim strongpela gem insait long kompetisen bilong PSSA. Long poto ol i laik soim kain stail we i save bagarapim sindaun bilong ol soka sapota long olgeta Sarere na Sande long wiken. Photo: JOE IVAHARIA

NBC i no baim afileiesen fi

PSSA RIPOT

HENRY MORABANG i raitim

NESENEL Brodkasting Komisn (NBC) em wanpela klab yet i no baim afileiesen fi bilong em wantaim NCD Pablik Sevans Soka resis.

Presiden bilong PSSA Bede Tomokita i tokaut bihain long Wantok i askim sapos olgeta klab i pinisim afileiesen fi.

"NBC tasol i no baim yet. Na mi no save wanem samting i mekim na ol i nogat mani long baim afileiesen fi," Tomokita i tok.

Em i tok olgeta klab i baim fi bikos PSSA eksekutiv i toktok strong long ol na putim bikpela presa long klab.

Na mi laik mekim tok amamas i go long olgeta klab long bihain maus bilong PSSA long stretim dispela hevi hariap.

Presiden i mekim tok lukaut olsem sapos klab i no baim afileiesen, em bai aut long fainel. Maski nem bilong em i stap long fainel, na em i no pinisim afileiesen na tu rejistresen bilong ol pilaia, sori tumas, traime gen neks yia.

Tomokita i amamas long tokaut olsem 5-pela top tim tasol long wanwan pul bai stap long fainel. I gat tingting long surikim namba bilong tim i go moa, tasol dispela disisen bai stap wantaim ol lain eksekutiv.

Em i tokaut tu olsem wanem tim i stap long maina primia bai makim PSSA long PNGFA nesanel klab sempionsip.

Wina bilong wanwan pul bai salens na sapos wanem tim i win bai stap insait long nesanel soka klab taitel.

Tomokita tu i mekim bikpela tok

amamas i go long ol referi long mekim gutpela wok long lukautim gem long olgeta wiken. Em i tok sapos nogat referi, ating soka bai i no inap ran gut ya.

Insait long arapela stori, wok redi bilong pablik sevans soka i go long Melbourne Pablik Sektas Gem i wok long kamap gut.

PSSA eksekutiv i makim pinis olgeta tim menesa bilong Melanesia Kap long Honiara long 1994, Luke Ambu, olsem siaman bilong ogenaising komiti bilong soka tim bilong Melbourne.

Ambu bai kisim helpim i kam

long Justus Babao olsem tim menesa, na tupela kosa bilong man na meri tim em Stalin Jawa na Francis Possy.

Jawa em wanpela olupela nesanel kosa na tu i save lukautim PS Roots soka klab long Pot Mosbi we ol i lus long gren fainel.

Mista Possy em kosa bilong Momase Soka klab husat i save lukautim Edukesen soka klab long Pot Mosbi Pablik Sevans Soka.

Tupela wantaim i gat gutpela nem olsem kosa na PSSA i gat bikpela bilip tru long sapotim ol.

**Em i Gutpela
Em i Tuna
Em i bilong
PNG stret...**

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.